

# ত্রিবেণী

( উপন্যাস )

সুশীল রায়

এস. সি. সরকার অ্যান্ড সন্স লিমিটেড  
১লি, কলেজ কোয়ার্টার, কলিকাতা।

প্রকাশক

শ্রীপ্রভাসচন্দ্র সবকার, বি. এল.,

এস. সি. সবকার অ্যান্ড সন্স লিঃ

১সি, কলেজ স্কোয়ার

কলিকাতা ।

আড়াই টাকা

মুদ্রাকর

শ্রীশৈলেন্দ্রকুমার গুপ্ত

ডায়না প্রিটিং ওয়ার্কস লিঃ

৬৯, কেশবচন্দ্র সেন স্ট্রীট,

কলিকাতা ।

উৎসর্গ

ত্রীসাগরময় ঘোষ  
বন্ধুববেষু





## চুম্বক

প্রথম অধ্যায় - দুই বোন

দ্বিতীয় অধ্যায় - সাহিত্যিক শুকুন্তলা

[অবতরণিকা এপাং ওপাং, অচেনা বন্দর]

তৃতীয় অধ্যায় - দার্জিলিংয়ের লতা

চতুর্থ অধ্যায় - ছায়ানটী

সুশীল রায়ের অগ্ৰাণ্ণ বই  
উপন্যাস  
একদা  
শ্রীমতী পবিত্রী সন্ন্যাসিনী  
কবিতা  
সুচরিতাসু  
ছোটদের উপন্যাস  
আকাশ স্রষ্টা



ত্রিবেণী



# ত্রিবেণী

প্রথম অধ্যায়

## দুই বোন

করতোয়া রাস্তায় নেমে এলো। কিছুক্ষণ আগে রুটি হ'য়ে গেছে, কালো পীচের রাস্তা জলে ভিজে চকচক করছে। করতোয়াব চোখে রাস্তাটি বিরাট বিষধর সাপের মতো মনে হ'লো। মনে হ'লো, সে যেন ক্রমশ সেই মহাসাপের অবয়ব অতিক্রম ক'রে তাব বিকট শ্বাসের অভিযুখে ছুটেছে। কখন কাব কি ঘটে কেউই বলতে পারে না, এ কথা সত্য। কিন্তু এও তথৈব সত্য-যে করতোয়া প্রথম থেকে সতর্ক হ'লে তার এমন দুর্গতি আজ ঘটতো না। কিন্তু সে কেমন ক'বে বুঝবে বলো! দুর্জয়-যে তাকে সহসা এমন প্রবঞ্চনা করবে, এ-যে ছিলো তার করনার অতীতে।

করতোয়া একটু দাঁড়ালো। রাত এখন অনেক বেজে গেছে। কোন্ পথ দিয়ে গেলে সোজা সে নদীতট দিকে যেতে পারে; এই চিন্তাই হ'লো প্রবল। ইলেকট্রিকের আলোগুলো অনেকটা দূরে জ্বলে বসানো, রাস্তার অন্ধকার গিয়েছে কিন্তু আলো হয় নি।

কাবেরী এখন কী করেছে? সেও কি তারি মতো রাস্তার নেমে এসেছে? তারা দুই বোন মিলেজুলে আজ এ কী করতে চ'লেছে? করতোয়া চঞ্চল হ'য়ে উঠলো। সেই তো প্রথম এ যুক্তি আবিষ্কার ক'রেছে; এবং আবিষ্কার ক'রেই সে কান্ত হয় নি, কাবেরীকে বুঝিয়ে স্মৃতিয়ে রাজিও করেছে।

করতোয়া ভালো ক'রে গায়ে কাপড় জড়িয়ে নিলো। রাস্তার চারদিক তাকিয়ে তাকিয়ে দেখার চেষ্টা করলো, কেউ আসছে কিনা! তার একটু একটু শীত করেছে যেন। অসময়ের রুটিতে তার গা শির শির ক'রে উঠছে। করতোয়া আর দ্বিধা না ক'রে, বুকে প্রচুর বল সঞ্চয় ক'রে এবার দ্রুত হাঁটতে শুরু করলো। নাঃ, বুধা আর মমর নষ্ট ক'বে দরকার নেই, পঞ্চবটীর ওধারে গিয়ে সে কাবেরীর জন্তে অপেক্ষা করবে কথা আছে।

করতোয়ার নিজেরই কেমন যেন আশ্চর্য লাগছে, কী ভীষণ হুঃসাহস তার, অতগুলো লোকের সম্মুখ দিয়ে নিবিয়ে কেমন সে বেরিয়ে এলো। নাঃ, কাবেরীকে নিয়ে কোন কাজ করার যো নেই। করতোয়া তাকে আগে পার ক'রে দিয়ে আসবে ব'ললো, তাতে সে মোটেই রাজি হ'লো না।

পেছনে তাকাতে তাকাতে গুটিগুটি পায়ে করতোয়া এম্ব্যাকমেন্টে উঠতে আরম্ভ করলো। উঠতেই পদ্মার এক বালক বাতাস তার মুখে এসে ঠাণ্ডা আঘাত দিয়ে গেলো। একটা ভীক নিঃশ্বাস ত্যাগ ক'রে শক্তি পায়ে সে পাঁচআনীর মাঠে নেমে এলো। সহরের সমস্ত বাতাসকে যেন এ জায়গাটা মিলনস্থল, এখান থেকেই যেন তারা দিকে দিকে প্রেবিত হয়। এত বাতাস, এত আনন্দ ভরু মাজুঝুকে

## ছুই বোন

খেচ্ছার মরতে হয়। এ যেন করতোয়ার কাছে বড়ই আশ্চর্য ঠেকে। কেন, সে তো নির্বিঘ্নে না ম'রে বেঁচে থাকতে পারে। এক চুর্জয়ই কি তার জীবনের প্রধান এবং একমাত্র সঙ্গল?—যে, কেবল তারি জন্তে তাকে মরতে হ'চ্ছে। করতোয়ার একবার ইচ্ছে হ'লো, আবার সে ফিরে যায়। কিন্তু ফিরে গেলে তার চলবে কেমন ক'রে? এদিকে কাবেরী যদি এসে একা একাই। করতোয়া এগিয়ে চ'ললো।

এম্ব্যাক্সমেণ্টেব ওপাবে একটা মোটর হন'দিল। করতোয়া বুঝলো, এ শিশুই তাকে ফিরিয়ে নিতে এসেছে। এবার সে পেছনে তাকিয়ে ছুটে আরম্ভ কবলো, সে দিখিদিখ জ্ঞান শূন্য হ'য়েছে, উদ্ধ্বাসে করতোয়া ছুটেছে।

একটা গাছের আড়ালে দাঁড়িয়ে করতোয়া কাঁপতে লাগলো। আজ যদি তাকে এমন ভাবে ফিরিয়ে নিয়ে যায়, তবে কলেঙ্কারীর আর সীমা থাকবে না। সে কেমন ক'রে তা সহ করবে? না, মোটরটি দাঁড়ালো না। কবতোয়া আশ্বস্ত হ'লো।

নদীর দিকে অনেকটা নেমে গিয়ে করতোয়া পঞ্চবতীর দিকে হাটুতে আরম্ভ করলো। নদীব জলও গিয়েছে শুকিয়ে, তবু ডুবে নরার পক্ষে জল আছে প্রচুর, এটুকু করতোয়া বুঝতে পারছে।

খশান আজ একেবারে কাঁকা। কবতোয়া পঞ্চবতীর কাছে ব'সে খশানের দিকে তাকালো। একটা ঠাণ্ডা ভয়ে তার শরীর রোমাঞ্চিত হ'লো, কানের কাছের চুলগুলো শিরশির ক'রে উঠলো। তার মনে হ'লো, পৃথিবীর সমস্ত প্রেত যেন এই পঞ্চবতীর নিবিড় বনের প্রত্যেকটি গাছে বাসা বেঁধেছে, যেন তারা তাদের অশরীরী দেহ নিয়ে ন'ড়ে চ'ড়ে

উঠছে। ওই যে কালো কি যেন! হয়ত হাত-পা ঝুলিয়ে ব'সেছে, কোনো ছায়ায় মূর্তি।

দাঁতে দাঁত লাগিয়ে কবতোয়া ভয়কে জয় কববার চেষ্টা করলো। সে ভুলে গিয়েছিলো, সে আজ এখানে এসেছে আত্মহত্যা কবতে। তার তবে এত ভব কেন? কবতোয়া দৃঢ় হ'লো। সে নিজেকে নিশ্চিন্ত ভুলে খাওয়া চেষ্টা করলো। চেষ্টা কবলো, দুর্জয়কে মনে করাব। সত্যি, এমন মিথ্যা কথা মানুষ ব'লতে পারে?

প্রথম দিন থেকে সমস্ত কথা কবতোয়া একে একে মনে করাব চেষ্টা করলো। সে-যে তাতে আনন্দ পাবে ব'লে সে-সব কথা মনে করছে, তা নয়। এতে সে নিজেকে ভুলে যাচ্ছে, ভুলে যাচ্ছে যে কোথায় ব'সে আছে।—

হিলি ষ্টেশনে আসাম-মেল্ সেদিন অকেনক্ষণ দাঁড়িয়েছিলো। কবতোয়া আর কাবেদী তাদের কাকার সঙ্গে যাচ্ছিলো কার্শিয়াও। কাকার সঙ্গে আলাপ হ'লো দুর্জয়ের, সে-ও নাকি চ'লেছে দার্জিলিং। কিন্তু আপাততো শিলিগুড়ি,—সেখানকার কাজ সেরেই দু'তিন দিনের মধ্যে সে দার্জিলিং-এ উঠবে—মনে মনে তো এমনি এ'টেছে, শেষ-বেশ কি হয় কে জানে!

গোড়ার কথা এই টুকুই। তারপর দুর্জয় তাদের কার্শিয়াওর বর্ধমান রোডের বাসাতে এসে সেই-যে আস্তানা গাডলো, আদ নড়তে চায় না।

কবতোয়ার সঙ্গে তার প্রথম কথা কবতোয়া এখনো ভোলেনি, দুর্জয় এবদুঠে বাজীটার দিকে তাকিয়ে ব'ললো, দি ক্লাউড? (কবতোয়ার দিকে তাকিয়ে) চমৎকার কিন্তু আপনাদের এ বাসাব ন্যায়।



করতোয়া ব'ললো, হুঁ।

কাবেরী বেতের চেয়ারে ব'সে একদৃষ্টে দূরের শাদা এক-চাপ মেঘের দিকে তাকিয়ে মনে মনে হয়ত ভাবছিলো, 'কেমন ক'রে, কোথা থেকে, কেনই-বা এখানে এ-মেঘের আবির্ভাব হয়।

দুর্জয় তার মুখের দিকে তাকিয়ে ব'ললো, কি ভাবছেন?

কাবেরী দু'কড়ে ব'সে, অকারণে হাঁটু ব কাছে একটু কাপড় টেনে ব'ললো, কিছু না তো!

দুর্জয় হো-হো ক'রে হেসে উঠলো। ব'ললো, আমাদের অমন একদিন ছিলো, আমিও ওই রকম অশ্রুমনস্ক হ'য়ে পড়তাম। বিশ্বাস ককন! এই যে কাকা, আসুন। গিয়েছিলেন কোথায়?

দুর্জয় একটা চেয়ার এগিয়ে দিয়ে ব'ললো, আমিও ঘুরে এলাম। একটু পানের দিকে গিয়েছিলাম। আরো যেতাম, একজন ব'ললে—ওদিকে নাকি ভালুকের ভয়, তাই ফিরে এলাম। আপনি গিয়েছিলেন কোন দিকে?

—আমি? আব যাব কোথায় ব'লো, পান্সাবাড়ির রাস্তা ধ'রে হানিকটা ঘুরে এলাম। আমার এক বন্ধু ওখানে থাকে! ওরে কাবী, তোরা একবার কাল সকালে বেড়াতে বেড়াতে ওদের ওখানে বাস, শকুন্তলা তাদের ডাকছিলো। (করতোয়াকে) বেলা, কই, চা খাওয়ানে না?

করতোয়া ব'লেছিলো, কেন, শকুন্তলা খাওয়ালো না? বললাম, গেয়ে দেয়ে বেরোও!

কাকা হেসে - উঠলেন, দুর্জয়কে ইসারা ক'বে ব'ললেন, চ'টেছে।

## ত্রিবেণী

দুর্জয় হাত কচলে বড় আন্তরিক এবং বনিষ্ট হওয়ার চেষ্টা করলো, ব'ললো, ভয়ানক।

কাবেরী ব'ললো, শকুন্তলাদি একবার এলেও তো পারেন। আমরা এসেছি, আমাদের সঙ্গে তাঁর আগে দেখা করে যাওয়া উচিত।

কাকা চোখ বড় ক'রে ব'ললেন, জানিস্ নে? ও, ব'লতে ভুলে গেছি, প'ড়ে গিয়ে ও-য়ে প্রায় খোঁদা হ'য়ে গেছে। পায়ে বাণ্ডেজ বেধে—

করতোষা ব'লেছিলো, সে কি? তা তো বলনি!

কাকা ব'ললেন, সাথে কি আর চা দিতে পারেনি, তাব ওপব কলিকপেন্, বুক খডফড, 'নানাবকন বোগ! নিখিলেব তো চোখ ছানাভা, একটি মাত্র মেঘে নিয়ে সে যাই-যাই!

দুর্জয় কাকার মুখেব দিকে তাকিয়ে ব'ললো, তাই নাকি? তাৎপর্য জিত দিয়ে তালুতে অদ্বুত এক শব্দ করে ব'ললো, তা হ'লে বেজায় মুন্সিল বলতে হবেন!

করতোয়া সাম্নে চায়ের ট্রে বসিয়ে নিজেও ব'সে পড়লো।

দুর্জয়ের কথাবার্তা, গায়েপড়াভাব কাবেরী ববনাস্ত করতে পারতোনা। কিন্তু থুলে ব'লতে কি, প্রথম দিন থেকে কবতোয়া তাকে বেন স্নেহ করে ফেলেছে। কিন্তু এ-কথা সে কাবেবীর কাছে প্রকাশ করতে ভয় পেতো।

পরদিন সকালে দুর্জয় দাঁজিলিঙ যাবে ঠিক করলো। কথাটা করতোয়ার বুকে ছুঃখবান্দের মতো আঘাত দিয়েছিলো, আজ এই নুদীতীরে অন্ধকারের মধ্যে ব'সে, সে-কথা স্পষ্ট মনে পড়ছে তার।

আজ আত্মহত্যা করার সঙ্কল্প নিয়েও সে তুলতে পারছে না, সে ছজ্জের কাছে কতটা আত্মত্যাগী।

ছজ্জের পরদিন সত্যি সত্যিই দার্জিলিঙে গেলো। যাওয়ার সময় তাদের সকলকে বার বার নিমন্ত্রণ করে গেলো, তারা যেন তাদের ওখানে যায়। সে যেমন কয়েকদিন এখানে কাটিয়ে গেলো, তারাও যেন তেমনি তার ওখানে কয়েক দিন কাটিয়ে আসে। এতে ছজ্জের নাকি আনন্দের সীমা থাকবে না, আর এতে সে নিজেকে সৌভাগ্যবান মনে করবে না কি? দার্জিলিঙে তার বাবা-মা, ছোটো-বোন খেয়া, বড়-বোন লতা সবাই আছে। নাঃ, তার বড়-বোন এখনও অনুচ্চ, বিয়ে হবে না, সেক্সট্রা চেষ্টাও কিছু হয়নি, কারণ সে প্যারালিটিক, তার ওপর বা চোখ অন্ধ। আর বলেন কেন, ভগবান যার ওপর বিরূপ তাকে নানা উপায়ে শাস্তি দেন। ইত্যাদি নানা প্রকার কথা বলতে বলতে ছজ্জের বেরিয়ে গেলো।

ছজ্জের সেই যে ডুব দিলো, প্রায় দিন দশ তার আর পাশা পাওয়া গেলো না। কাকা বললেন, ও এক পাগল।

কিন্তু করতোয়া ব'সে ব'সে কি যেন ভাবতো। ভাবতো, সে দার্জিলিঙে গেছে, সে ছজ্জের অন্তরঙ্গ হ'য়ে উঠছে, ম্যালরোড্ ধ'রে কত বেড়াচ্ছে তারা। হীলকার্ট রোড্ ধ'রে কতদূর এগিয়ে বাচ্ছে। কিন্তু ছজ্জ কোথায়?

আজকেও এই নদীর ধারে ব'সে তার মনোভাব অনেকটা সেই রকমের। ছজ্জ, তুমি কোথায়?

হঠাৎ একদিন ছজ্জ এসে হাজির হ'লো। (করতোয়া ভাবছে, আজকেও ডেঙ্গি এলোনা কেন?) করতোয়া গভীর হ'য়ে ব'সে

সুদূরের শাদা পাহাড় কাঞ্চনজঙ্ঘা দেখছিলো, তার বুকের মধ্যে ছুঁপিও বেজে উঠছিলো গিজার ঘণ্টার মতো। তার মনে হচ্ছিলো, তার রক্তাধার যেন তার মুখের মধ্যে উঠে এসেছে।

বারান্দায় দাঁড়িয়ে ছুঁজর কাকার সঙ্গে কথা বলছে। পাশের ঘরে ব'লে কাবেরী চুপি চুপি কবিতা লিখছে। লিখছে আর কাটছে, মন উঠছেন, কেটেকুটে দাঁড়িয়েছে এমনি—

হে জেপ্টোমাবিষা, তুমি পাহাড়ের গাছ!—  
পাহাড়ের গাছ তুমি, পাইনের বোন।  
ঝিলঝিল কথা কও নয়নার সাথ,  
ঝনঝন সাথ মোর মন উচাটন।  
কাকের চোখের নতো জলে ঝনঝন  
ছুঁচলো তোমার ছায়া কবে কিলবিল।  
এবং—

. পেছন থেকে ছুঁজর ব'ললো—অপূর্ণ! তারপর? এবং, লিখুন,  
এবং—

কাবেরীর গাল লাল হ'য়ে উঠলো। তাড়াতাড়ি কাপড়ের মধ্যে খাতাটি মুকিয়ে চাপা গলায় ব'ললো, অসত্য।

মাঝের দরজা দিয়ে করতোয়া তাকিয়ে দেখছিলো, আর সে না ব'লে পারলো না, ব'ললো, কখন এলেন? ছুঁজর দরজার দিকে তাকিয়ে করতোয়াকে দেখেই ব'ললো, এই যে। এলাম এক্ষুনি, তারপর?

—তারপর ভালো আছেন সবাই?

ছুঁজর একবার কাবেরীর দিকে তাকিয়ে একটু দ্বিধা ক'রে করতোয়ার দিকে এগিয়ে এলো, ব'ললো, হ্যাঁ, তা এই এক রকম

কেটে যাচ্ছে। খুব চ'টেছেন নিশ্চয়ই, কিন্তু বিখাগ করুন, একটা চিঠি যে লিখবো—চলুন ও-ঘরে বসি গিয়ে।

কাবেরী রুট কটাক্ষে দুর্জয়ের দিকে তাকালো। তারা দু'জন কিন্তু কোনো দিকে না তাকিয়ে পাশেব ঘরে চলে গেলো। দুর্জয় একটা চেয়ারে ব'সতে ব'সতে ব'ললো, একটা চিঠি যে লিখবো এমন সময় পর্যন্ত পেলাম না। লতার অস্থখটা আবার একটু বেড়েছে (একটু হেসে) না, দিদি বলি না। ছোটো বেলা থেকে নাম ধ'বে ডেকে ডেকে একটা অভ্যাস হ'য়ে গেছে, এখন ছাড়া মুস্থিল! কিন্তু উৎপলবাবু খুব করছেন লতাব জন্তে, ব'লতে হবে। ঠ্যা, উনি ডাক্তার।

—তিনি একেবারেই পঙ্গু হ'য়ে গেছেন নাকি? করতোয়া সদস্য কণ্ঠে জিজ্ঞাসা ক'রেছিলো।

দুর্জয় সজোরে মাথা নেড়ে ব'ললো, নাঃ। চ'লতে ফিরতে পারে, মুখের ভাবও ঠিক আছে, বেকে বিশ্রী হ'য়ে যায় নি। তবে, বাঁ-অঙ্গ একটু টিলে গোছের, সঙ্গে সঙ্গে বাঁ চোখটা। এই যে কাকা, আহুন! দুর্জয় চেয়ার ছেড়ে উঠে দাঁড়ালো : এই, বাসার সব সংবাদ দিচ্ছি আর কি।

কাকা আন্তরিক গলায় ব'ললেন, দাও! কাবী কোথায়? ও-ঘরে বুঝি?—কি ব'ললে? কবিতা লিখছে? কাবী আজকাল কবি হ'চ্ছে দেখছি!—ব'লতে ব'লতে এবং হাসতে হাসতে কাকা চ'লে গেলেন।

নদীর ভিটা মাটির ওপর ব'সে করতোয়া চোখের কোন মুছলো। হঠাৎ তার মনে হ'লো—কৈ, কাবেরী তো এখনো এলো না! সে জ্ঞা হ'লে পথ ভুল ক'রেছে নাকি? এতক্ষণ তো তার আগা উচিত

ছিলো। করতোয়া এবার চারদিক তাকালো, তার স্বীকৃতিস্বরূপে আশ্চর্য লাগলো তার আর ভয় করছে না দেখে। ভয় তার করছে না, কিন্তু চারদিকে তাকিয়ে সে অন্ধকারকে দেখতে লাগল। অন্ধকারকে চিরজীবন সে কুৎসিত বলেই জেনে এসেছে, কিন্তু তার কেন যে আজ বেশ মনোরম লাগলো রাত্রের এই নিকলুষ অন্ধকারকে। যে-মৃত্যুকে মানুষ ছুঁবার ব'লে ভয় করে, যে-মৃত্যু অন্ধকারের মতো রহস্যবৃত, তারও স্বীয় একটা গৌলন্দ্য তা হ'লে আছে। আপাততো এ আবিষ্কার করতোয়ার কাছে প্রচুর সাহসনা হ'য়ে দাঁড়িয়েছে। মরতে যখন সে এসেছে, সে মরবেই, এখন শুধু কাবেরী এসে পড়লেই হয়। করতোয়া আবার স্থির হ'য়ে ব'সলো।

ঠিক এই রকম স্থির হ'য়ে সে বসেছিলো একদিন কাস্টিয়াঙেব সেণ্ট-মেরীর গির্জার পাশের পাইন-বনে, সঙ্গে সেদিন ছিলো দুর্জয়। আজকে তার সম্মুখে যেমন পদ্মার দুর্বল স্রোত ঝিরঝির করে ব'য়ে যাচ্ছে, সেদিনও তেমনি হোসেন-ঝোরার দুর্বার স্রোত পাহাড়ের শিলাখণ্ডের আশপাশ দিয়ে এঁকে বেঁকে ঝিরঝির করে ব'য়ে গিয়েছিলো। কাবেরী সেদিন কাকার সঙ্গে গিয়েছিলো শকুন্তলা-দের বাসায় বেড়াতে। আর এরা দুজন এসেছিলো এই দিকে।

দুর্জয় একটু পাগলাটে গোছের ছেলে, করতোয়ার গায়ে ধাক্কা দিয়ে ব'লেছিলো, এখান থেকে কে এক লাফ দিয়ে পড়তে পারে নীচে!

করতোয়া নীচে তাকাতেই তার বুক কেঁপে উঠলো, দেখলো, সন্ন্যাসীরা রেল লাইনের উপর দিয়ে দাঁড়ালিঙের দিকে চ'লেছে একটা ট্রেন। যেন সত্যিকারের ট্রেন নয়, করতোয়ার তাই মনে হ'য়েছিলো,

এবং ভালোও লেগেছিলো। মনে হয়েছিলো, যেন একটা জাপানী খেলনা গাড়ী অনির্দিষ্ট পথে এগিয়ে চ'লেছে। যে কোন মুহূর্তে দম ফুরিয়ে গেলেই থেমে যাবে। করতোয়া নীচের দিক থেকে চোখ তুললোনা। লাল লাল শেড়গুলো, বং-বেবংএর অজস্র নামহীন পাহাড়ী ফুল, পাহাড়ের ঢালু গায়ে গুরু গুরু অগুস্তি চায়েয় গাছ, মাঝে মাঝে শাদা রঙের পাহাড়ী পথ, কোথাও অদৃশ্য হ'য়ে গেছে, আবার এক ঝাঁক ক্রেপাটোমারিয়া গাছের পায়ের নীচ দিয়ে বেরিয়ে একে বেকে যেতে যেতে ঢালু হ'য়ে নেমে তির্যক ভঙ্গিতে মুচড়ে ঘুরে বিলুপ্ত হয়ে গেছে, করতোয়া একদৃষ্টে সেই দিকে তাকিয়ে রইলো। দুর্জয়কে ব'ললো, ওই সব বাস্তা দিয়ে ঘুরে বেড়াতে ইচ্ছা করে। কী চমৎকার বলুন তো!

দুর্জয় একটু হেসে বললো, চমৎকার এ জায়গাটাও—যেখানে আমরা ব'সে আছি। কিন্তু চমৎকার লাগছে না, কারণ আমরা একে পুরোপুরি আয়ত্ত ক'বেছি। ওখানে গেলেও ওব সৌন্দর্য আমরা নষ্ট ক'রে ফেলবো আমাদের উপস্থিতি দিয়ে। আর, একটু জেনো—ডাঙ-হিলের লোকেদের চোখে আমাদের এ জায়গাটাও স্বপ্নের মতো মনে হ'চ্ছে।

দুর্জয়ের কথা মনের মত হ'লো না তার। করতোয়া মনে মনে ভাবলো, সে এত সুন্দর দেশে, এমন মধুব পারিপার্শ্বিকে বসবাস করেছে! এ কথা তো সে আগে জানতো না!

সিঁড়ি বেয়ে বেয়ে তারা উঠেছিলো সেন্ট মেরীর চার্চে। কিন্তু ওপথ বড় দুর্গম, তাই এবার একটু ঘুরে রাস্তা দিয়ে নামতে আরম্ভ করলো। হঠাৎ করতোয়া গেল থেমে, অনেক ঘুরে পাহাড়ের গা দিয়ে একটা ট্রেন ধীরে ধীরে নেমে আসচে, এ-দৃশ্যটি তার চোখে এমন

মধুব লাগলো তা বলার নয়। করতোয়া দাঁড়িয়ে গেলো ট্রেনের ধীরে ধীরে নেমে-আসা দেখবে ব'লে। কিন্তু ভগবান সব সময়ই তার ওপর এমন বিরূপ, হঠাৎ এক চাপ মেঘ এসে সৃষ্টি ক'রে দিলো অন্ধকার। তারা দুজন কিছুক্ষণ দাঁড়ালো, চারদিকে মেঘ। দূরের পাহাড়গুলো মেঘের ছায়ায় কালো। হ'য়ে উঠেছে : কাবেরীর লেখা কয়েকটা লাইন তার মনে পড়লো :

হে বিধাতা, শিল্পী কবো, আমি তবে চারকোল দিয়ে,  
গাছাডের শার্ণ শ্রুতি হুন্স শিল্পে তুলিব বাঁচিয়ে।  
আমারে ক'দোনা কবি, ভাষাধীন তীর প্রেরণাতে  
আমারে দিখো না জালা, শুধু দাও চারকোল হাতে !  
ধূসরিত পাহাড়ের এ দৌল্য দিবে না বাঁচাতে ?

সত্যি, পাহাড়ের এ ধূসর রূপ কখনোই বাস্তব মনে হয় না। মনে হয়, যেন কোনো ছবির ভিতরে দাঁড়িয়ে আছি। করতোয়া একটা নিখাল ফেললো, ভাকিয়ে দেখলো চারদিক—যেন দূরের শূঁখ থেকে তার চোখের সন্মুখে কেউ কুলিয়ে দিয়েছে আকাশের ফ্রেমএ আঁটা একটা প্রকাণ্ড চারকোল ড্রিং।

দুর্জয় ব'ললো, চলো নামি।

দ্বিক্রান্তি না ক'রে করতোয়া নেমে এলো। বাসায় ফিরে দেখে, কাবেরী আর কাকা এসে গেছেন।

কাবেরী দুর্জয়ের দিকে কঠিন দৃষ্টিতে তাকালো ! দুর্জয় তা লক্ষ্য করেনি, সে কাবেরীর কাছে গিয়ে অমায়িক গলায় ব'ললো, বেড়িয়ে এলাম গির্জা থেকে।

কাবেরী ব'ললো, হ'।



একটু পরে আকাশ কালো হ'য়ে গেলো, পাহাড় হলো অদৃশ্য  
জুড়ুরে ঘুম-পাহাড়ে এক লাইন বাতি উঠলো জ'লে।

করতোয়া দুর্জয়ের কাছে এসে ব'ললো, রাত্তির কিন্তু ভালো  
লাগে না। কী বিশ্রী অন্ধকার বলুন তো! তাব-চে দিনই ভালো,  
কি বলুন!

কিন্তু আজ করতোয়াব রাত্রির ঘনাক্ষার ভালো লাগছে। সে নদী  
তীবে ব'সে ভাবছে, কেন ওদেব দু-বোনেব বিয়েব ঠিক  
হলো একই সঙ্গে! মনে মনে সে এঁটে বেখেছে দুর্জয়কেই সে  
বিয়ে কববে। কোন অজ্ঞাত, সম্পূর্ণ অপবিচিত একজনকে  
তাব বন্ধ বলে মেনে নেওয়া যে অসম্ভব! তার ওপর কাবেবী  
যাব সঙ্গে বিয়ে ঠিক হয়েছে তাব টাকা বাদে কিছু আছে বলে  
মনে হয় না। এই জন্তেই-না আজ তাদেব দু'জনকে এক সঙ্গে সমাপ্ত  
হ'বে যেতে হ'চ্ছে। কাকাকে ব'লে কিছু হওয়ার জো নেই, মাল্লব  
তিনি মন্দ মন, কিন্তু যা বলবেন তা কববেনই—এই হ'লো তার প্রধান  
দোষ।

দু'বোনে এক সঙ্গে ব'সে জটলা ক'রেছে। তারা দু'জন  
স্থির ক'রেছে, যেমন ক'রেই হোক এব প্রতিবিধান তারা কববে।

কাবেবী বললো, কিন্তু কি করা যায়?

করতোয়া লহজ গলায় বললো, কেন, মরবো!

—আর দুর্জয়বাবু যদি সত্যি এসে পৌছন! কাবেবী করতোয়ার  
মুখের দিকে তাকালো। করতোয়ার মুখ উজ্জ্বল হ'বে উঠলো বটে  
কিন্তু সে কিছু বলতে পারলো না।

কাবেবী ব'ললো, তবে আমি?

কবতোয়া একটা নিখাস ফেললো, ব'ললো, সে আর এসেছে।  
যদি আসবার হ'তো এতক্ষণে এসে পৌছতো তা হ'লে।

কাবেবী ব'ললো, চিঠি যখন লিখেছেন, যেমন ক'রেই হোক ভিঁি  
আসবেন। কিন্তু আম্মুব কথাটা একবার ভাবো।—সত্যি, এ বিষয়ে ন  
দিলেই চ'লতো না কাকাব? টাকা নিয়ে আমি কি কববো, আমি  
তো—কে?

কাকা একবার ঊঁকি দিয়ে গেলেন. ও, তোমা! মুন্সের থেকে  
ওবা এলো বে, তোব ছায়াদিবা!—ব'লে কাকা চ'লে গেলেন।

—আজ্ঞক। কবতোয়া ব'ললো। \*এং কাবেরীকে ব'ললো, তোব  
তবু এক সপ্তাহ পবে, ভাববাব সময় পাবি, কিন্তু আমি, আমাব আব  
সময় কই। কবতোয়া একটু অধীর গলায় বল'লো।

কাবেবী এব কোনো উত্তর দিতে পাবলো ন। সত্যি ভাব বিষেব  
এখনো এক সপ্তাহ বাকী, কিন্তু কবতোয়াব বিষেয়ে আগামী কাল হবেই।  
ছেলে নাকি দিল্লীতে স্টেনোগ্রাফাব, প্রথম বউ অল্প বয়সে নারা গেছে,  
কিন্তু বয়স গিয়েছে এখন তেত্রিশেব গায়ে, গোঁফ নাকি লম্বা লম্বা—  
অসহ। কবতোয়া কখনই ববদান্ত কবতে পাববে না। ছুজ'রকে  
সে এ বিষয়ে চিঠিতে জানিয়েছে। উত্তবে সে লিখেছে—অর্থ হয়ো  
না। বন্দোবস্ত একটা হবেই। বিষেব আগেব দিনই আমি গিয়ে  
পৌছবো। সুবাহা কিছু একটা হবে, ভেনে সেরো। তাতে যে  
যাই বলুক।

কিন্তু আজই তো বিষেব আগেব দিন। ছুজ'র তো এসে পৌছলো  
না এখনো। বাত্র প্রায় নটা বেজেছে। দুইবোন এখনি মুখেব দিকে  
তাকিয়ে ব'সে আছে চুপচাপ।

কাবেরী বললে, মরা উচিত আমরা আগে তা হ'লে !”

করতোয়া বললো, আগে পরে নয়,—একসঙ্গে। দুজনের আর আগবে না।

কাবেরী বললো, তিনি না তোমাকে অবৈধ হ'তে বারণ করেছেন।

কবতোয়ার মনে পড়লো একটা ঝগড়ার কথা। একদিন সেই ঝগড়ার ধাবে বসে দুজনে তাকে উপদেশ দিয়েছিলো, ব'লেছিলো, মালুয়ের কোন সময়ই বিহ্বল হওয়া উচিত নয়। কখনো করতোয়া, আজই একটা বই পড়ভিলাম, তাতে বেশ একটা সুন্দর কথা দেখলাম। বিগত মহাযুদ্ধের সময় সৈনিকদের উপদেশ দেওয়া হয়েছে, লিখেছে— ‘যখন তুমি যোদ্ধা হয়েছ তখন তুমি দুয়েব যে-কোনো একটা ; হয় তুমি লাইনেব সম্মুখে থাকবে কিংবা পিছনে। যদি তুমি পিছনেই থেকে থাকো তোমাব বুকু হওয়ার কিছু নেই। যদি সম্মুখে থাকো তবে তুমি দুয়ের যে-কোন একটা ; হয় তুমি বিপদের গণ্ডির ভিতরে, না হয় এমন গণ্ডিতে যেখানে বিপদ নেই। যদি তুমি সেই গণ্ডিতে থাকো যেখানে বিপদ নেই, তাহ'লে তোমাব ব্যস্ত হবার কি আছে ? জ্ঞান যদি বিপদ-গণ্ডির মধ্যে থাকো তা হ'লে তুমি দুয়ের যে-কোন একটা ; হয় তুমি আহত হবে কিংবা আহত হবে না। যদি আহত না হও তা হলে ব্যস্ত হবার কি আছে ? আর যদি আহতই হও তাহ'লে তুমি দুয়ের যে-কোনো একটা ; হয় গুরুতর আহত হবে, না হয় অল্পের উপর দিয়ে যাবে। যদি অল্প আহত হও, তবে ব্যস্ত হবার কিছু নেই। আর যদি গুরুতর আহত হও তা হ'লে তুমি দুয়ের যে কোনো একটা ; হয় তুমি মারা যাবে কিংবা মারা যাবে না। যদি মারা না যাও তবে ব্যস্ত হবার কিছু নেই, আর যদি মারা যাও তা হ'লে ব্যস্ত হতে

পারছোনা। সেই জন্তই এমন কোনো জিনিষ নেই যার জন্তে ব্যস্ত হ'তে হবে!—তাহ'লেই বুঝতে পারছো সব সময় দৃঢ় হওয়া উচিত। জীবনের সমস্ত যুদ্ধেই আমাদের এই কথাগুলো মনে রাখা দরকার।

নদীর ধারে ব'সে, এই কথা আবার মনে হ'তেই সে চমকে উঠলো। তাই তো, দুর্জয়ই তো তাকে উপদেশ দিয়েছিলো। সে তবে এমন অস্থির হ'য়ে পড়ছে কেন? করতোয়ার তল্লা কেটে গেলো—তার চোখের সমুখে শুকতাবা তখন দপ্ দপ্ ক'রে অ'লে উঠেছে! সে কি, কাবেরী এখনো আগেনি? করতোয়া তার পাশে তাকালো, নাঃ, কেউ নেই! পঞ্চবটীর গাছে একটা শকুন পাখা ঝাপটাচ্ছে। চারদিক পরিষ্কার হ'য়ে গেছে! কই, তার তো মরা হ'লোনা! কাবেরীও তো এসে পৌছালোনা। এ যে বড় বিপদ হ'লো তাব! মরা যখন একান্তই হ'লোনা, আর মরেও তবে কাজ নেই। দুর্জয়ের উপদেশ মতোই না-হয় সে অদৃষ্টের মুখ চেয়ে ব'সে থাকবে। তাতে ক্ষতি কি আছে। এখন সে বাসার দিকে যাবে নাকি? কিন্তু ফিরেই-বা যাবে কেমন ক'রে?—যে অন্ধকারের মধ্যে আত্মগোপন ক'রে সে এসেছে; সে অন্ধকার তো এখন নেই! আর যদি সে সত্যিই ফিরে যায় স্বাভাবিক ইতিমধ্যে কাবেরী যদি এসে ম'রে গিয়ে থাকে, তা হ'লে? করতোয়া ভগ্নানক বিপদে পড়লো। কিন্তু আর এখন ব'সে থাকা চলে না। করতোয়া ধীরে ধীরে অব্যাহতমেন্ট ডিঙ্গিয়ে হাঁটতে আরম্ভ করলো—শহরের দিকে যেতে সে পারলো না, সোজা চ'ললো চারঘাটের পথ ধ'রে বরাবর। সে কিন্তু ঠিক জানে না, সে যাচ্ছে কোথায়, কিংবা কত দূরে।

এ দিকে দুর্জয় কিন্তু এসে পৌছে গেছে। আসামে মেলেই সে কলকাতা থেকে রওনা হ'য়েছিলো, কিন্তু মাঝ পথে মেলভ্যানের চাকা

পরম হ'য়ে প্রায় আগুন ধ'রে ওঠার জোগাড় হওয়ার মেরামত করতে আর ঠাণ্ডা করতে প্রায় সাত ঘণ্টা দেরী। নাটোরে এসে বাস পেলোনা। রাত তখন প্রায় বারোটা বেজেছে। করতোয়া যখন বাসা থেকে বেরিয়ে পড়লো, তখন দুর্জয় চাপলো টমটমে। যখন তার টমটম পুষ্টির চৌরাস্তা পার হয়েছে, সেই মহুর্ভে করতোয়া পঞ্চবটী ভিড়িয়ে নদীর কিনারায় ব'সলো। শিবপুর হাঁটের গা দিয়ে অন্ধকার ভেদ ক'রে যখন একটা টমটম ঝুমঝুমি বাজিয়ে বাজিয়ে এগিয়ে চ'লেছে, করতোয়া তখন কাবেরীর জন্ত উৎকণ্ঠ প্রতীক্ষায় ব'সে।

শহরের মধ্যে যখন টমটম এগিয়েছে, যখন পেছনে তেলীপাড়া রেখে, বায়ে রেখে সাগরপাড়া, ডানে বেখে শিরোলের জঙ্গলে যাবার রাস্তা, টমটম চ'লেছে ঘোড়ামারার দিকে, রাত তখন তিনটে বাজে। তখন গভীর হ'য়ে করতোয়া সেই ঝরনার কথা ভাবছে, ভাবছে দুর্জয়ের সেই উপদেশের কথা।

দুর্জয় ভাবছিলো, এত রাত্রে কি-ব'লে সে দরজার আঘাত দেবে। সকলে ঘুমিয়ে অচেতন হ'য়ে আছে নিশ্চয়। করতোয়ার সঙ্গে এই রাত্রে তার দেখা হবে না, সেও এখন নিবিড় হয়ে ঘুমাচ্ছে অনিবার্য। আর কাবেরী কি করছে?

টমটম বায়ে মোড় ঘুরলো। পাবলিক লাইব্রেরীর সমুখে টমটম দাঁড় করিয়ে, ভাড়া মিটিয়ে সরু গলি ধ'রে দুর্জয় এগিয়ে গেলো। খানিকটা এগিয়ে বাওয়ার পর তার বড় আশ্চর্য ব'লে বোধ হ'লো। বুকটা কেঁপে উঠলো। সে তবে ভাবিখ ভুল ক'রেছে নাকি? আজ রাত্রেই কি করতোয়ার বিয়ের কথা ছিলো? লোকজনে বাড়ি যে গমগম করছে। সমস্ত বাড়িময় জ্বলছে অজস্র বাতি।

দুর্জয়ের গলার কাছে যেন তার জংপিও উঠে এসে ধক্ ধক্ করছে। বুকের মধ্যেটা যেন একেবারে ফাঁকা। দুর্জয় এগিয়ে গেলো।

কাকা ব্যস্ত হ'য়ে ঘোরফেঁকা ক'ব'ছেন। দুর্জয়কে দেগেও দেখলেন না। সে কি? দুর্জয় আস্তে আস্তে অন্দরের দিকে গেলো। সেখানে মেয়েরা সবাই মাথাষ হাত দিয়ে ব'সে। দুর্জয় অবশেষে গুনলো, ক'বতোয়াকে পাওয়া যাচ্ছে না! সে কি? পাওয়া যাচ্ছে না মানে? দুর্জয় তো এর কোনো মানে পাচ্ছেনা। বড় অবিশ্বাস্ত ঘটনা ব'লতে হবে।

রাত যখন প্রায় নটা (দুর্জয় তখন সাশা ত্রিজের ওপারে) তখন কাকা নাকি করতোয়া আর কাবেবীকে ব'সে গল্প করতে দেখেছিলেন। তারপব থেকে আর দেখছেন না। কাবেবীকে জিজ্ঞেস করলে সে ব'লছে—জানি না তো!

দুর্জয়ও প্রায় মাথাষ হাত দিয়ে ব'সলো। মনে-মনে সে কত-কি এঁটে এসেছে, কিন্তু হঠাৎ এ কি হ'য়ে গেলো?

বরযাত্রীরা বর নিয়ে এসে হাজির হ'য়েছে প্রায় বাত বারোটা নাগাদ। (করতোয়া কিন্তু তাদের আসাতেই আবো অধৈর্য হ'য়ে প'ড়েছিলো এবং তখনি সে গায়ে চাদরটি জড়িয়ে বেরিয়ে প'ড়েছে, কিন্তু কাবেবী আর বেরুতেই পারলোনা)। বরযাত্রীদের মধ্যে তো যা-তা আলোচনা আরম্ভ হ'য়ে গিয়েছে এ নিয়ে। করতোয়াকে নিয়ে তারা কুৎসিত গল্প বানাতে আরম্ভ ক'রেছে।

এদিকে করতোয়া যখন চারঘাটের রাস্তা ধ'রে এগিয়ে গেছে অনেকটা, তখন তার পেছনে সমস্ত শহরে তার নামে নানাবিধ কুৎসা

দুটোনা আরম্ভ হয়েছে। চায়ের দোকান, রাণীবাজারের মোড়, মালোপাড়ার তে-মাথা সব এক মাথা হ'য়ে একই কথা বলছে। ব'লছে, বিয়ের ক'নে রাতারাতি স'রে পড়লো, শহরের ইতিহাসে এই প্রথম।

বরযাত্রীরা আর দেবী করলোনা, ভাবগতিক স্রুবিধে নয় দেখে তারা গোটা আট বেলায় সময় মোটির চেপে, বরকে নিয়ে চ'লে গেলো।

দুজয় অনেকগ গম্ভীর হ'য়ে ব'সে রইলো। করতোয়ার কথা ভেবে তার দুঃখও যেমন হচ্ছে, তার সঙ্গে সঙ্গে নানাবিধ চিন্তায় সে তাকে দুঃখও না ক'নে পারছে না। যে-করতোয়াকে সে এত দিন এত দকমে ভালোবেসে এসেছে মনে-মনে, অকস্মাৎ সে এমন একটা কেলঙ্কারি করে ব'সলো ?

কাকা এতক্ষণ দুজয়কে বিশেষ আমল দিচ্ছিলেননা। কিন্তু এখন অতি আন্তরিক গলায় তাকে ডাকলেন, একটু ওপরে উঠে এসো তো, দুজয়। কয়েকটা কথা আছে!

দুজয় কাকার সঙ্গে ওপরের ঘরে গেল। তিনি দুজয়ের দিকে অনেকগ তাকিয়ে থাকলেন, তাঁর চোখ একটু সজল হ'য়ে উঠলো। ব'ললেন, এখন কি করা যায়, বলো। আমি তো ভেবে কিছু ঠিক করতে পারছি নে। বিয়ের সব বন্দোবস্তই তো হ'য়ে আছে। ওয়া সব গালাগালি দিতে দিতে চ'লে গেল। ব'ললাম আর একটি মেয়ে আছে তার সঙ্গেই না-হয় আজ 'রাত্রে বিয়ে দিচ্ছি। তাও তারা শুনলে না, ব'ললে—এ সব ঘরে ওয়া বিয়ে করে না। কি করি এখন, দুজয়!

আতঙ্ক তাঁর আরো প্রবল হ'লো, মনে হলো—কাবেরীর বিষে  
 যেখানে ঠিক ক'রেছেন তারাও এ-সব স্তনলে নিশ্চয়ই বিগড়ে ব'সবে।  
 এখন উপায়? ব'ললেন, দুর্জয়, কথা বলো।

দুর্জয় উত্তর দিলো না।

পাশের ঘরে কাবেরী কুঁপিয়ে কুঁপিয়ে কাঁদছে না? দুর্জয়ের  
 যেন তাই মনে হ'চ্ছে। সে কান খাড়া করলো। কাকারও যেন  
 তাই মনে হ'চ্ছে।

পাশের ঘরে কাকা উঠে গেলেন। শত প্রশ্নকরাতেও কাবেরী  
 কোন উত্তর দিলো না। তার যেন কেবলই মনে হ'চ্ছে, করতোয়ার  
 একটা দেহ জলে ভাসতে ভাসতে এগিয়ে চ'লেছে। কিন্তু এ-কথা  
 প্রকাশ ক'রতে সে রীতিমতো ভয় পাচ্ছে। এ-কথা চিন্তা করতে  
 তার শরীরের মধ্যে দিয়ে একটা দ্যাগা শিহরণ শিবশির ক'রে মেরুদণ্ড  
 নেয়ে নেয়ে যাচ্ছে। কাবেরী শুধু ব'ললো, আমাকে ওখানে নিরে  
 দিয়ে না, কাকা!

কাকা হঠাৎ ব'লে ফেললেন, 'তাল মানে?'

পাশের ঘর থেকে দুর্জয় কান পেতে সব শুনছে। তার বুকের  
 ভেতরটা দ্রুত আন্দোলিত হ'য়ে উঠছে বার বার। করতোয়ার ওপর  
 তার কেমন যেন গুণা বাড়ছে।

কালো একটা বিনাদ গুমস্ত বাড়ড়ের পাখার মতো বাড়িটার ওপর  
 ঝুলে আছে। কাকার মনেও সে বিনাদ গাঢ় হ'য়ে উঠেছে। করতোয়া  
 আর কাবেরীর বাবা-মা নান্না যাওয়ার পর থেকে এদের প্রতিপালনের  
 তার তিনি গ্রহণ ক'রেছেন, কিন্তু এরা যে তাঁকে এমন বিপদে ফেলবে,  
 এ-কথা তিনি কখনো ভাবেন নি।



কাবেরীর সঙ্গে অনেকগুলি পর্যন্ত কাকার কি সব কথাবার্তা হ'লো, দুর্জয় কান পেতে থেকেও কিছু শুনতে পেলো না।

ইঠাৎ দ্রুতবেগে কাকা এ-ঘরে ঢুকতেই দুর্জয় কঁপে উঠলো। কাকা সঙ্গেসঙ্গে তার হাত ধরে ব'ললেন, দুর্জয়, আগে প্রতিজ্ঞা করো।

দুর্জয় এর কোনো অর্থ বুঝতে পারলো না। কাকা ব'ললেন, প্রতিজ্ঞা করো, আমার কথা রাখবে? আমি তোমার বাবার মত নেবো, একুনি টোলিগ্রাম করছি। তুমি আগে কথা দাও!

—কি কথা বলুন!

—তুমি কাবেরীকে বিয়ে করবে, এবং আজই। সব বন্দোবস্তই আছে, কেবল তুমি কথা দেবে! কাকা অদূর গলায় ব'ললেন, আর দ্বিধা ক'রো না, দুর্জয়।

দুর্জয় একটু ভাবলো, না, ভাবার সে ঠিক সময় পেলো না। ব'ললো, কাবেরীর মত?

—আছে। সে জেতে চিন্তা নেই; আমি বন্দোবস্ত করছি। দুর্জয়, ব'লো একটু, আমি এলাম ব'লে!

দুর্জয় ভাবছে সেই কবিতাটির কথা, সেই কার্গিমাণ্ডে ব'সে কাবেরী যে কবিতা লিখছিলো! সত্যি, কবিতা চমৎকার লেখে কাবেরী। কবিতোয়ার মধ্যে গুণ এমন আর কি ছিলো? একটু মাত্র তার গুণ যে সে মেয়ে। তার পরিচয়ও সে নিয়ে গেছে!

কাবেরী পাশের ঘরে জানালার কাছে উঠে গেলো—উঃ, তার বৃক্কের ওপর থেকে কত বড় একটা পাখর নেমে গেলো। কবিতোয়ার কথা তার একটু একটু মনে পড়েছে বই-কি, কিন্তু এখন না-হয় সে

সে-কথা ভুলেই থাকলো! দুঃখ করার সময় তো মানুষ অনেকই পাবে, কিন্তু আনন্দ যেটুকু পাৰো ক'রে নেওয়াই বুদ্ধিবুদ্ধি। কাবেরীর মনোভাব, সত্যি বলতে কি, ঠিক এই রকম দাঁড়িয়েছে। তবু করতোয়ার একটা বিকৃত বীভৎস মৃতদেহ তার চোখে মাঝে মাঝে ভেসে ওঠে বই-কি!

পাশের ঘরে জানলার কাছে দাঁড়িয়ে দুর্জয় রীতিমতো গুণগুণ ক'রে গান করছে।

## সাহিত্যিক শকুন্তলা

শকুন্তলার জীবনে একটি ট্রাজেডি আছে। তার লেখার ভেতর সে ট্রাজেডির আভাস আমায় অনেক পেয়েছি।—এবং সে আভাস পেয়েছি বলেই শকুন্তল' এতো শিগ্গিরি এত জনপ্রিয় হ'য়ে উঠেছে। ভাবপ্রবণ বাঙালীর কাছে জনপ্রিয় হ'তে অবশ্য কঠিন অধ্যবসারের দরকার হয় না। পরিমিত পরিমাণে করুণ রসের জোগান দিতে পারলেই অনায়াসে জনপ্রিয়তা অর্জন করা যায়। শকুন্তলা হয়ত এ টেকনিকটা জানে। তাই তার লেখার মধ্যে করুণ রসের প্রবাহটাই নজরে পড়ে বেশি। এদিক থেকে তাকে শরৎচন্দ্রের সমকক্ষ না বলে উপায় নেই। করুণ রসই যে একমাত্র রস নয়, শকুন্তলাকে অবশ্য একথা বুঝিয়ে দেবার সময় এসেছে। শকুন্তলাকে আমার প্রতিদ্বন্দ্বী ভাববেন না। তাহ'লে তাকে নিয়ে কাহিনী রচনা অবশ্যই করতাম না। শকুন্তলায় সাহিত্যিক চরিত্রের দোষ কোথায়, শুধুমাত্র সেই কথাটা বলার জন্যেই এই নীরস গল্পের অবতারণা।

শকুন্তলাব সাহিত্য-সাধনার মধ্যে একটা গুণের বৈশিষ্ট্য।  
আমাদের বাংলাদেশের মহিলা সাহিত্যিকদের মতো সেও কল্পনা  
অবলম্বন করেনি।

শকুন্তলা এখনো সাময়িক পত্রেই লিখেছে। গ্রন্থাকারে তার কোন বই বেবোয়নি। বই বেবোবাব পবেব ইতিহাসও ব'লবো, যখন অঙ্ক থেকে অর্পূর্ব তাব স্মৃতি সঁমালোচনা ক'রে পাঠাবে, তাও আপনাদেব দেখাবো। কিন্তু সে কথায় আসার আগে আমাকে ব'লে নিতে হবে ট্যাঙ্কেডিব কথা।'

অনেকে ব'লবেন, এ ভূমিকাটির মানে হয় না। কিন্তু তাঁদের অর্ধহীন কলববে কান দিতে গেলে আমাব বচনা করা আব হবে না। ওই, এবাব কাসিসাণ্ডেব পাখাবাডিব একট কাঠের ব'ড়ীতে আমাদেব এসে পৌঁছতে হ'চ্ছে।

এখান থেকে আপনাবা দুবে তাকালে পাগল হ'ষে যাবেন। ওই যে ভূষারের মতো শাদা মেঘ, তা'র নীচে পাহাড়েব ওপব আলকাংরার মতো কালো ছায়া, আবো নীচে তিস্তানদীর বক্র শীর্ণ একটি বেথা, নদীর আশেপাশে ছোট ছোট লাল আটচালা, বহুদূরে উঁচুতে মাঝে মাঝে সহবেব নানাবিধ ঘরবাড়ী সোপানেব মতো ধাপে ধাপে উঠে গেছে; সব শেষে এই যে বাতাস, কখনো নিশ্বাসেব মতো, কখনো সোহাগের মতো, আবাব কখনো-বা এক টুক্কো হাঙ্কা হাসির মতো

আপনাদের গায়ে এসে লাগছে, এতে উদ্ভ্রান্ত যে না হয়, তার দিকে নজর রাখ! দরকার, কারণ আগামী কাল সে যাক্ষন খুন করতে পারে। কিন্তু যে এ-সবের দিকে মন দেওয়ার অবকাশ পায়নি তার কথা যদিও স্বতন্ত্র। যে তাকায়নি, যে মন দেয়নি, বুদ্ধিমান সেই, কারণ সে উদ্ভ্রান্ত হবার সুযোগ পাচ্ছে না, সে পুনঃ পুনঃ কবনে আশ্রয় নেই তা হ'লে।

শকুন্তলা অ'ব দিলীপকে আমবা তাই বুদ্ধিমান বলছি। পৃথিবী ব'লে যে একটা পদার্থ এ পৃথিবীতে আছে, পাহাড় ব'লে যে একটি বিশাল শিখাও দাঁড়িয়ে দাঁড়িয়ে আকাশে হেলান দিয়ে ঘুঘুচ্ছে, নতাস ও মেঘের গতায়ত নামক কোনো প্রকার নৈসর্গিক প্রক্রিয়া যে চ'লছে, এ-সব কথা আপাততো তারা ভুলে আছে। তারা চ'জন কেবল মাত্র ছ'জনেরই অস্তিত্ব স্বীকার ক'রছে এখন।

শকুন্তলা বলছে, কিন্তু করাচি যাবার আগে তুমি ব'লে যাও—সপ্তাহে অন্তত একখানা ক'বে চিঠি দেবে।

দিলীপ হাঁজি-চেয়ারে চিৎপাত হ'য়ে শুয়ে সিলিঙের দিকে তাকিয়ে ছিলো, ব'ললো, দেবো।

শকুন্তলা কিছুক্ষণ চুপ ক'রে থাকলো, পরে ব'ললো, শেষ-বেশ কথার ঠিক থাকলে হয়।

—পাগল! এই সামান্য কথার ঠিক থাকবে না! দিলীপ যখন চলে ব'ললো, এটুকু ভুলে যেয়োনা-যে চিঠি দেওয়ার পরজ আমান্নি থাকবে বেশি। তোমরা দেশের মধ্যে থাকবে, আত্মীয় থাকবে, বন্ধু থাকবে, কিন্তু আমি?—আমি তোঁ সবার কাছ থেকে বিচ্ছিন্ন হ'য়ে সেখানে সম্পূর্ণ একা হ'য়ে পড়বো। সন্ধিহীন মানুষ

বাঁচতে পারে না, একথা জানো। চিঠির মারফৎ ব্যবধানের স্বতো  
একটু ছোট করে নিতে—

শকুন্তলা বললো, মানি।

পাশের ঘরে নিখিলবাবু কেশে উঠলেন।

শকুন্তলা দরজার দিকে তাকিয়ে বললো, বাবার ঘুম ভেঙেছে  
হয় ত। দাঁড়াও, দেখে আসি। চা করবো এখন? শকুন্তলা উঠে  
দাঁড়ালো।

দিলীপ বললো, চা-ময় দেশে চায়ে বিতৃষ্ণা ধ'রেছে। 'একটু  
কোকো খাওয়াও দেখি।

শকুন্তলা স্তিমিত হাসতে হাসতে, ঝুলন্ত আঁচল কাঁধে তুলে নিতে  
নিতে চ'লে গেলো।

দিলীপ পাশে হাত বাড়িয়ে একটা পেন্সিল নিলো। স্বভাবতই  
সে চঞ্চল, এক মুহূর্ত চুপচাপ এক। ব'সে থাকতে তাকে দেখা যায় না।  
পেন্সিলের শরু শিষ্ দিয়ে সে বাঁ হাতের বুড়ো আঙুলেব নখে দাগ  
কাটতে আরম্ভ ক'রলো।

নিখিলবাবু আবার কাশলেন, কাঠের দেওয়াল ডিঙিয়ে তাঁর ভারি  
গলা শোনা গেল।

শকুন্তলা ফিরে এসে বললো, জল চাপিয়ে এলাম। বাবারও  
ঘুম ভেঙেছে, এক ঢিলে দুই পাখী মারবো।

আপনারা অনেকে লক্ষ্য ক'রে থাকবেন, যে-শকুন্তলার হাসিখুসি  
মেয়ে ব'লে খ্যাতি আছে, আজ সে বিষম, আজ সে কিছুতেই হাসচে  
না। যদি বা কখনো হাসচে, সে হাসি নিশ্চিভ, সে হাসি জ্যোতিঃহীন।

শকুন্তলা ডাকলো, বাহাদুর!

চাকর আসতেই তাকে কিছু খাবার আনতে পাঠাচ্ছিলো। কিন্তু খাওয়ার বিষয়ে দিলীপ চিরদিনই বাধা দিয়ে থাকে, আজো ব'ললে, ভদ্রতা করছো তো? এতে যে তুমি আমাকে তোমার আপন ব'লে স্বীকার করে নিচ্ছে, তা প্রমাণ হ'বে না কিন্তু। ভদ্রতা তুমি অথচ কারুর সঙ্গে ক'রো, আমার সঙ্গে ক'রো না, শকুন্তলা।

—ভদ্রতা নয়! শকুন্তলা বাহাদুরকে ঠেলে দিলো : যা তুই, আন গিয়ে। (দিলীপকে) ছ-মাসের মতো তুমি চ'লে যাচ্ছো, একটু খাওয়াতে হয়।

দিলীপ ব'ললো, শুধু ছ-মাস ভাবছো কেন, চিরদিনের মতোও তো হতে পারে।

শকুন্তলা পাথর হ'য়ে দাঁড়িয়ে গেলো। দিলীপের কথাটি তার কানে অতি নির্ভুর শোনাগেলো। কিছুক্ষণ স্তব্ধ হ'য়ে দিলীপের মুখের দিকে তাকিয়ে থেকে সে কি-যেন ব'লতে গেলো, পারলো না আদৌ।

শকুন্তলার মুখের দিকে তাকিয়ে দিলীপ চীৎকার ক'রে হেসে উঠলো, ব'ললো, একেবারেই ছেলেমানুষ।

শকুন্তলা একটু থেমে ব'ললো, আমি না তুমি! ব'লতে ব'লতে সে চ'লে গেলো।

নিখিলবাবু উঠে এলেন। তোয়ালে কাঁধে ফেলে এ-ঘরে এসে ব'ললেন, কি দিলীপ, অত হাসচো যে! খুব কুর্তি হ'য়েছে বুঝি, উড়োজাহাজ চালাবে ব'লে! আজই রাত্রে যাচ্ছো নাকি?

দিলীপ চেয়ারের মধ্যে ন'ড়ে ব'সে সবিনয়ে ব'ললো, হ্যাঁ, আজকেই যাবো।

নিখিলবাবু পাশের একটি চেয়ার শব্দ ক'রে সরিয়ে ব'সে পড়লেন।  
ব'ললেন, তা ভালো কথা! কতদিন লাগবে শিখতে? মাস ছয়?  
তা ভালো কথা!

দিলীপ ব'ললে, বেশিও লাগতে পারে। শুধু পায়লাটিং শিখতে  
কম সময় লাগতো, কিন্তু গ্রাউণ্ড ইঞ্জিনিয়ারিং, ক্রসকান্ট্রি ফ্লাইট  
শিখতে গেলে সময় আরো বেশিই লাগবে মনে হয়।

নিখিলবাবু ব'ললেন, ওঃ, অনেক বুদ্ধি এঁটেছো মনে মনে তা  
হ'লে! তা ভালো কথা। কিন্তু কোনো রিস্কএব মধ্যে যেয়ো না,  
সাবধানে চালিয়ে। এই যে চা, ওকি চা করিসনি? কোকো?  
এ-বুদ্ধি মন্দ না।

শকুন্তলা কোকোর বাটি দু'জনের কাছে ধ'রে দিলো। বাহাদুরের  
ওপর তার রাগ কি কম হ'চ্ছে এখন? রাঙ্কেলটা সেই কখন গেছে  
এখনো এসে পৌছতে পাবলো না।

নিখিলবাবু ব'ললেন, শাস্ত, তোর মুখ অত ভার ভার কেন রে?

শকুন্তলা ব'ললো, কই, না তো! তোমার তো আর কাজ নাই,  
তুমি মুখ ভার ভারই দেখে বেড়াও।

নিখিলবাবু হেসে ব'ললেন, তা ভালো কথা! মেজাজটা যেন  
আজ একটু চড়া দেখছি। কি হ'য়েছে জানো, দিলীপ?

দিলীপ ধতমত থেয়ে গেলো, ব'ললো, কই নাঃ! আমি তো  
জানি না!

ও-ঘর থেকে মা ডাকলেন, শাস্ত!

পাশের ঘর থেকে বাহাদুর ডাকলো, মা-জি।



হ্যাঁ, শকুন্তলার অত ডাক-হাঁক ভাল লাগছে না। কেন, বাহাদুর খাবার নিজে গুছিয়ে আনতে পারছে না? না-হয় মায়ের কাছে নিয়ে গেলেও তো পারে? একেই তার আজ কিছু ভাল লাগছে না, তার ওপর সন্মার তাকে শুধু শুধু বিরক্ত করা। শকুন্তলা দ্রুত পারে ঘর থেকে বেরিয়ে গেলো।

মা ব'ললেন, এই দেখ, কলকাতা থেকে চিঠি এসেছে। মন্টি লিখেছে, তোর ছোটমাসিমা। তোর মেশোমশাই একটা কাগজ বের করছেন, তোর লেখা চান।

শকুন্তলার ভয়ানক বিরক্ত লাগলো, ব'ললো, লেখা চায়! চাইলেই হ'লো! পারবো না দিতে। কি কাগজ, কি বৃত্তান্ত তিক নেই, লেখা! আগে কাগজ পাঠিয়ে দিতে ব'লে দাও।

মা অপ্রস্তুত হ'য়ে ব'ললেন, ভা, আমার ওপর ঝাল ঝাড়িস্ কেন? আমি কি করলাম তোর?

বাহাদুর দরজার কাছে খাবার হাতে দাঁড়িয়ে উঁকি দিচ্ছে, তাকে দেখেই শকুন্তলার গায়ে আরো জ্বালা ধ'রলো, ব'ললো, ভূত, দাঁড়িয়ে আছে কেন? ও-ঘনে গিয়ে প্লেটএ গুছোও।

বাহাদুর চ'লে গেলো!

শকুন্তলা এ-ঘরে এসে দেখে দিলীপ একা ব'সে। শকুন্তলা জিজ্ঞেস করলো, বাবা গেলেন কোথায়?

দিলীপ বুড়ো আঙুল দিয়ে পাশের ঘর দেখিয়ে দিলো।

শকুন্তলা জিজ্ঞেস করলে, এখন বেরোবেন বুঝি বাবা?

দিলীপ ঠোট উন্টে জানালো, সে জানে না।

এতে শকুন্তলার আরো বিতী লাগলো। কেন, দিলীপ কি কথা বলতে জানে না? সে কি মাহের মতো বোবা হয়ে গেছে নাকি? —যে, ইসারায় ইঙ্গিতে কাজ সাবছে! শকুন্তলাও আর কোন কথা না বলে চুপচাপ দাঁড়িয়ে রইলো কিছুক্ষণ। কিছুক্ষণ সে অপেক্ষা করলো বাহাদুরের। আসছে না দেখে শকুন্তলা আবার ঘর থেকে বেরিয়ে গেলো। ও-ঘবে গিয়ে দেখে বাহাদুর নির্বিকারে সম্মুখে প্লেট নিয়ে ব'সে আছে। এমন বোকাও কি সংসারে থাকে? শকুন্তলার রাগের পরিবর্তে দুঃখ হ'লো। একটু থেমে ব'ললো, কি, নিয়ে যেতে পারলি না এখনো?

বাহাদুর চমকে উঠে ব'ললো, যাউন্দেরইচ্ছা!—ব'লেই সে ছুটে গেলো।

শকুন্তলা আর না হেসে পাবলো না। কিন্তু আপনারা তার মুখের ভাব লক্ষ্য করলে বুঝতে পারবেন, হাসতে তার অসম্ভব কষ্ট হচ্ছে।

শকুন্তলা আবার দিলীপের কাছে গেলো। দেখে, দিলীপ চোখ প্রায় বুজে চাপা গলায় গান করছে, সম্মুখে প্লেট আছে, বাহাদুর নাই। এক গ্লাস জলও দেখনি বাহাদুর। যেমন নিঃশব্দে এসেছিলো তেমন নিঃশব্দে শকুন্তলা আবার ঘর থেকে বেরিয়ে গেলো। নিজেই এক গ্লাস জল এনে দেখে, দিলীপ তখনো চোখ প্রায় বুজে ব'সে ব'সে কি যেন ভাবছে। তাকে ডাকতে শকুন্তলার ভালো লাগলো না, কিন্তু নিজের উপস্থিতি কি ক'রে ঘোষণা করবে? বুঝতে না পেরে জলের গেলসটি শব্দ ক'রে রাখতেই দিলীপ তাকালো! কিন্তু তাকিয়েই তখন

আবার সে চোখ বুজলো। এই যে আজ সে চ'লে যাচ্ছে বহু দিনের জন্তে, এ চ'লে যাওয়ার মধ্যে তার আন্তরিক কোন আসক্তি আছে কি না সেই কথাই দিলীপ ভাবছে। কাকে ছেড়ে কে না যায়, কে না গিয়েছে। আজ শকুন্তলাকে ছেড়ে সে যে যাচ্ছে তাতেই বা তার এতো বেদনা কেন? কেনই বা সে নিজের মনের মধ্যে স্বচ্ছায় একটি সুগভীর ক্ষত সৃষ্টি করছে। সে জানে, *Roses have thorns and silver fountains mud*। তার শুভ যাত্রার আড়ালে অকুশল কোনো ইঙ্গিত যদি থেকেই থাকে, তাতেই ঐ ক্ষতি কি? যদি এমন হয়, বহুর খানেক পরে সে কিরে এসে দেখলো—শকুন্তলা অথ কোনো এক ভদ্রলোকের সঙ্গে নিতান্ত নিরিবিলি দব-সংসান পেতে বসেছে, দিলীপ আসতেই সে সেট অপরিস্ফুট ভদ্রলোকটির সঙ্গে দিলীপের পরিচয় কবিয়ে দিচ্ছে, তাতেই বা ক্ষতি কোথায়? দিলীপ আবার ভাবে, কিছু দিন পরে কিরে এসে যদি সে দেখে শকুন্তলা এদেশে নেই, কোথায় গেছে তার বাবা-মা তা জানেন না, কঁদে কঁদে তাঁদের চোখ ফুলেছে, গোঁজ পান্নি। তাতেই বা ক্ষতি কোথায়? বলা যায় না, কে কখন কি রকম হয়ে যায়! যাহূব তো কলের মতোই চলা ফেরা করে, কল কখন নষ্ট হ'য়ে যাবে বলা সোজা নয়। পাঁচ হাজার ফিট উঁচুতে উঠে এরোপ্লেন নিরিবিলি চ'লতে চ'লতে হঠাৎ কি হয়, কল যায় বন্ধ হ'য়ে মুখ ভুঁজে সোজা পড়ে মাটিতে, ভেঙে হয় চুরমাগ। কিন্তু সেই প্লেনটাই আটলান্টিক পাড়ি দিয়ে এসেছে।

শকুন্তলা আর কথা না বলে পারলো না, বললো, আটলান্টিকের স্বপ্ন দেখছো বোধ'য়? কবে পাড়ি দিতে পারবে তাই ভাবছো

নিশ্চয়ি । তাই তো বলি, মানুষকে মানুষের ভুলতে বিশেষ দেয়ী হয় না ।

দিলীপ কাঠ হ'য়ে শকুন্তলার দিকে তাকালো, বললো, যথা ।

—যথা, এই তো দেখছি ! সাম্নে ব'সে থাকা সত্ত্বেও ভুলে যাচ্চো, আব তফাৎ হ'লে কি কথা আছে ? প্রলোভনের তো অভাব নেই মানুষের ।

—প্রলোভন ? কি যে বলো ! বিদেশে গেলেই ছেলেরা যে মেনেব পান্নায়—

—থাক হ'বেস্ ! প্রলোভন ব'লতে শুধু মেয়েই বোঝায় না ! শকুন্তলা মেহাদ ৩৯ সনায় বললো ।

দিলীপ দুটো টানাটানা অপ্রস্তুত চোখ দিয়ে শকুন্তলার দিকে তাকালে, কি যে বলবে সে কিছু ভেবে গেলো না । তাব ঠোঁটেব কিনাসে ছোট্টো একটা হাসির ঢেউ আঘাত দিয়ে গেলো ।

কিছুক্ষণ চুপ ব'সে থেকে দিলীপ বললো, তা বটে । প্রলোভন বলতে শুধু মেয়েই বোঝায় না । কিন্তু আমার একটা কি বকম যেন ধারণা ছিলো যে প্রলোভন কথাটা শোনা মাত্র আমার চোখে যে কোনো একটা মেয়ে ভেঙ্গে উঠতো ! অবশ্য তাব মধ্যে একটিও ভূমি নও ।

শকুন্তলা একটু থেমে বললো, একটিও নও মানে ?

—মানে, তুমি তো প্রলোভন দেখাও না আমাকে, সেই কথা বলছি । দিলীপ হাসলো ।

শকুন্তলা ব'ললো, ওহ ! কিন্তু এবাব এটুকু খেঁষে নাও দেখি !

—কি ? খাবাব ? নিশ্চয় খাবো ! কেন'নয় ! কিন্তু মিত্ত—

শকুন্তলা সমস্ত শরীর নাড়িয়ে বলে উঠলো, কিন্তু কিন্তু চলবে না !  
সবটুকু তুমি একা—

দিলীপ হাসলো। খেতে খেতে বললো, চলো একটু বেড়িয়ে  
আসি গিয়ে। অনেক দিনের মত পাহাড়টুকু ছেড়ে যাবো, একটু  
দেখে আসি।

শকুন্তলা বললো, কোন্‌দিকে যাবে ?

—কেন, ডাঙহিলু ! কার্শিয়াঙের যদি রূপ দেখতে হয়, তবে  
ঐ একটি জায়গা ! আর কার্শিয়াঙ না দেখে মধু মেঘ দেখতে চাও তবে  
চলো রাইফল রেঞ্জ গ্রাউণ্ডে। কার্শিয়াঙে তো মাত্র এই দুটি জায়গা  
আছে যাওয়ার ! ওঃ ইয়েস, আর একটা দূরবীণদাঁড়া, কিন্তু  
এখন ত আর ভোর নয়, ওখান থেকে দেখবো পাহাড়ের সকালের  
রূপ। কোথায় যাবে ঠিক ক’রে নাও তবে !

শকুন্তলা একটু থেমে বললো, সব ছেড়ে দিয়ে চলো খাদে নাগি।  
কভটা নামতে পারা যার দেখি !

—কিন্তু ওঠবার সময় ? আমি কিন্তু সে দিনকার মত টেনে  
টেনে আনতে পারবো না ! তোমাকে ঐ রকম টানা দেখে চা-বাগানের  
ডাক্তারবাবু যা হাসছিলেন।

শকুন্তলা বললো, তবে চলো ইয়ে পর্যন্ত বেড়িয়ে আসি। কি  
বলে গিয়ে—কোয়েরি !

—বেশ তাই, বেডানো নিয়ে কথা ! আর ওদিকটাও মন্দ  
নয় নেহাৎ !

কিছুক্ষণ পরে তাদের দুজনকে আমরা আর ঘরের মধ্যে পেলাম  
না। পেলাম তাদের প্রকাণ্ড একটা আকাশের নীচে, যে আকাশের

নীচে অপ্রশস্ত একটা কালো পীচের রাস্তা এঁকে বঁেকে কাঁৎ হ'য়ে ঢালু হয়ে ঘুম পাহাড়ে উঠে দার্জিলিঙে নেমে গেছে। তাদের আমরা পেলাম সেই রাস্তার একটি বাকের মুখে চূপচাপ ব'সে থাকা অবস্থায়। সেই বাকটিকে বহুবিধ নাম-না-জানা পাহাড়ি গাছ ঝেঁপে ধ'রে অঙ্ককার ক'রে রেখেছে। বাকের মুখে একটু বাধান জায়গায় তারা ব'সে আছে চূপচাপ। আজকের এই প্রত্যাসন্ন বিচ্ছেদের অনিবার্যতায় তারা মুক হ'য়েছে। কিন্তু বেশীকণের জন্তে মুক হওয়া মুখ'তা মাত্র, অবশ্য এ ক্ষেত্রে; কারণ দিলীপ যে আজ চলে যাচ্ছে! আর তিন ঘণ্টা পরে সে যে শকুন্তলার সঙ্গ থেকে বিচ্যুত হ'য়ে যাবে।

দিলীপ ব'ললো, এমনো হতে পারে, হঠাৎ একদিন এসে উপস্থিত হ'লাম। বলা যায় না কিছূই। বিকেলে ঘুম থেকে উঠেই যেন দেখলে, তোমাদের বাড়ির ওপর দিকে ভেঁ। ভেঁ। করে ঘুরছে একটা এরোপ্লেন। ধবো, প্রায় ছাদ পর্যন্ত নেমে এসেছে, এবং তার পাইলট আমিই।

—করনা আব সহ হচ্ছে না আমার! শকুন্তলা গাঢ় একটা নিশ্বাস ফেলে ব'ললো, খানিকক্ষণ পৃথিবীতেই বাস করা যাক।

—কেন, তুমি সাহিত্যিক! তুমি তো আকাশ থেকে নায়ক আনো, বাতাস থেকে নায়িকা আনো। তোমার পৃথিবীর ওপর এতো মোহ হওয়া তো স্বাভাবিক নয়! দিলীপ শকুন্তলার একটু কাছে স'রে ব'ললো।

শকুন্তলা দিলীপের হাঁটুর ওপর হাত রেখে ব'ললো, বাজে কথা আর বলো না, এই আমার অনুরোধ তোমার কাছে। সেদিন নাকি দুটো এরোপ্লেন ধাক্কাধাক্কি ক'রে চুরমার হ'য়েছে?

—হয়েছেই তো ! কেন বল তো ?

—না এমনি ।

—এমনি নয় । দিলীপ বললো, আমাকে নিয়ে তোমার আশঙ্কা হচ্ছে তো ? না হয় মরবো, তাতে আপত্তি কি আছে ? তোমার প্রেম দিয়ে চিরদিন তুমি নিশ্চয়ই বাঁচিয়ে রাখতে পারবে না ।

শকুন্তলা অস্পষ্ট গলায় বললো, তবু যে ক’দিন বাঁচিয়ে রাখা যায় ।

—এক মুহূর্তও কেউ বাঁচাতে পারে না, শাস্ত ! দিলীপ নিশ্বাসের ভেতর দিয়ে বললো ।

ওপর থেকে গড়াতে গড়াতে একটা ট্রেন ঢালু পথে নেমে গেলো । একটু গিষেই থানিকটা মেঘের ভেতর অদৃশ্য হ’লো ।

দিলীপবা তাকিয়ে দেখলো, ওপর থেকে গড়াতে গড়াতে চাপ চাপ মেঘ তাদের দিকে নেমে আসছে । কতকগুলো কুলি মেয়ে কপালে নামলো বাধিয়ে পিঠেব ওপর বোঝা নিয়ে মাথা হেঁট করে দৌড় দিচ্ছে । দিলীপ বুঝতে পেরেছে, এ মেঘ জলে ভরা, একুনি রষ্টি হবে । শকুন্তলার হাত ধরে তাড়াতাড়ি ও উঠে পড়লো, বললো —শিগ্গির ছোট, নইলে ভিজতে হবে । ছুটে মেঘটুকু কোনো লকমে পার হ’য়ে নাও ।

দিলীপ শকুন্তলার হাত ধ’বে ছুট দিলো । কিন্তু রষ্টি ততক্ষণে আরম্ভ হয়ে গেছে । তারা হ’জন তবু ছুটছে, কিন্তু মেঘের মধ্যে থেকে বেরোবার আগেই তারা ভিজে একাকার হ’য়ে গেল ।

অবশেষে মেঘ অতিক্রম করে তারা বেরিয়ে এলো কঁকায় । এখানে রাস্তা শুক্লো, আকাশ পরিষ্কার । তারা পেছনে তাকিয়ে

দেখলো, তাদের থেকে হাত পাঁচেক দূরে মেঘের রাজ্য, সেখানে তখনো বৃষ্টি হ'চ্ছে নাগাড়ে।

দিলীপ বললো, উঃ, খুব ভিজ়ে ওঠা গেলো। এই নাও, ক্রমাল দিয়ে মুখটা মোছ দেখি।

শকুন্তলা রীতিমতো খিলখিল করে হাসতে। এই বৃষ্টি হঠাৎ যেন তার দেহ থেকে পুবোপূর্ব পাঁচটা বছর ধুয়ে নামিয়ে দিয়ে গেছে। নিতাস্তই শুকির মতো আচ্ছাদী সুরে বললো, আমি আরো ভিজবো। চলো ফিরে যাই! চলোইনা, ছাঃ।

দিলীপ তার কাঁধের ওপর দিয়ে হাত দিয়ে ব'ললো, অত ছেলে-মানুষী কেন?

—না, ছেলেমানুষী নয়, তুমি চলো। রীতিমতো আকার আঃস্ত করলো শকুন্তলা।

দিলীপ ব'ললো, বেশী ভিজলে নিমুনিয়া হবে যে।

—হোক! তোমার কাছে এই আমার শেষ অনুরোধ আজকে। যাবে কিনা বলো!

—আচ্ছা চলো। কিন্তু শীত করছে আমার।

—বরুক। বাসায় গিয়ে তোমাকে কোঁকে খাওয়ার গরম গদম। চলো। শকুন্তলা দিলীপের হাত ধ'রে টানতে আবন্ত কবলো।

কিন্তু বৃষ্টি ততক্ষণে থেমে গেছে, মেঘগুলো গড়াতে গড়াতে নামতে আরম্ভ ক'রেছে সিলেক্সের চা-বাগানের দিকে।

বৃষ্টি তো থামলো, কিন্তু দিলীপের হঠাৎ একী হ'লো? আগে থেকেই সে শকুন্তলাকে আকর্ষণ করছিলো, এখন প্রায়



আক্রমণ শুরু করলো যে। শকুন্তলা বাধা দিতে গেলে কাঁপা এবং ভারী গলায় দিলীপ ব'ললো, এ-ও আমার শেষ অমুরোধ আজকে।

নির্জন গিরিপথে, ধূসর সন্ধ্যার সাক্ষ্যে দিলীপ শকুন্তলাকে দীর্ঘ ও উত্তপ্ত একটি চুমো খেলো। তারপর শকুন্তলা দিলীপের মুখের দিকে একদৃষ্টে তাকিয়ে বাঁ-হাতের পেছন দিয়ে ঠোঁট মুছে ব'ললো, এ কী হ'লো ?

দিলীপ ব'ললো, কিছু নয়। চলো, এবার ফিবে যাই!

তারপর দু'জনে ছাড়াছাড়ি হ'য়ে নির্বাক হেঁটে চ'ললো। কিন্তু পর মুহূর্তে বুঝতে পারলো, এ তাদের বোকামি ছাড়া কিছু নয়। যেমন দুটি গ্রহ ক্রমশ উভয়ের নিকটায়মান হ'য়ে বিরাট একটি সংঘর্ষে তফাৎ হ'য়ে যায়, তারাও তেমনি হ'য়েছিলো। কিন্তু তারা তো গ্রহ নয়, বিকর্ষণ নিয়ে জীবনও তাদের কাটবে না, স্মৃতরাং আবার তারা দু-জন দু-জনের সান্নিধ্য গ্রহণ ক'রলো।

দিলীপ ব'ললো, স্টেশনে আমাকে সি-অফ কবতে যাবে তো ?

—যাবো। শকুন্তলা নিশ্চিন্ত গলায় ব'ললো।

দিলীপ অর্ধহীন আন্তরিকতায় ব'ললো, আমি তোমাকে করাচিতে নিয়ে যাবো। দেরীই বা আর কত ব'লো। মাস ছয়েক বই তো নয়! (একটু হাসতে চেষ্টা ক'রে) ঘর-সংসার সেখানেই পাতা যাবে!

শকুন্তলা ব'ললো, হঁ।

বালায় পৌছে শকুন্তলা ডাকলো, বাহাছুর।

বাহাছুর এলে তাকে কোকোর জল বগাতে ব'লে সে কাপড় বদলাতে গেলো। যাবার আগে দিলীপকে কাপড় বদলাবার অমুরোধ

জানানোর সে রাজী হয়নি। ব'লেছিলো, শুকিয়ে গেছে, দরকার হবে না। তুমি শিগ্গীর এসো।

দিলীপের বাসায় আছেন মাত্র তার ছোটকাকা, আর একটি পাহাড়ি ঝি। তার বাবা মা কলকাতায় থাকেন। দিলীপ গরমের ক'টা দিন কাটায় পাহাড়ে। বাসায় যাওয়ার তার তাড়া নেই, কারণ জিনিষপত্র অল্প কিছু যা আছে, তা সে দুপুবেই গোছগাছ ক'রে রেখে এসেছে।

নিখিলবাবু ফিরলেন, ব'ললেন, ব'সে কে? দিলীপ? অন্ধকারে?

অন্ধকারের মধ্য থেকে দিলীপ ব'ললো, এই মাত্র এলাম। এমনি ব'সে আছি অন্ধকারে।

ছুইচ টিপে দিয়ে নিখিলবাবু ব'ললেন, তা ভালো কথা! কিন্তু আমি অন্ধকারে এক মুহূর্ত থাকতে পারি নে। বুঝলে? শাস্ত কই?

—তেতরে!

—হু'জনে বেড়িয়ে এলে বুঝি? তা ভালো কথা! ওকি, তোমার জামা ভিজ়ে, এতো ভালো কথা নয়। ভিজ়লো কি ক'রে! ব্যস্ত হ'য়ে উঠলেন নিখিলবাবু।

—হঠাৎ বৃষ্টি নেমে এলো—

সেদিকে ক'ন না দিয়ে নিখিলবাবু উঁচু গলায় ডাকলেন—ওরে শাস্ত, শাস্ত! নাঃ, কাণ্ডজ্ঞান কারো নেই! পরো বাবা, এই কাপড়টা কোমরে শীগ্গীর জড়িয়ে ফেলো দেখি! খোলো, জামাটা খোলো! রক্তের জোর-আর ক'দিনের?

দিলীপ বাধা দিয়ে ব'ললো, একুণি বাসায় যাবো।

শকুন্তলা হুঁহাতে দুটো কাপ নিয়ে আসতে আসতে বললো,  
বাবা, ডাকছিলে ?

নিখিলবাবু চুটে গেছেন, বললেন, না ডাকিনি। যত সব!  
কাণ্ডজ্ঞান বলে যদি কিছু থাকে। বলতে বলতে তিনি বেরিয়ে  
গেলেন।

এরা দুজন মুখোমুখি বসে কোকো খেতে আরম্ভ করে দিলো!  
শকুন্তলা চুরি করে কবে এক একবার দিলীপের মুখের দিকে  
তাকাত্তে।

হঠাৎ ভেতর থেকে ভয়ানক চীৎকার শুনতে পেলো তারা।  
নিখিলবাবু প্রাণপণে চোঁচাচ্ছেন, আর শকুন্তলার মা প্রবোধ দেওয়ার  
চেষ্টা কচ্ছেন, তবু থামাতে পারছেন না।

শোনা যাচ্ছে, নিখিলবাবু বলছেন, এটা কি ভালো কথা?  
এই কি মানুষের কাণ্ডজ্ঞান? ছিছি, আমার নাম ডোবালো, আমার  
মাথা হেঁট করালো।

মা বলছেন, কি, হ'লো কি? অধু অধু টেচিয়ে মরছো কেন?  
কারণটা বলো।

—অধু অধু! নিখিলবাবু গ'জ্ঞে উঠলেন, একে তুমি বলো অধু  
অধু? আমার মেয়ে হয়ে সে কাণ্ডজ্ঞানহীন।

এদের মুখের কাছে কোকোর বাটি ধেমে গেছে। শকুন্তলা  
রীতিমতো হাসছে। দিলীপ থ' হয়ে গেছে। শকুন্তলার না হেসে  
উপায় কি? এই রকম নিখিলবাবু গোপীন্দে জাহাজডুবি প্রায়ই  
বাটিয়ে থাকেন।

নিখিলবাবু পাটকরা একখানা কাপড় ও একটি গেঞ্জি নিয়ে ঝড়ের মতো ঘবে ঢুকলেন, পেছন পেছন তাঁব স্ত্রী ছুটে এলেন। কি হ'য়েছে তিনি কিছুই বুঝতে পাবেন নি।

নিখিলবাবু ব'ললেন, পবো, শিগগির পবো, দিলীপ। প'রে ফেলো! নইলে আমি কিন্তু সত্যি চ'টে যাবো।

দিলীপ শকুন্তলাব মুখেব দিকে তাকাতে লাগলো। শকুন্তলা ইলাবা ক'রে তাকে পবতেই ব'লছে।

মা ব'ললেন, এই ? আমি ভাবলাম বুঝি আগুন লেগেছে।

নিখিলবাবু তাঁব দিকে কক্ষ দৃষ্টি নিয়ে ব'ললেন, তা নয় ? তাবপব যদি নিমুনিয়া ধবে। কাণ্ডজ্ঞান তো সবাব সমান !

ভাবগতিক সুবিধে নয় দেখে দিলীপ ঘবের ওপাশে গিয়ে জামা কাপড় বদলে ফেললো। নিখিলবাবু ও মা চ'লে গেলেন।

কোকো ঘোলেব সববতেব মত ঠাণ্ডা হ'য়ে গেছে। দিলীপ ব'ললো, কি কাণ্ড বলো তো।

শকুন্তলা ব'ললো, প্রথমেই তোমাকে কাপড় বদলাতে ব'ললাম, শুনলে না। যাকগে, ভাল ছাড়া মন্দ কিছু হব নি।

দিলীপ উঠে দাঁড়ালো, ব'ললো—এবাব উঠি। বাসা থেকে ঘুবে আসি। (হাতেব ঘড়ির দিকে তাকিয়ে) সাতটা বেজে গেছে। আব দেরি নেই। কোকো ? না, আব থাকবো না।

দিলীপ দবজা পর্যন্ত গেছে, পেছন থেকে শকুন্তলা একটা নিখাস ফেললো। ব'ললো, শিগগির কবে ফিরে এসো কিন্তু। আমি তৈবী হয়ে ব'সে থাকবো।

দিলীপ ফিরে তাকিয়ে ব'ললো, হ্যাঁ, আমারও তৈরী হ'তে যেটুকু দেবী।

দিলীপ চ'লে গেলো। তৎক্ষণাৎ শকুন্তলার শরীরের মধ্যে কেমন যেন ক'রে উঠলো। সে যেন অঁর সোজা হ'য়ে দাঁড়িয়ে থাকতে পারছে না। জুইচটা টিপে দিয়ে গাঢ় অন্ধকারের মধ্যে বসে শকুন্তলা চোখ বুজলো।

পাশের ঘরে নিখিলবাবু চোঁচিয়ে পলাশীর-যুদ্ধ আওড়াচ্ছেন। আবার তার পরেই পলাশীর-যুদ্ধের যে জায়গাগুলো বায়রনের কবিতার সঙ্গে মেলে, ছাড়া ছাড়া ভাবে তাও আবৃত্তি করছেন।

শকুন্তলা চোখ বুজে ব'সে আছে। আচ্ছা, আজকে তার যেমন মনোভাব, আজকে তার জীবনে যেমন পরিবর্তন ঘটেছে এই নিরে ছোট মতো একটা গল্প লিখে মেশোমশার কাগজের জন্মে সে দিব্যি পাঠিয়ে দিলেই পারে। ঠিক, তা-ই সে দেবে। দিলীপের নামকে কববে দীপক, অর নিজেকে অনহরা। ঠিক। তারা দুটি বন্ধু যেন পাহাড়ে পাহাড়ে ঘুরছে, দীপক কখনো অতিরিক্ত কথা ব'লছে, কখনো গম্ভীর হচ্ছে, কখনো-বা আকস্মিক খেয়ালে অনহরার হাতটা চেপে ধরছে। কত আনন্দ করছে তারা! গল্পের পরিণতি সে ঘটাবে কোথায়? হ্যাঁ, ঠিক হ'য়েছে। পা পিহলে দীপক হঠাৎ অন্ধকার গাদের মধ্যে পড়ে যাবে। দারুণ ক্রাইমাক্স হবে তা হলে! কিন্তু হঠাৎ শকুন্তলা চমকে উঠলো, কে?

দরজায় আবার আঘাত দিয়ে দিলীপ ব'ললো, আমি।

শকুন্তলা ক্লান্ত দেহটিকে কোন গতিকে 'যেন খাড়া করলো। সংযত পদবিক্ষেপে দরজার পাশে গিয়ে জুইচ টিপলো।

দরজার কড়ায় আবার আঘাত পড়তেই শকুন্তলা বললো, খুলি।

ব্যস্ত-সমস্ত হ'য়ে দিলীপ ঘরে ঢুকেই ব'ললো, দেরি হ'য়ে গেছে। আর দাঁড়াতে পারবো না। যাবে তো চলো শিগ'গির। ব'লতে ব'লতে সে অন্তরে যাত্রা করলো।

এদিকে শকুন্তলা ঠিক বুঝে উঠতে পারছেন না সে কি করবে। কাপড়টা বদলে নেবে কি? পায়ে লপেটাই থাকলে, না হিল, তোলা জুতোটা শিগ'গির করে পরে নেবে? বানাকে গিয়ে ডেকে আনবে নাকি?

কিন্তু ভাববার বেশি সময় পেলোনা শকুন্তলা, দিলীপ ফিরে এলো, ব'ললো, চলো।

স্টেশন এখান থেকে বেশি দূর নয়। ওরা দু'জন পাশাপাশি দ্রুত পায়ে হেঁটে চ'ললো। আজ এই দীর্ঘ বিচ্ছেদের মুখে তাবা দু'জন কোন্ কথা ব'লে উভয় উভয়ের কাছে থেকে বিদায় গ্রহণ করবে, তারা ভেবে পেলোনা। এই অহেতুক মুক্তার মধ্যে ডুব সাঁতার দিয়ে তারা পাঁজাঝড়ের রাস্তায় শেষ সীমায় এসে পড়লো। এখানে রাস্তাটি ডানে এক সমকোণে বাক নিয়ে প্রায় খাড়া উঠে স্টেশনের সঙ্গে মিশেছে।

ছোট্টো ভাঙ্গি এঞ্জিন থেকে অনর্গল কালো ধোঁয়া উঠছে। তাদের দু'জনেরই মনে পড়লো, সেই মেঘ-রাজ্যের কথা, যেখানে দাঁড়িয়ে তারা আজ প্রথম চুষনের কম্প অমুভূতি হৃদয়ে হৃদয়ে অমুভব ক'রেছে। কিন্তু সে-কথা মনে আনার মধ্যে মধুরতা আর নেই, আছে যেন কোনো ভয়াল সন্ন্যাসের বিষাক্ত দংশন।

গাড়ীর কাছে দাঁড়িয়ে দিলীপ ব'ললো, কলকাতায় কাল পৌছে কালই সন্ধ্যায় রওনা হবো করাচি! কলকাতা থেকে আর চিঠি দেবো না, বুঝলে? একেবারে করাচি পৌছেই—

—তাই দিয়ে। শকুন্তলা ব'ললো : কিন্তু চিঠি দিয়ে, ভুলে যেযো না যেন।

—পাগোল, আবার সেই কথা! দিলীপ প্রাণ খুলে হেসে উঠলো : ভূমিও চিঠি দেবে।

—দেবো।

প্লাটফর্মের ওপব জুতোর হিল দিয়ে আঘাত কবতে করতে দিলীপ ব'ললো, একটা কথা ব'লবো শকুন্তলা?

শকুন্তলা ব'ললো, ব'লো!

একটু দ্বিধা ক'রে দিলীপ ব'ললো, করাচি থেকে ফিরে আমি তোমাকে বিয়ে করবো! আসচে অত্মাণেই।

শকুন্তলা এর কোন উত্তর দিতে পাবলো না। কেবল তার অশ্রুত করেকটি কথা মনে লাগলো—মনে পড়তে লাগলো নানাবিধ বিপদের কথা, উডোজ্জাহাজের অপমৃত্যুর নানাবিধ ইতিহাস।

পেছন থেকে, এ কে? নিখিলবাবু?—নিখিলবাবু বলতে ব'লতে আসচেন পেছন থেকে—তা ভালো কথা! সেকেন্ড ক্লাসে বাচ্ছে? এ যুক্তি মন্দ না। আরামে যেতে পারবে। কিন্তু বাবা, সাবধানে থেকো। বিশেষ কায়দা-কলরও আরম্ভ ক'রো না যেন প্রথম থেকেই! পাকা হ'য়ে নিয়ে তারপর—

বিনয়ে গ'লে যেতে যেতে দিলীপ ব'ললো, তা তো নিশ্চয়ি। ব'লতে ব'লতে সে গাড়ীতে উঠতে আরম্ভ করলো। এদিকে গাড়ি ছাড়বার উত্তোষ আরম্ভ হ'য়ে গেছে।

চলন্ত গাড়ীর সঙ্গে শকুন্তলা অনেকটা হেঁটে গেলো, রাস্তা পর্যন্ত এসে গেলো শকুন্তলা। কিন্তু সে কিছু ব'ললো না।

দিলীপ চাপা গলায় ব'ললো—My deepest love to you for ever and for ever.

শকুন্তলা মনে মনে 'কি ব'ললো জানিনা, যুখে ব'ললো, ভালবাসা জেনো।

ঢালু পথ পেয়ে গাড়ীর জোর বেড়ে গেলো। তীব্র আলোর নীচে দাঁড়িয়ে শকুন্তলা দিলীপের উদ্দেশে ক্রমাল নাড়তে লাগলো। দিলীপ দরজা দিয়ে শরীরের অনেকটা বের ক'রে সে অভিবাদন গ্রহণ করলো, প্রত্যর্পণও করলো।

### এপার ওপার

একটি চিঠি। শুধুমাত্র একটি চিঠিও যদি শকুন্তলা পেতো দিলীপের কাছ থেকে, তাহলে তার বিরহের এই দূরন্ত হৃদীনে সে সেটুকু পরম সান্ত্বনা ব'লে গ্রহণ ক'রে নিতো। দিলীপ সেই যে গেলো, তার পরে তা'র কোনো সংবাদ পাওয়া যাচ্ছে না কেন? করাচির কোনো ঠিকানাও তো সে দিয়ে যায়নি-যে শকুন্তলা সেখানে একটা তারু করবে। পথে অশুভ কিছু ঘটেনি তো? রেল অ্যাক্সিডেন্ট তো হামেশাই ঘটছে। কিন্তু দৈনিক কাগজও তো সে রোজই পড়ছে, এমন কোনো সংবাদ তো সে দেখেনি আজ পর্যন্ত। তবে দিলীপের চুপচাপ থাকার মানে কি? নিশ্চয় সে



ভয়ানক বাস্তবতার মধ্যে হাবুডুবু খাচ্ছে তা হ'লে। আবার এমনও হ'তে পারে, দিলীপ তাকে নিম্নরূপে ভুলে গেছে? না, তা কখনো হ'তে পারে না! কখনই সে ভুলতে পারে না শকুন্তলাকে। যে-দিলীপ তার হৃদয়ের প্রতিটি নির্জনতায় তাকে সঙ্গী ক'রেছে, যে শকুন্তলাকে তার দেহের প্রতিটি বোমকূপের প্রতিটি শিহরণ দিয়ে উপলিঙ্গ ক'রেছে, সেই দিলীপ এত সহজে এত সহসা ভুলে যাবে এই শকুন্তলাকে? না, তা হ'তে পারে না। তা হওয়া কল্পনার মতো অসম্ভব। No news, good news বলে একটা কথা আছে না? শকুন্তলা সেই কিংবদন্তীব ওপর এখন আত্মস্থাপন না ক'রে পারলো না। জীবনের প্রত্যেকটি বায়ুময় নিশ্বাস প্রশ্বাসকে ছুঁচিস্তা দিয়ে বিষময় ক'রে মানুষ অনন্দ পায় না। শকুন্তলাই বা কেন দিলীপের ওপর অকুশল চিন্তার সারহীন সম্ভাবনা আরোপ ক'রে নিজের হৃদয়ে দারুণ ক্ষতের সৃষ্টি করবে? শকুন্তলা উঠে গিয়ে দক্ষিণের জানালাটা তিস্তানদীর ঝিলিমিলি রেখার ওপর গুলে দিলো। বাতাস, ঠাণ্ডা হিম বাতাস, তিব্বতের পথ-অতিক্রম ক'রে আসা বাতাস শকুন্তলার একরাশ কালোচুলের ওপর, উপুড় হ'য়ে পড়লো। শকুন্তলার দীর্ঘ উত্তপ্ত নিশ্বাস হ'য়ে এলো স্তব্ধ। ওই নদী, শকুন্তলা পাটল ছুটি চোখ গুলে তাকালো শীর্ণ জল-বেখার দিকে। এগান থেকে প্লেন দেখা যায়; ওখান থেকে এখান, উঃ, প্রায় এক মাইল উঁচু! শকুন্তলার দৃষ্টি শিলার পর শিলায় আঘাত খেতে খেতে স্রুদূরের মাটি স্পর্শ করলো। ওঃ, তাই তো! আজ দশ দিন হ'য়ে গেল, ই্যা, দশ দিন তো হবেই—যে দিন দিলীপ গেল সেই দিনই মাসীমার চিঠি এসেছে লেখা চেয়ে!—আজ দশ দিন হ'য়ে গেল শকুন্তলা সামান্য একটা লেখা পাঠাতে পারলো না! নাঃ, সে বড্ড কেমন যেন হ'য়ে পড়ছে। বাইরের লোক নিশ্চয় বলছে,

শকুন্তলার গর্ব হ'য়েছে লিখতে শিখে! না বাপু, আর দেবী ক'য়ে দরকার নেই। এখনি সে যাহোক কিছু লিখে ফেলবে। তার যেন মনে হ'চ্ছে তার মূড একটু ফিরে এসেছে! শকুন্তলা বুকের কাছে ব্লাউজে আঁটা পেন্‌টা টানতেই খুঁট শব্দ ক'রে উঠে এলো। দেবাজ টেনে প্যাড নিয়ে সে সেই ক্লাসালার কাছে এসে দাঁড়াল, একটু ভাবতে চেষ্টা ক'রে পেছনে তাকিয়ে দেখে, ওদিকের দরজা একেবারে খোলা, বন্ধ ক'রে দিয়ে এলো। হ্যাঁ, গল্প! কি নিয়ে গল্প? প্লটহীন। তা মন্দ নয়, লিখতে তো আরম্ভ করুক, তারপর যেখানে গিয়ে ঠেকে। যেখানে সেখানে গিয়ে যে ঠেকবে না! এটুকু আত্মবিশ্বাস তার আছে। শকুন্তলা লিখতে চেষ্টা করলো। কিন্তু শেষ বেশ সে লিখে ফেললো, এ কি? শকুন্তলার মনে মনে হাসি পেলো, তবু সে পড়লো—

শব্দিন মোর পবিত্র মন অমুখণ—  
 আঁধার আকাশে অকারণে একি বরিষা?  
 দগধ হৃদয় বিদগধ তনু মনঃপ্রাণ—  
 অভ্যাস দাহের জানো, বঁধু, তুমি অভিধান?  
 \* যে-কথা বহিছে শীর্ণ তটিনী উদাসীন—  
 ওগো নিম্ন, ওগো নিষ্ঠুর দয়াহীন—  
 তুমি কি জানানো সে-বাণী এ মোর মরমের?  
 সে যে কলঙ্ক আমার সরস ভরমের।  
 অর্ণা আজিও গাহিছে, আকাশ আজো নীল,  
 গাহাড়ের মোহ আজিও কহেনি এক তিল।  
 কেবল তোমার বিহনে দারুণ অবকাশ—  
 সিন্ধু মেঘেতে ভরিছে আঁধার নীলাকাশ।

বার হুই তিন পু'ড়ে শকুন্তলা মনে মনে হাসলো, অথচ একটা দীর্ঘ নিঃশ্বাস না ফেলে পারলো না। যাক, গল্পই-যে দিতে হবে

তার কী মানে আছে ? এই কবিতাটাই একুণি সে পাঠিয়ে দেবে মেশোমশার কাছে ! শকুন্তলা টেবিলের কাছে গিয়ে দেওয়াল খুলে খাম বের ক'রে তৎক্ষণাৎ ঠিকানা লিখে ফেললো। তারপর কবিতাটা পরিষ্কার ক'রে গোটা গোটা অক্ষরে লিখতে আরম্ভ ক'রে দিলো। এখন প্রায় এগারোটা বাজে, খাওয়া দাওয়া সেয়ে এর সঙ্গে চিঠি লিখে বিকেলের মেলএই সে চিঠিটা পোস্ট ক'রে দেবে। হাতের লেখাতে যা দাঁড়িয়েছে, ছাপালে এর চেয়ে অনেক ভালোই দাঁড়িয়ে যাবে। নিজের জীবনের অভিজ্ঞতা থেকে এটুকু সে বুঝেছে, এবং বুঝেছে সত্যটাই। কিন্তু শেষ লাইনের আগের লাইনের 'বিহনে' কথাটা বরাবরই তার কানে কেমন যেন কটু, কেমন যেন ত্রাণ আয় মেয়েলী ব'লে মনে হচ্ছে। কলমের পেছনটা চুষতে চুষতে শকুন্তলা ভাবার চেষ্টা করলো অথচ কোনো কথা দেওয়া যায় কিনা। 'অভাবে' দিলে কেমন হয় ? যেমনই হোক, তাহ'লে কবিতা হয় না। শকুন্তলা শেষের দু'টো লাইন কেটে দিলো, লিখলো—

শুধু তুমি নাই, তাহতো নিম্ন অবকাশ

ব্যথিত বাস্পে ভরিছে অঁধির নীলাকাশ।

পরিষ্কার ক'রে লিখতে গিয়ে, বড়ই আশ্চর্য, আরো কয়েকটা কথা শকুন্তলা বদলে ফেললো। কিন্তু সে সব আমরা আর দেখতে পাব না ; তার প্রথম লেখাটাই আমাদের বেশ লেগেছে, সুন্দর লেগেছে। ই্যা সুন্দর লেগেছে ; এ ক্ষেত্রে, ভেবে দেখলাম, 'সুন্দর' কথাটি ছাড়া আর কোন সুন্দর কথা প্রযোজ্য নয়। যাক, কবিতা নিয়ে রাস্তার কাটাতে মন্দ লাগে না, কিন্তু আমাদের এই আখ্যায়িকার চলমান গতি অতি মাত্রায় ব্যাহত হ'চ্ছে।

লেখা শেষ ক'রে শকুন্তলা উঠলো। উঠে সে বাইরে চ'লে গেলো। দেখলো, তার বাবা খাওয়া দাওয়া সেয়ে বুখ খুচ্ছেন।

তিনি শকুন্তলার দিকে তাকিয়ে ব'ললেন, এতো বেলা করলি ? বলিনি, সময় মতো খাওয়া সেরে তারপর লেখাপড়া করিস। রোজ রোজ এই অ-নিয়ম, এতো ভালো কথা নয় !

রোজ রোজ অ-নিয়ম ! শকুন্তলা হাসলো,—এই অ-নিয়মই তো তাহ'লে তার জীবনে নিয়মে রূপান্তরিত হ'য়েছে। ব'ললো, যেশোমশার কাগজের জন্তে—

—রেখে দে তোর যেশোমশায় ! নিখিলবাবু তেতে উঠলেন : ও-ও এক পাগলের ডিম। কতদিন আর চালাবে ! ইন্সিওরেন্সের দালালী করছে, এখন এই হজুগে লোকজনের সঙ্গে চায় চেনাজানা হ'তে ! বলিস্ না ওর কথা, ইন্সিওরেন্সের পলিসির কথা ভাবতে ভাবতে ও হ'য়েছে এক পলিসিবাজ ! পাঠাস নি লেখা।

মা গায়ে কাপড় দিতে দিতে ঘর থেকে বেরিয়ে এলেন : বলি, কার পিণ্ডি চট্কাচ্ছে ? খেটে যায়, তাই বুঝি চোখ টাটাকাচ্ছে ?

—খেটে ? নিখিলবাবু ক্ষেপে গেলেন : কাকে শোনাচ্ছে খাটার কথা, আমি খেটে পাই নি ? এখনই না-হয় পেন্সন ! তোমার ও ভগ্নিপতিটির কথা ব'লো না। ছোটলোক, ছোটলোক ! দশটাকা ধার নিলে, আর শোধ দিয়েছে ? ব'লো না, ইয়াঃ ! নিখিলবাবু ছাত মুছতে মুছতে ঘরের দিকে গেলেন।

শকুন্তলা ও-সব কথায় আর কান করলো না। তেলের শিশি, সাবানের কেস, সান্না-সেমিজ-কাপড় কাঁধে ফেলে বাথরুমে ঢুকে দরজা বন্ধ ক'রে দিলো।

বাথরুমের ভেতরের কথা আমরা আর জানতে চাইবো না। এখন আমরা বাইরে দাঁড়িয়ে একটু অপেক্ষা করি। বাইরে থেকে তোড়ো

জল পড়ার শব্দ আমরা পাচ্ছি। শকুন্তলা এখন কী করছে! কী করছে?  
ধৈর্য ধরুন! একটু কান পেতে শুনুন না ততক্ষণ ওদিকে কিসের  
কথা কাটাকাটি আরম্ভ হ'য়েছে!

পুরুষকণ্ঠ : কাগজ! কাগজ! জোঁচোর কোথাকার, দশ দশটি  
টাকার আনকোরা নোট! বেমালুম হাঁজম করলে! শুনতে তো  
কিছু বাকি নেই, রেস্টুরেন্টে একজনের সঙ্গে চুকে গো-গ্রাসে গিলে  
চুপচাপ বেরিয়ে আসে, দে বেটা পরমা তুই দে!

বামাকণ্ঠ : এত খবরও আসে তোমার কাছে!

পুরুষকণ্ঠ : আসবে না? দু'দিনের জন্তে এখানে বেড়াতে  
এসে আমাকে নিয়ে নাস্তানাবুদ। সঙ্গে সঙ্গে বেড়াবে, আর যার  
সঙ্গে আমি কথা কইবো, ও এগিয়ে গিয়ে তাকেই ব'লবে—ইন্সিওর  
ক'রেছেন? লজ্জায় মুখ দেখাতে পারি না।

বামাকণ্ঠ : না মিশলেই পাস্তে। আমাকে শোনাচ্ছো কেন?

পুরুষকণ্ঠ : বিনুপয়সার লেখা হয় না। আগে টাকা পাঠিয়ে দিক,  
তবে শাস্ত লেখা দেবে। আলবৎ, ওস সঙ্গে ওই সম্বন্ধ। এই আমি  
বলে দিচ্ছি একুণি ওকে—শাস্ত—

ভেজা-ভেজা এক রাশ চুল নিয়ে, কোনো রকমে কোমরে কাপড়টা  
জড়িয়ে শকুন্তলা খুঁট ক'রে দবজা খুলে অতি হাঙ্কা পায়ে  
বেরিয়ে এলো।

নিখিলবাবু ডাকলেন, শাস্ত—

—বাবা।

—এদিকে আর, শোন, আজই তুই লেখা পাঠা, কিন্তু ভি-পি  
ক'রে দে।

—সে কি ? শকুন্তলা নিখিলবাবুর মুখের দিকে তাকাতে চেষ্টা করলো ।

—হ্যাঁ, তাই ! লেখার দাম আছে ! মেহনতের দাম আছে ।

—কিন্তু আমার তো পরিশ্রম একটুও হয় না এতে !

—না হোক, তবু ! এ-তো ভালো কথা নয়,—বাহাছর, তামাক দিয়েছি乎 ? ওপরে রেখে আয় । সত্যি, এ ভালো কথা নয়, কেন টাকা দেবে না ?

নিখিলবাবু ওপরে উঠে গেলেন ।

শকুন্তলা হাসছিলো । মা সিঁড়ির দিকে তাকিয়ে ব'ললেন, দিন দিন মাথা খারাপ হচ্ছে ।

খাওয়া দাওয়া সেবে শকুন্তলা এসে আবার তার ঘরে ব'সলো । তার মাথার শিরায় শিরায় দূষিত রক্তের স্রোত ব'রে চ'লেছে । আধখানা আধখানা হুঁচিহুঁচি জোড়া লাগা লাগা হ'য়েও তফাতে চলে যাচ্ছে । মনে আসছে, একটা ট্রেন ভীষণ জোরে একটা বাঁক নিতেই আকাশে একটা উড়োজাহাজের কাৎ হয়ে গৌঁ গৌঁ শব্দ ; দাউ দাউ ক'রে কোথায় যেন আগুন লেগেছে, সঙ্গে সঙ্গে সমস্ত দেশ বতায় পরিণত ; ছোট একটা বিষধর সাপ, বড়ো একটা হিংস্র শাব্দুল ; একটা প্রকাণ্ড বাস হুড়হুড় ক'রে আসতে আসতে একটা লোককে চাপা দিতে গিয়েই তার দোতারাটা ভেঙে প'ড়ে গেলো ; অনর্গল বর্ষা, বিদ্যুৎ, বাজ ! আবার ট্রেন, সবশেষে আবার উড়োজাহাজ ।

অবশেষে শকুন্তলা বুঝলো, অনেকখ থেকে পেন্টি প্যাডের কাছে ব'রে সে ব'সে আছে । ছোট তিনতাল্ল একটা চিঠি, এই সে

এতক্ষণ পর্যন্ত লিখে শেষ করতে পারলো না ! এই কিছুক্ষণ আগে সে তার মনকে সাধনা দিয়েছে, আবার সে সে-সব ভুলে গেল ! সংবাদ যখন আসেনি, সংবাদ তখন শুভই। খারাপ সংবাদ তো কাকেন মুখে পাখীর মুখে রাষ্ট্র হয় !

সত্যি ব'লতে কি, শকুন্তলা নিজেকে নিয়ে মহা বিব্রত হ'য়ে পড়েছে। হুশিঙ্গা ভোগ করতেও তার ভালো লাগছে, পরমুহূর্তে নিজেকে সাধনা দিতেও তার মন্দ লাগছে না। দিলীপ। তিন অক্ষরে তার নাম, কিন্তু তিন সহস্র তার চিন্তা।—অবশ্য তোমার আমার নয়, শকুন্তলার। যে-শকুন্তলা, সোজা বাঙলায় ব'লতে গেলে, দিলীপের প্রেমে প'ড়েছে ; সেই দিলীপ, যে-দিলীপ, ত্রাকামীর সুরে ব'লতে গেলে, শকুন্তলার হৃদয় হরণ ক'রেছে। এক কথায়, যারা হৃদয়ে হৃদয়ে বিনিময় খটিয়ে দুই তরফাই লাভবানও যতদূর হয়েছে, ক্তিবানও হ'য়েছে ততোধিক—অবশ্য আপাততো, কারণ দিলীপ এখন করাচি, শকুন্তলা কাসিয়াঙ।

শকুন্তলা আবিষ্কার করলো—আবিষ্কার ক'রে সে বিস্মিত হলো—যে, সে বসে আছে নিকর্মার মতো, মেশোমশায়ের ছোট্ট চিঠিটা লিখে সে চারটের আগে ডাকে পাঠাবে কবিতাটি ; কিন্তু তা সে এখনো পারলেনা ? নাঃ, প্রথম জিনিষটা বড় কুড়ে, ভয়ানক সময় নষ্ট করায়। শকুন্তলা দ্রুত হাতে লিখে গেল। লিখে গেল সে সামান্য কয়েকটি কথা। লেখা শেষ ক'রে খামে পুরলো, খাম জুড়লো, ডাকলো, বাহাছর !

ডাক দিতেই শকুন্তলার মাথার শিরা কেমন যেন ক'রে উঠলো। বাহাছর এসে চিঠি নিয়ে গেলো।

শকুন্তলার আর ব'সে থাকতে ইচ্ছে করলোনা, চেয়ারে ব'সেই গা মোড়ানুড়ি দিয়ে নিলো এবং উঠে গিয়ে বিছানায় শুয়ে শুয়ে তার ঘেন মনে হ'লো তার মাথা ধরেছে। ধরবারই কথা, কবিতাটি লিখতে লিখতে তার মাথার অনেকটা ঘীলু খরচ হয়েছে, চোখেরও অনেকটা শক্তি ব্যয় হ'য়েছে।

শকুন্তলা চোখ বুজে শুয়ে থাকতে থাকতে কখন-যে ঘুমিয়ে পড়েছে, তা আমরা তো জানিই না, সে-ও জানেনা। বেলা এগারোটায় ডাক আসে এখানে, আজও সে-ডাকে দিলীপের চিঠি এলোনা। একটি চিঠি, মাত্র একটি চিঠি। শকুন্তলার ঘুম এবার গাঢ় হয়েছে। গাঢ় ঘুমে মানুষ স্বপ্ন দেখেনা। শকুন্তলা তাই পরম নিশ্চিন্তে ঘুমোচ্ছে; চোখে তার স্বপ্ন নেই, বুকে নেই দিলীপ।

ঘুম ভাঙতে দুপুর বিকাল হ'য়ে গেছে, বিকাল এসে ঠেকেছে গোধূলিতে। শকুন্তলা এবার চোখ খুললো। আচ্ছা, এমন যদি হ'তো, সে এখন পাশে তাকিয়েই দেখতো দিলীপের চিঠি প'ড়ে আছে। কিন্তু দিলীপের কথা ভাবার আগে সে নিজেকে নিয়ে একটু ব্যস্ত হ'লো, উঠে ব'সে নিজেই নিজের নাড়ির গতি অনুভব করতে ব'সে গেলো। যা ভেবেছে, পালুস একটু যেন লাফাচ্ছে। জরই হ'লো তাহ'লে। তার ওপর, বুকটাও তার ধড়কড় করছে। মাটি করলো আর কি। এখন যদি সে ভুগতে বসে তবেই হ'য়েছে তার! যদি, হ'তেও পারে বইকি, যদি এই সামান্য অসুখটাই এমন বিপজ্জনক বাক নেয় যে শকুন্তলা ম'রে যাবে। তাহ'লে দিলীপের সঙ্গে তার আর দেখা হবে না জীবনে, এবং তার সাহিত্যিক জীবনের এইখানেই



ইতি ! কাগজে কাগজে, অন্তত পক্ষে জানা-শোনা কয়েকটাতে তো নির্ধাৎ, তার ছবি বেরোবে, লিখবে—বাঙলার তরুণ সাহিত্যিকার মৃত্যু। বহু দূরদেশে ব'সে দিলীপ সে খবর প'ড়ে কি করবে ? কান্দবেনা নিশ্চয়, কারণ সে পুরুষ ! —না, শকুন্তলা মারবেনা। সত্যি বলতে ভয় নেই, মৃত্যুকে তার ভয়ানক ভয় করছে এখন।

রাত্রে দিকে শকুন্তলার গা ভ'রে পরিষ্কার জর এসে গেলো, সেই জর পরদিন সকাল পর্যন্ত ছাড়লো না। নিখিলবাবু তো ভেবে সারা, তাঁর একটি মাত্র মেয়েকে নিয়ে তিনি বিব্রত হ'য়ে পড়লেন। কার্‌সিয়াঙে একটাও এম-বি ডাক্তার নেই, যে কটা আছে সব কটাই এল্-এম্-এফ্; তাদের হাতে রুগী ছেড়ে দিয়ে নিশ্চিন্তে ব'সে থাকার মানুষ নিখিলবাবু নন।

শকুন্তলা একটু কাহিল গলায় ব'ললো, অত ব্যস্ত হবার কী হয়েছে ! সবতাতেই বাড়াবাড়ি। এখনি ডাক্তার ডাকতে হবে, তার কী মানে আছে ?

নিখিলবাবু ব'ললেন, তুই রুগী, তুই চুপ ক'রে শুয়ে থাক। আমি তোমার বাবা, যা করবার তাই করবো। বারো ঘণ্টার মধ্যে জর ছাড়লো না, এ তো ভালো কথা নয় ! আজ আমি দার্জিলিং থেকে ডাক্তার আনবো, একুণি।

শকুন্তলার মাথার কাছে তার মা ব'সে বাতাস করছিলেন, তিনি শকুন্তলার কপালে হাত দিয়ে ব'ললেন, জর এখন হয়ত ছাড়বে।

—বলছি কদিন থেকে, নিখিলবাবু আরস্ত করলেন : অনিয়ম করিস না। নাঃ, মেশোমশায়ের কাগজের লেখা চাই। এখন আনুক

মেশোমশায়, ঠেলা সামলাক এসে। ব'লতে ব'লতে নিখিলবাকু  
বেরিসে গেলেন।

শকুন্তলা চুপচাপ শুয়ে শুয়ে নানান কথা চিন্তা করতে আরম্ভ  
ক'রে দিলো। করাচি, কলকাতা, দার্জিলিং, পাজ্জাব। আচ্ছা,  
করাচির চিঠি আসতে কদিন দেরী হয়, এয়ার মেলএ দিলে আসতেই-ব'  
কতদিন সময় লাগার কথা? আজ এগারো দিন হ'লো দিলীপের  
কোনোই সংবাদ এলো না। শকুন্তলা আজই তাকে একটা চিঠি পোস্ট  
ক'রে দেবে নাকি?—তার-যে জর হ'য়েছে, এ সংবাদটা শকুন্তলা  
তাকে দেবে! বাহাদুরটাই-বা গেল কোথায়? শকুন্তলা তাকে  
ডাকবে নাকি? শিয়রে আবার মা ব'সে আছেন। কেন, শকুন্তলা  
কি মৃত্যু-শয্যায় শুয়ে নাকি, মায়ের তার মাথার কাছে চুপচাপ এতক্ষণ  
থ'রে ব'সে থাকার মানে কি? শকুন্তলা ডাকলো, বাহাদুর!

মা ব'ললেন, কেন?

—দরকার আছে। একটা এনভেলপ আনাবো। বাহাদুর—

বাহাদুর এসে দাঁড়ালো এবং শকুন্তলাকে একটা খাম দিলো।  
শকুন্তলা ঠিকানা পড়েই একটু চঞ্চল হ'য়ে পড়লো, অঁ্যা, অবশেষে?  
অবশেষে দিলীপের চিঠি? শকুন্তলা উঠে ব'সতে গেলো।

মা ব'ললেন, কার চিঠি? আবার উঠ'ছিস কেন?

শকুন্তলা শুয়েই রইলো, কিন্তু সে ভয়ানক অস্বস্তি অনুভব করছে,  
মা এখন এখান থেকে গেলেও তো পারেন! শকুন্তলা একটুখানি  
তাকালো মায়ের মুখের দিকে।

মা ব'ললেন, চিঠি কার?

শকুন্তলা ব'ললো, আছে একজনের, চিনবে না। একটু চা ক'রে দাও না।

—না, এই জরের ওপর চা খেতে হবে না। মা ভালো হ'য়ে ব'সলেন।

শকুন্তলা একটু হতাশ হ'লো, বললো, তবে একটু গরম জল!

মা ব'সলেন, বাহাহুর, স্টোভটা জাল্। জল চাপা দেখি!

শকুন্তলা মুষড়ে পড়লো। একটু থেমে ব'ললো, তুমিই যাও না বাপু! আমার এতো কি জর হ'য়েছে-যে আমার কাছেই ব'সে থাকতে হবে!

—থাকলামই বা, ভোর তাতে এতো আপত্তি কি? আবার বুঝি কোথেকে চিঠি এসেছে লেখার জন্তে। লিখে দে, এখন লেখা-টেখা হবেনা। ভালো কথা, দিলীপের চিঠি পামনি?

—পেয়েছি। শকুন্তলা ব'ললো : তুমি নিজেই একটু জল গরম ক'রে দাও মা!

অবশেষে মা উঠলেন। শকুন্তলা বালিশের তলা থেকে খাম চান দিল। মা একটু দাঁড়িয়ে ব'সলেন, ওই তো স্টোভ জ'লে উঠেছে। বাহাহুর, কেটলিটা বসিয়ে দে! মা দাঁড়িয়েই রইলেন।

য্যৎ, শকুন্তলা পাশ ফিরে শুলো। বাহাহুরের একটু যদি কাণ্ডজ্ঞান থাকে, কতদিন স্টোভ জ্বালাতে গিয়ে তেল তুলে দাউ দাউ ক'রে আগুন বাধিয়ে ছাড়ে, আজ এতো তাড়াতাড়ি না জ্বালিয়ে পারলো না। যত সব! শকুন্তলা পাশ ফিরে মার দিকে তাকালো। না, উনি এখন ওই দিকে তাকিয়ে আছেন!

শকুন্তলা চিঠি খুললো। পাতা তিন লেখা, এক সঙ্গে সব পড়তে চেষ্টা ক'রে বুঝলো—সে কিছুই পড়তে পারছে না। সে তখন একটু স্থির হ'লো। ধীরে ধীরে চিঠিটা প'ড়ে 'গেল! সবটা চিঠির স্থান সঙ্কলান হবে না আমাদের আখ্যায়িকায়, কিছু কিছু সেইজগ্রে ঝঙ্কত হ'লো—

প্রারম্ভ :

কমাপ্রার্থী আমি। হাদ্জামার মধ্যে এসে পড়লাম, যে শুধু তুমি কেন, শুধু চিঠি কেন, এমন কি নিজেকে ও সঙ্গে সঙ্গে সমস্ত পৃথিবীটাকে ভুলে ছিলাম। কমা নিশ্চয় করবে।...

মাকথানে :

...শুভ সংবাদ আছে। হয়ত কিছুদিনের মধ্যেই ইটালী যাবো।...

শেষে :

...মাকথানের ভাগ্যে কখন কি হয় কে জানে? জীবনেও ভাবিনি, মানে, কখনো কল্পনাও করিনি যে আমার বরাতে সাগরযাত্রা ঘটবে। ইটালি যাবার আগে চিঠি পাবে। এব মধ্যে তোমার চিঠি চাই! এয়ার-মেল্‌এ চিঠি দিযো! ভালবাসা নিযো! পাহাড়ের, সেই মেঘরাঙ্কোর সেই স্মৃতি, বুঝলে শকুন্তলা,—যাক্। ইতি—দিলীপেন্দু নন্দী।

চিঠি পড়া সাক্ষ ক'রে শকুন্তলা একটা দীর্ঘনিশ্বাস ত্যাগ করলো। এখান থেকে করাচিই দূর, ইটালি যে আরো দূর। ইটালিতে বেশি দিন থাকবে না লিখেছে, মাস ছয় সাতের মধ্যেই সে কিরে আসবে, খুব বেশি হ'লে এক বছর। এই কল্পদিনে সে নাকি খুব কৃতিত্ব

দেখিয়েছে, এই কয়দিনের মধ্যে সে প্রায় দেড় ঘণ্টা ক্লাইট করতে সক্ষম হ'য়েছে। সেইটাই তার পক্ষে মস্ত বড়ো সাটফিক্কেট ! ইটালিতে যাবার হঠাৎ সুবিধে সেইজন্তেই তার ঘ'টে গেলো নাকি।

কিন্তু শকুন্তলা তো বড় মুন্সিলে পড়লো। তাড়াতাড়ি ক'রে চিঠি লিখতে হবে, কিন্তু এখন সে লেখে কি ক'রে। এখন 'লে' লিখতে পারে, তার নিজের পক্ষে কোনো অসুবিধা নেই; কিন্তু মা তো রি রি ক'রে পড়বেন। বাবাও প্রায় ফিরে এলেন ব'লে।

শকুন্তলা বাহাদুরকে দিয়ে কাগজ-কলম কাছে নিলো, মা জিজ্ঞেস করায় সে ব'ললো, জরুরী একটা চিঠির জবাব দিতে হবে, দিল্লীপের।

—দু'দিন পরে দিলেই হবে !

—না, হবে না। ইটালি চ'লে যাবে তাহ'লে ! শকুন্তলা খুলেমেলেই ব'ললো।

মা চোখ বড় ক'রে বললেন, কোথায় যাবে ? ইটালি ? কেন ?

—দরকার আছে ! সংকিপ্ত জবাব দিলো শকুন্তলা।

দ্রুত, কম্পিত হাতে শকুন্তলা চিঠি লিখতে আরম্ভ করলো। এর মধ্যে বাবা এসে পড়লেই হ'য়েছে আর কি ! কত কথা তার লেখার ছিলো, কিছুই হ'লো না ! কেবল হ'লো প্রাপ্তি স্বীকার আর আনন্দ প্রকাশ, সঙ্গে সঙ্গে বেদনার একটু ছোঁয়াচ।

তৎক্ষণাৎ শকুন্তলা বাহাদুরকে দিয়ে চিঠি পাঠিয়ে দিলো। বার বার ক'রে তাকে বুঝিয়ে দিলো, সে যেন নীল কাগজের মধ্যে সাদা লেখাওয়ালা কাগজ স্টেটে দিয়ে পোস্টঅফিসে বুঝিয়ে বলে, উড়ো-জাহাজে যাবগা, তারপর কত টিকিট লাগে শুনে নিয়ে তবে টিকিট কিনে, জিজ্ঞেস ক'রে পোস্ট করে

বাহাদুর ঘাড় কাৎ করতে করতে বেরিয়ে গেলো।

নিখিলবাবুর গলা পাওয়া যাচ্ছে। মা ভো রেগেই আছেন দেবীর জন্তে, ব'ললেন, বাপু, কাকে, যেন ডাক্তারি পাশ করিয়ে তবে ধ'রে নিয়ে আসচে। নইলে এতটা দেবী হয়?

এল-এম-এফ্ ডাক্তারই এলেন। তবে, দার্জলিংয়ে নাকি ফোনু গেছে, বিকেলের দিকে উৎপল মিত্র আসবে। উৎপল ছোকরা হ'লে কী হ'বে, তার নাকি ত্রুণ আছে,—দেখতেও যেমন, শুনেও তেমন, আবার ডাক্তারিতেও তেমনই।

নাড়ি ধ'রে, জিভ দেখে বুক দেখে ডাক্তারবাবু উঠে গেলেন। ব'ললেন, কিছু নয়, সামান্য সর্দিজ্বর যাকে বলে। ওষুধ দিবে দিচ্ছি, সেবে যাবে।

সারলেই ভালো। সেরে যাবে, নিখিলবাবু তাই চান। কিন্তু তাঁর এদের ওপর নোটেই আস্থা নেই। উৎপলের নাম শোনার পর থেকে, আর একটা হাঁপানি-রুগী ও একটি অ্যাব্সেসের চিকিৎসাব গল্প শুনে উৎপল সম্বন্ধে তাঁর একটু দুর্বলতা এসেছে।

বিকলে সেই উৎপল এসে হাজির হ'লো। এম-জি গাড়ীখানা নিখিলবাবুর দরজায় দাঁড় করিয়ে হর্ণ দিতেই ব্যস্তসমস্ত হ'য়ে তিনি ছুট্ দিলেন।

শকুন্তলার বড় রাগ হ'চ্ছে। সামান্য এই অসুখে এত হৈ-চৈ করার মানে কী? কপালের ওপর থেকে চুল মাথার ওপর উঠিয়ে, গায়ে ভালো ক'রে চাদরটি জড়িয়ে শকুন্তলা কুকড়ে, আড়ষ্ট হ'য়ে শুয়ে রইল।

উৎপল গম্ভীর গলায় কথা বলতে বলতে, পাইপ টানতে টানতে, জুতোর শব্দ করতে করতে ঘরে এসে ঢুকলো। শকুন্তলা আরও জড়োসড়ো হ'য়ে উঠলো যেন।

বাহাদুর তাড়াতাড়ি একটা চেয়ার টেনে খাটের পাশে রাখলো। উৎপল চেয়ারে ব'সে গলার কাছে টাই একটু ঢিল দেওয়ার মতো ক'রে ব'ললো, কবে জর এসেছে? কাল? বুকেও নাকি একটা পেন আছে বলছিলেন সকালে। (শকুন্তলাকে) আপনি একটু ঘুরে শোন।

শকুন্তলা পাশ ফিরে শুয়ে উৎপলের মুখে একটুখানি তাকিয়েই চোখ নামালো।

উৎপল ব'ললো, কি কি অসুবিধে বলুন তো খুলে! মাথা ধরে? মাঝে মাঝে? বুক ব্যাথা করে? কি ব'ললেন, ব্যাথা নয়? তবে? একটু ধড়ফড়? খুব দুর্বলতা বোধ হয়, না?

উৎপল পালস্ দেখলো। তারপর স্টেথেস্কোপ কাণে লাগিয়ে ব'ললো, চিৎ হয়ে শোন। চাদরটা কাইগুলি একটু সরাবেন। আচ্ছা থাক, ওতেই হবে! খুব জোরে নিশ্বাস নিনু তো! ভয় পাচ্ছেন কেন? একটু কাৎ হন। ইঁয়া, ইঁয়া দেখি! বাঃ!

স্টেথেস্কোপ খুলতে খুলতে ব'ললো, কয়েকদিন খুব উত্তেজনা গেছে, না? খুব ত্রাণ ওয়ার্ক গেছে নিশ্চয়! মুন্সিল, আপনার আবার লেখিকা, নিষেধও করতে পারি না, শুনবেন না। বলছি, মাস কয়েক কাগজ কলম থেকে অ্যান্ডফ থাকুন তো! ত্রাণ একটু রেস্ট চায়, আর চিন্তাও করবেন না! আমি বিশেষ কিছু ওষুধ দেবোনা আপাততো, তবে একটা টনিক দিচ্ছি! জর ছাড়বার জন্যে মাত্র তিন ডোজ ওষুধ দেবো। এতেই সেরে উঠবেন।

আমার হাতে উপস্থিত প্যারালিসিসের একটা রুগী আছে, সে-ও ভয়ানক চিন্তা করে। রোগও সেই জন্তে সারাতে পারছি না।  
—ব'লে সে প্রেসক্রিপশন লিখে দিলো।

উৎপল চ'লে গেলো! পেছন পেছন নিখিলবাবুও গেলেন। ওষুধ পত্র নিয়ে ফিরে এসে নিখিলবাবু ভয়নক রেগে আরম্ভ করলেন : ডাক্তারি পড়িনি ব'লে কি ডাক্তারি মোটেই জানি না! দেখো তো কেমন চট করে রোগ ধরে গেল! এল-এম্-এফ কোনো কাজের নয়, বলে—সর্দিজ্বর। সর্দির নাম নেই, সর্দিজ্বর। ঠিক, ঐ লিখে লিখে এমন হ'য়েছে, নিশ্চয় লিখে লিখে হ'য়েছে, একশো বার ব'লবো! উৎপল মিত্র চমৎকার ডাক্তার, নাড়ি ধরে আর রোগ বলে।

মা ব'ললেন, আর আকাশে তুলো না! আবার হয়ত একদিন ওরই পিণ্ড চটকাবে!

নিখিলবাবু ওষুধ ঢালতে ঢালতে ব'ললেন, আকাশে তোলা নানে! সত্যি কথাটা বলবোনা? দেখে নিয়ো আর পাঁচ বছরের মধ্যে ও কি একটা হ'য়ে দাড়ায়। কলকাতায় গিয়ে যদি বসে ও, তবে আরও উন্নতি করতে পারবে! শাস্ত, নাও, হাঁ করো তো মা! সে কি? আমি ত্রিগুণেশ ক'রে নিয়েছি। একেবারে তেতো নয়, কেবল একটু কাঁক। খাও, একটু মশলা আনবো? আচ্ছা, না আনলাম, খাও!

শাস্ত ওষুধ খেয়ে কাৎ হয়ে গেলো। ভয়নক মুন্সিল হয়েছে তার। নিগিলবাবুর পাগলামীর জ্বালায় সেও প্রায় পাগল হয়ে উঠলো ব'লে! বেশি দিন যদি এমনি ক'রে চলে তবেই হয়েছে আর কি! লেখা পড়া যদি একেবারে বাধ দিতে সে বাধ্য হয়, তবে কি



নিয়ে তার সময় কাটবে? শকুন্তলা কাৎ হ'য়ে শুয়ে শুয়ে ভাবতে লাগলো। উৎপলের চোখ ছ'টো, উঃ, কী চকচকে! গায়েব রঙটাও যেন চকচক করছে, শরীরের রীতিমতো যত্ন করে ব'লতে হবে। সুন্দর মানুষ তো বহু দেখা গিয়েছে, কিন্তু এমন চাকচিক্য আছে ক'জনের? উৎপলের বৌয়ের কি ভাগ্য!

কিন্তু উৎপল যে আজও বিয়ে করেনি একথা শকুন্তলা জানে না। জানবেই বা কি ক'রে? আজই-না প্রথম এর নাম শুনলো। কিন্তু শকুন্তলা যে লেখে এসংবাদ তাকে দিলো কে?

শকুন্তলা ভাবলো, নিশ্চয় ভাব বাবা মেয়ের গুণকীর্তন কবেছেন!

উৎপলের উপর যেন একটু বিশ্বাস এসে গেলো। সামান্য কয়েক মুহূর্তের দেখায় সে ব'লে গেলো কিসের থেকে তার এ রোগের উৎপত্তি! কিন্তু সে টের পেলনা, কত সাধারণ কথা ব'লে গেলো উৎপল। যে লেখে তার মাথায় অনবরত একটা ফিলসফি ঘুর ঘুর করে ঘুরে বেড়াবে, এ তো যে-সে ব'লতে পারতো, অবশ্য একটু সাধারণ জ্ঞানও তার থাকা দরকার। উৎপলের সেটুকু আছে, বেশি কিছু নেই ব'লতেই হবে।

ঘুরে ঘুরে উৎপলের আর আসতে হ'লো না। কিন্তু তাকে আবার আসতে হবে, এটুকু ভবিষ্যৎবাণী আমার পক্ষে করা আশ্চর্য নয়, কারণ আমরা না হাতে তাদের ভবিষ্যৎ নির্ভর ক'রে আছে। যখন শকুন্তলা তার পা ভেঙ্গে ফেলবে, তখন উৎপল আবার এখানে করবে পদাণ্ড! কিন্তু সে-কথা আসতে এখন একটু দেরী

আছে। কিন্তু এখন উৎপলের আর আসতে হ'চ্ছেনা, শকুন্তলা পরিপূর্ণ রূপে জুহু হ'য়েছে এখন !

দিলীপের এখান থেকে যাওয়ার পর এক-এক ক'রে কয়েক মাস গত হ'য়েছে। এখন সে গেছে ইতালি, যে-দেশে রোম নগর ; যে নগর, ছেবেলোয় প'ড়েছি, একদিনে তৈরি হয়নি। দিলীপের চিঠি আসছে, শকুন্তলাও এদিক থেকে ক্রমাগত উত্তর দিয়ে যাচ্ছে। কিন্তু শকুন্তলার সমস্ত হৃদয় ঊপুড় হ'য়ে পড়ে আছে একই পাত্রে ওপর, শকুন্তলা উন্মুখ আগ্রহে চেয়ে আছে সেই একই উদ্দেশ্যে— কবে দিলীপ ফিরে আসবে।

গত পরশু-দিন ইটালী থেকে এক ভয়াবহ সংবাদ এসেছে। সেই থেকে শকুন্তলা মনে আর শান্তি পাচ্ছেনা মোটেই। চার-শো পঁচাত্তর কুট কি কম কথা ? সেইখান থেকে প্যারানুট-লাফ দিয়েছে নাকি দিলীপ ! কেন, এত দুঃসাহসে দরকার কি ? লোক ঝাঁপ না দিলে কি তার আর চলে না ? সে কি জানেনা, তার জেজ্ঞে শকুন্তলা কত দূর দেশে ব'সে কত অজস্র হুশিচস্তায় দিনাতিপাত করছে ! সেই আকাশ, ভাবতেই তো শকুন্তলার সমস্ত রক্ত বরফ হ'য়ে যাচ্ছে, সেইখান থেকে প্রকাণ্ড লাফ দিয়ে পড়ার অর্থ কি। হিতে বিপরীত ঘ'টতে কতক্ষণ ? বিপদের মধ্যে স্বেচ্ছায় কে লাফ দিয়ে পড়তে চায়, বলো ! তার ওপর আরো লিখেছে সে—সে নাকি ক্রমশ এই ঊর্ধ্বতা বাড়িয়ে হাজারে দাঁড় করাতে অচিরেই ! অদ্ভুত, অদ্ভুত ! অদ্ভুত দিলীপ, অদ্ভুত এই আধুনিক যন্ত্র-যুগ, এই বর্বর সভ্যতা, এই সভ্য বর্বরতা। শকুন্তলার একাল আর যেন ভাল লাগে না সেই সেকালই যেন ছিলো মধুর, নিরাপদ। ক্রস্-কাটি ক্লাইট শেখা

হ'লেই' সে ফিরে আসবে, লিখেছে ; কিন্তু সে-ব্যাপারটা শিখতে আর কতদিন তাঁর বাকি ? 'বি' ক্লাস্ লাইসেন্সের জন্তে যদি এতো হাজারী, তবে সাধারণ 'এ' ক্লাস্ই ভালো ! নাঃ, এ যুগটি অতি বিস্ত্রী । মাহুষের অঙ্গে যেন আশ মেটেনা ! স্পীড্, স্পীড্, স্পীড্ ! মাহুষ স্পীড্ স্পীড্ ক'রে মরলো ।

শকুন্তলা উত্তর লিখতে বসে গেলো । প্রথমেই সে লিখলো তাকে ধন্যবাদ জানিয়ে । সূর্য্যোদয় পত্রিকায় তার 'পঙ্কিল মোর শঙ্কিল ঘন' কবিতাটি পড়ে দিলীপ তাকে বাহবা দিয়েছে, শকুন্তলা লিখলো, বাহবা পাওয়ার কৃতিত্ব তার নয়, দিলীপেরই । কারণ এ কবিতার জন্মদান করেছে দিলীপ । শকুন্তলা কে ? সে তো মাত্র লিখেই মুক্ত । এবং আরো লিখলো—পত্রিকাটা শকুন্তলা পাঠিয়েছে নিতাস্তই মনের গেয়ালে, কেবলমাত্র তার কবিতাটি পড়বার জন্য নয় (শকুন্তলা এখানে নিজের সাফাই গেয়েছে ব'লতে হবে) । দূর দেশে সে আছে, বাড়লা থেকে একটা চিহ্ন তাকে পাঠিয়েছে কেবলমাত্র একটা আন্তরিক সহানুভূতিতে ।

উত্তরে দিলীপ লিখলো : সহানুভূতি জিনিষটা কেবলমাত্র তোমারি নয়, আমারো । তুমি যে বহুদূরে আছো, অবশ্য আমার কাছ থেকে, তোমার আমার মাঝে এই যে দূতর ব্যবধান তাতে তুমি যেমন আমার জন্তে, আমিও তেমন তোমার জন্তে, চিন্তিত । বাস্তবিক, পুরাতন কত জিনিষ আমরা ভুলে গেছি, কিন্তু তোমার স্মৃতি কিছুতেই মুছে যাচ্ছে না । মনে করতে পারো, আমি এখানে আনন্দে আছি ! আনন্দেই আছি বটে, কিন্তু, সেই আনন্দের মাঝে কোথায় যেন একটু-খা আছে ! শকুন্তলা, সহানুভূতি আমারও আছে ।

কিন্তু হুঃখিত, কবিতা আমি লিখতে পারি না, নইলে আমিও ভোমাকে একটা কবিতা লিখে পাঠাতাম। মনে রেখো বলাব কথ। আমারও আছে অনেক, অনেক—তোমার চেয়ে কম নয়। কবিতার বদলে আমার এই ফটোটি পাঠালাম, প্রাপ্তিস্বীকার ক'রো।

শকুন্তলা ফটোটির দিকে একদৃষ্টে তাকিয়ে আছে। দিলীপের শরীর আরো যেন ভালো হ'য়েছে মনে হচ্ছে তার! শরু গৌফ রাখতে আবার আরম্ভ ক'রেছে কেন? নাঃ, তারো টেফট এমনি ভাবে হঠাৎ বদল হ'য়ে যাচ্ছে? হ'লে হবে কি, গৌফে সে যেন আরো সুন্দর হুটেছে! শকুন্তলা অনেকক্ষণ ফটোটির দিকে তাকিয়ে তাকিয়ে চোখ অবশ ক'রে ফেললো, তার দৃষ্টি-শক্তি যেন একটু দুর্বল হ'য়ে এলো তার যেন মনে হ'চ্ছে, ফটোটা এখন স্পষ্ট দেখতে পাচ্ছেনা, ক্রমে ক্রমে কে যেন সেটি তাব কাছ থেকে টেনে টেনে, দূরে নিয়ে যাচ্ছে। আবছা হ'য়ে উঠছে দিলীপের ছবিটি!

ওঃ, তাই বলো! শকুন্তলার চোখে জল এসে গেছে। শকুন্তলা টেবিলের ওপর মাথা রাখলো।

অনেকক্ষণ এই অবস্থায় থাকার পর হঠাৎ শকুন্তলা মাথা তুললো। সে যেন কী-একটা পরম লোভনীয় জিনিষ পেয়ে গেছে। ঘন-বর্ষণের পর স্নিগ্ধ আকাশে বৈকালিক স্নান রোদের মতো ঠাণ্ডা কোমল হাসির রেখা পড়লো তার মুখমণ্ডলের প্রতিটি রেখায়। কী একটা ভীষণ রোমাঞ্চে শকুন্তলা উজ্জল হ'য়ে উঠলো। গাড়াগাড়া কলম কাগজ টেনে-টুনে, দরজা বন্ধ ক'রে সে মগ্ন হ'ল সাধনায়।

আনন্দ, ভয়ানক আনন্দ হচ্ছে শকুন্তলার। লিখতে মানুষের এতো আনন্দ হয় স্বয়ং লেখিকা হ'য়েও এ-রহস্য তার কাছে এতোদিন এমন অপরিচিত ছিলো। শকুন্তলা বেশ সাজ হ'য়ে ব'সলো। টেবিলের ওপর উগুড় হ'য়ে প্যাড্‌এর সঙ্গে নাকের ডগা লাগিয়ে, না, এক ইঞ্চি তফাতে রাখলো। উপগ্রাস, ইয়া, প্রথম আজ সে উপগ্রাসে হাত দেবে। নাঃ, তার চেয়ে সে আগে একটা ছোটো মতো গল্পই লিখে ফেলুক। অনেক দিন না লিখে (উৎপলের উপদেশানুসারে) তার মস্তিষ্কে আর হাতে যেন একটু মরচে প'ড়ে গেছে। তার জীবনই তো মস্ত একটা উপগ্রাস, যে কোনো সময় সে তা লিখে ফেলতে পারবে। নিজের জীবন নিয়েই সে না-হয় লিখলো, তাতে তার লেখা যদি Bad Novels এর দলে পড়ে, তাতে তার আপত্তি নেই। Good Novel ক'জন লিখতে পারে? এমন কি আমাদের বার্গার্ড-শ এতো বড়ো প্রতিভা নিয়েও নিজের নভেল থেকে নিজে স'রে দাঁড়াতে পারেন নি, তাঁর সম্বন্ধে সবই আমরা তাঁর No-nage Novels থেকে পাই,—এতে তাঁর লেখাগুলো Bad Novels এর দলভুক্ত হ'য়েছে—শকুন্তলারো না-হয় তাই হ'লো! আর, কোন্ লেখা থেকে তার লেখক নিজেকে বিচ্ছিন্ন রাখতে পারে? সে যে অসম্ভব, সে যে অবিশ্বাস্য! যাই হোক, শকুন্তলা একটা গল্প লিখবে। এবং আবার মেশোমশায় হৃষোদয় পত্রিকায় পাঠিয়ে দেবে। না হ'লে মেশোমশায় সত্যি দারুণ চ'টবেন।

সমস্ত চেতনা একটি বিন্দুতে সঙ্কুচিত ক'রে, তার প্রতিভার সবটুকু উজ্জলতা উজ্জলতম ক'রে শকুন্তলা লিখলো। গোটা গোটা অক্ষরে, কথার পর কথা বসিয়ে এক ঘণ্টায় সে মোটে, আধপাতা লিখতে সক্ষম হ'লো। কিন্তু যেটুকু লিখেছে, আবার সে পড়ে দেখলো—ভারি

মধ্যে দিলীপের কথা যেন অত্যন্ত বেশি বলা হ'য়ে গেছে। দিলীপই তাকে পেয়ে ব'সেছে, না, সেই দিলীপকে পেয়ে ব'সেছে—শকুন্তলা ঠিক ভেবে পেলো না। তবে, এটুকু সে বুঝলো—যে তার দিবারাত্রির প্রত্যেকটি কঁাক পূর্ণ হয়েছে দিলীপকে দিয়ে।

নাঃ, এখন আর লিখে দরকার নেই। রাত্রে দিকে যখন সকলে ঘুমায় তখন আকাশের তারার সঙ্গে সঙ্গে প্রতিভা থাকে জেগে। রাত্রেই সে গল্পটি লিখবে, এখন দিলীপকে একটা চিঠি লিখুক।

শকুন্তলার চিঠির মধ্যে সবার প্রথম প্রশ্ন হ'লো, দিলীপের ইতালীতে আর কতদিন থাকতে হবে? আজ মাস আঠেক তো হ'লো তার কার্গিয়াঙ থেকে যাওয়ার পর। ইতালীতে এখন শীত কেমন? কার্গিয়াঙে তো রীতিমতো বরফ পড়ার অবস্থা। কলের জল খোলার মত সাদা, অর্থাৎ জমে যেতে যেতেও তরল আছে। শকুন্তলার শারীরিক অবস্থা এতোই হীন যে এবারকার শীত তার কাছে অসহ্য ঠেকেছে। লেখা? দুঃখের কথা দিলীপ আর কেন বলে! লেখা তার মাথায় উঠেছে, লেখার কথা ভাবতে তার ভয় করে। সত্যি, লেখক-জীবনের মতো এমন ভয়াবহ বেঁচে থাকা আর আছে কি? শুধু লেখো, দিনের পর দিন, রাতের পর রাত। বিয়াস নাই, বিশ্রাম নাই, স্বাস্থ্য নাই, অর্থ নাই। আছে যশ, আছে নিন্দা। কী ভয়ানক পুরস্কার! এই কঠোর ত্রুতের এই সিদ্ধি। শকুন্তলার নাকি হাসি পায়। হাসি পায় কেবল অত্যন্ত কান্না পায় ব'লে। দিলীপের এ বিষয়ে কী মত?

দিলীপ লিখলো : আমার আবার মত! তোমার বাতে কান্না পায় তাতে আমার কি হাসি পাওয়ার কল্পা, শকুন্তলা? (দিলীপ

এখানে একটুমাত্রায় মেয়ে হ'য়ে প'ড়েছে ব'লে মনে হ'চ্ছে) লেখা যদি তোমার এতো বিশ্বাস লাগে, তবে আমার অস্বস্তি, লেখাটেখা ছেড়ে দাও! কি হবে ছাই ভূতের বেগার খেটে? এর চেয়ে ইস্কুল-মাস্টারী-যে ভালো! ভালো পড়াতে পারলে লোকে বাহবাই দেবে। কিন্তু ভালো 'লিখলেও লোকে একটু বাকা চোখে না তাকিয়ে পারে না। নিরপেক্ষ সমালোচনা ক'জন করে? বড়ই ছুংখের বিষয়, শকুন্তলা, 'সমালোচনা'র আগে আমাকে 'নিরপেক্ষ' কথাটি ব্যবহার করতে হলো। যারা বাংলার ক্রিটিক তাদের বাঙলা নাম থেকে 'সমা'টা তুলে স্খুয়াত্র 'লোচক' বলা উচিত। তুমি কি বলো?

—আমি বলি? শকুন্তলা উত্তরে লিখলো: তুমি যা লিখেছ তাই। আশ্চর্য লাগছে বড়ো, তুমি কেমন ক'রে আমাদের সাহিত্যের বাজার চিনলে? কিন্তু যাক ওসব অকেজো কথা। আজকালও প্যারামুট-লাফ্ দিচ্ছে নাকি? গ্রাউণ্ড ইঞ্জিনিয়ারিং কন্সট্রাকশন হ'লো? কবে আসছো বলো তো? এখনো কি এক বছর?

উত্তরে দিলীপের চিঠি এলো। লিখেছে: বলো কি, এক-বছর! আরো এক বছর যদি আমাকে থাকতে হয় তবে আমি দম বন্ধ হ'য়েই ম'রে যাবো। তোমাদের ছেড়ে এত দিন যে এত দূরে আছি এই কি যথেষ্ট নয়? প্রায় সাড়ে নয় মাসের ওপর হ'য়ে গেলো। বড়ো জোর আর মাসখানেক এখানে থাকবো, এর মধ্যে সব যদি শেখা হয়, হ'লো। গইলে আর দরকার নেই আমার। দেহের যৌবন এখনো অনেকদিন থাকবে আশাকরি;

কিন্তু মনের ঘোবন হঠাৎ যদি ফসকে গেলো তবেই মাটি। তাই আর থাকার ইচ্ছে নেই। তোমার নিশ্চয়ই খুব আনন্দ হবে এ সংবাদ পেয়ে, আমরা যথেষ্ট কুর্তি হ'চ্ছে তোমাকে লিখতে ব'সে। প্যারাসুট-লাফ চ'লছে বই-কি! দিন দিনই মানুষের উন্নতি হয়। আমরা না-হয় হ'লো, তাতে তোমার আপত্তি আছে? কোনো ভয় নেই, অ্যাক্সিডেন্ট কিছু ঘটবেনা। আর যদিই-বা ঘটে তার ওপর কোন আপীল চ'লবেনা। যদি ঘটে, তবে একটা দুঃখ থেকে যাবে, শেষ-মুহূর্তে তোমায় দেখতে পেলাম না। কিন্তু এ-সব কাল্পনিক খেদ। এ-বথা নিয়ে তুমি আবার মাথা ঘামিয়ে না। হার্ট একেই দুর্বল, আরো দুর্বল হ'য়ে পড়বে তাহ'লে।

শকুন্তলা সত্যি সত্যিই মাথা ঘামাতে আরম্ভ ক'রে দিলো। যে দুশ্চিন্তাকে এতো দিন সে এড়িয়ে এসেছে, নতুন ক'রে আবার সেই দুশ্চিন্তাই তাকে পেয়ে ব'সলো। অযথা যা-তা ভেবে সে নিজের শরীরে স্নায়বিক দুর্বলতা এনে ফেললো। কিছুক্ষণ ব'সে থাকার পর উঠে দাঁড়াতে তার পৃথিবী ছলে ওঠে, কিছুক্ষণের জন্তে সব অন্ধকার দেখায়। এই সব সময় কোন একটা অবলম্বন না পেলে সে নিজেকে সোজা রাখতে পারে না। এমনি মুশ্কিল হ'য়েছে তার। সর্বদা তার মাথার মধ্যে একটা এরোপ্লেন ভেঁ ভেঁ ক'রে ঘুরে বেড়াচ্ছে।

সেদিন চুপচাপ শকুন্তলা তার ঘরে ব'সে নানা কথা চিন্তা করছে। হঠাৎ তার কানে সত্যি সত্যি এরোপ্লেনের শব্দ এলো। আসতেই শকুন্তলা শব্দ ক'রে চেয়ার পেছনে সরিয়ে দিয়ে উঠে তাড়াতাড়ি



জানালার কাছে গেলো। দিলীপ ব'লেছিলো না?—হঠাৎ একদিন এসে পড়তে পারে! সত্যিই আজ সে এলো নাকি? কিন্তু না, শকুন্তলা হতাশ হ'লো—আকাশ একেবারেই ফাঁকা। উডোজাহাজ তো উডোজাহাজ, একটা পাখীও নাই। ওঃ হরি! এতক্ষণে শকুন্তলা বুঝলো—পাশের ঘরে বাহাদুর স্টোভ জালিবেছে। শকুন্তলার এখন দুঃখেও হাসি পেলো। সেই ইতালী থেকে দিলীপ আসবে কি ক'বে? করাচি যাওয়ার সময় না সে ব'লেছিলো—হঠাৎ দেখতেও পাবো উডোজাহাজে উড়তে উড়তে এসে হাজির হ'য়েছি। করাচি থেকে আসাই মুশ্কিল, তা আবাব ইতালী! শকুন্তলা আবার এসে ব'সলো। এটা হ'চ্ছে ফাল্গুন, আস্তে আস্তে তার সেই বৈশাখ।

দিলীপের চিঠি অনেকদিন না পেয়ে শকুন্তলার দিন আজকাল ভালো যাচ্ছে না। হ'য়েছে আর-কি, অঘটন একটা কিছু হ'য়েছেই! না হ'লে এতদিন অনবরত চিঠির আদান-প্রদান হ'তে হ'তে দিলীপ থেমে গেলো কেন? নেহাৎ-ই কিছু ঘ'টেছে! হয়, মেঘ মনে ক'রে পাহাড়ের সঙ্গে ধাক্কা, না হ'লে প্যারাসুট উড়িয়ে নিয়ে গেছে এক ভীষণ জঙ্গলে—সেখানে বাঘ-ভাল্লুকও তো আছে। থাক, যা হবার হ'য়েছে, শকুন্তলা ভেবে আর কি কববে?

কিন্তু দিলীপের চিঠি সেই দিনই এলো। করাচি থেকে লিখেছে। লিখেছে: ওপরের ঠিকানা দেখে নিশ্চয় আশ্চর্য লাগছে, গতকাল এখানে এসে পৌঁছেছি বিকেলের দিকে। কেমন মজা বলো তো এবার? দিন দুই এখানে থাকবো। তারপর

দিল্লী হ'য়ে কলকাতা, কলকাতা হ'য়ে কার্শিয়াও। 'ভারি আনন্দ লাগছে আমাদেরো কিন্তু। তোমার বেশি আনন্দ লাগছে, না, আমার লাগছে—এ নিয়ে তর্ক হবে সাক্ষাতে। এতদিনই যদি গেলো, তবে আর দিন দশ নিশ্চয় সহ্য হবে, কি বলো? দিল্লীতে মাত্র একদিন থাকতে হবে, সামান্য একটু কাজ আছে। আজ দুপুরে একটু আরব সাগরের ওপর উড্ডোজাহাজ চালাবো। দিল্লীতে যাবার আগে আবার চিঠি লিখবো।

চিঠি ধরে শকুন্তলার হাত কাঁপছিলো! একে একে কত আমাদের কথা আজ তার মনে হ'চ্ছে। সব কথা ভুলে গিয়েও একটি দিনের কথা আজ বার বার মনে না ক'রে সে পারছেন। আর ক'দিনই-বা? দিলীপ এসে পড়লো ব'লে! কয়েক দিন সে দিলীপকে নিয়ে খালি পাহাড়ে পাহাড়ে বেড়াবে। দুপুর, সকাল, সন্ধ্যা, কোনো নিয়ম রাখবেনা। এতদিন দিলীপকে উদ্দেশ্য ক'রে যা কিছু লিখেছে অনেক রাত পর্যন্ত জেগে জেগে প'ড়ে প'ড়ে সব দিলীপকে শোনাবে। দিলীপ তখন সাগ্রহে তাকে চুমু না খেয়ে পারবেনা। আঃ, কি পরিতৃপ্তি! শকুন্তলার চোখ বুজে এলো।

শকুন্তলা ছুটে বাড়ীর ভেতরে গেলো, ব'ললো, মা, দিলীপ আসছে!

—কৈ? সে কি? কবে? মা গড়াতে গড়াতে চোকী থেকে নামতে আরম্ভ করলেন।

শকুন্তলা হাসলো, বললো, আসেনি, আসবে। করাচি পর্যন্ত এসেছে। আসচে সপ্তাহে, এখানে পৌঁছবে।

—এরি মধ্যে ফিরে এলো যে?

এরি মধ্যে ? শকুন্তলার ভয়ানক রাগ হলো। একটা বছর ঘুরে গেলো, তাতেও মায়ের মন উঠলো না। কেন, তিনি আরো দীর্ঘদিন প্রার্থনা করেন নাকি ? রাগে শকুন্তলার সর্বাত্ম যেন জলে যায়। দিলীপেরই বা কাণ্ডজ্ঞান কেমন ? এখন করাচিতে দু'দিন বিশ্রাম না করলে মহাভারত অস্তিত্ব হ'য়ে যায় নাকি ? না বাপু, পুরুষ মানুষের মন বোঝা তার মতো মেয়ের সাধ্য নয়। আবার দিল্লী যেতে হবে, যতো সব ! কাজের যেন আর অন্তই নেই কারু, এক শকুন্তলাই নিষ্কর্মা। শুধু মায়ের উপর কেন, দিলীপের ওপরও তার ভয়ানক রাগ হ'চ্ছে। একবার আশুক না এখানে, শকুন্তলা এর টিটু তুলবে ! হ্যাঁ, ভারী ! সে মেয়েমানুষ হ'য়েছে ব'লে যেন চোর হ'য়েছে ! আচ্ছা, দিলীপ এখানে এসে পৌঁছলে শকুন্তলা সব-চে প্রথমে তাকে কি কথা ব'লবে ! কোন্ শাড়ীখানা প'রে সে তৈরী হ'য়ে ব'সে থাকবে ?—আর কোন্ ব্লাউজটা ?

দিল্লী থেকে দিলীপের চিঠি এলো : ক্রমশই এগোচ্ছি, হঠাৎ লাফ দিয়ে কার্গিরাঙে গিয়ে হাজির হবো, একেবারে বিনা নোটিশে। তোমাকে আশ্চর্য ক'রে দিতে আমার ভারী ভালো লাগে। আশ্চর্য হ'য়ে যখন চোখ বড় বড় ক'রে তাকাও, তখন দিলীপেন্দু নন্দী যেন একেবারে ক্ষেপে যায়। সত্যি, তোমার চোখ দুটির মধ্যে কি যেন যাদু আছে, ও চোখে কোনোদিন না জল আসে—কারণ, চোখের জল যে চোখকে কুৎসিত করে, জানো বোধ'হ—আমি সেই চেষ্টাই করবো। ভালো কথা, আবার একটু লক্ষ্যে বেতে হবে এবং আজই যাচ্ছি। এখানকার কাজ হ'য়ে গেছে। লক্ষ্যে থেকে পরণ্ড দুপুরে রওনা হবো, তরুণ কলকাতায় পৌঁছবো সকালে। দেশের দিকে ফেরার পথে কত

যে বাধা আসছে তার অন্ত নেই। যাই হোক, তোমরা আমার কুশল প্রার্থনা ক'রো, তবেই আমি কৃতার্থ। লক্ষ্মী থেকে আর চিঠি পাবে না।

দিল্লী থেকে লক্ষ্মীর পুখে একটা ট্রেনের দ্বিতীয় শ্রেণীর কাম-রায় আমরা দিল্লীপকে বেশ একটু প্রহুন্ন দেখতে পেয়েছি। দেশের পথে কার-না মনে আনন্দ হয়, বলো।

এদিকে, শকুন্তলাও আছে বেশ আনন্দে। তার বুক ধড়ফড়, পেটে একটু ব্যথা, মাথাঘোরা উপসর্গগুলো তাকে একটু নিষ্কৃতি দিয়েছে ব'লে মনে হ'চ্ছে যেন। ঘর-দোর পরিপাটি ক'রে, টেবিল গুছিয়ে, আলমারী সাজিয়ে শকুন্তলা একেবারে তৈরী। যে কোনো মুহূর্তে এখন দিল্লীপ এসে পড়লেই হয়।

আজ সেই তরুণ। শকুন্তলার ঘুম ভাঙতে একটু বেলা হ'লো। এতোক্ষণ দিল্লীপ নিশ্চয় কলকাতায় পৌছে গেছে। আজ রাত্রেই নিশ্চয় সে মেল-এ রওনা হবে কাসিয়াঙ। আগামী কাল সকালে সে এসে পৌছে যাবে। উঃ, শকুন্তলার এতো আনন্দ হ'চ্ছে-যে তার বুক কাঁপছে। আগামী কাল যদি একান্তই না আসে তবে পরশু তো নির্ঘাৎ।

পরদিন দিল্লীপ এলোনা। এতে চিন্তার কি আছে? তবে, শকুন্তলার মনটা যেন কেমন একটু খারাপ লাগছে অকারণেই। তার ওপর খেতে ব'সে তার বাবা গল্প করছিলেন, আজ কাগজে নাকি দিয়েছে পাটনার কয়েক স্টেশন পরে ভক্তিরামপুর জংশনের কাছে একটা মালগাড়ীর সঙ্গে পরশু রাত্র প্রায় দশটার সময় পান্জাব মেলের থাকা লেগে ইঞ্জিন-ড্রাইভার মারা গেছে, আর সমুখের বোগিটা

হ'য়েছে চুরমার, চার জন লোক জখম হ'য়েছে গুরুতর। সে বোগিটা নাকি ইন্টার ক্লাসের।

যতই সূচিন্তা করতে যায়, শকুন্তলা যেন ততই হয় হতাশ। নাঃ, এতো সেটিমেন্টাল হ'লে পৃথিবীতে বাস করা মুশ্কিল। আজের দিনটাও তো যাওয়া-যাওয়া হ'য়েছে। আসছে কাল অবশ্যই দিলীপ আসবে। কাল বিকালে হাতে যাতে কোন কাজ না থাকে শকুন্তলা তেমনি বন্দোবস্ত করলো। সে দিলীপের সঙ্গে ছপুর বেলা সেই যে বেরোবে, রাত্রেব আগে আর সে ফিরবে না। তার বুকে আর মুখে অনেক কথা জ'মেছে বলার। যদিও সে জানে—সব কথা বলা তার পক্ষে সম্ভব হবে না, কারোই হয় না। নাঃ, দিলীপেব কিছু হয়নি—শকুন্তলা নিজেকে প্রবোধ দেয়—সে তো আর ইন্টার ক্লাসে চড়ে না, সে তো বরাবরই সেকেণ্ড ক্লাসে আসা যাওয়া করছে। তার ওপর কন্টিনেন্ট থেকে ফিরে এলো—এখন হয়ত ফাস্ট ক্লাসেই চলাফেরা আরম্ভ ক'রেছে। শকুন্তলা তার কুশল প্রার্থনা করছে, তার কিছু হ'তেই পারে না।

পরদিন সকালে উঠে শকুন্তলা বাহদুরকে তটস্থ রাখলো। এক মুহূর্ত সে যেন না চোখের আড়াল হয়। আজ ভয়ানক কাজ আছে।

শকুন্তলা পারে না বাপু আর। ছিঃ! টেবিল ক্লথের ওপর কে যেন কালির ছিট দিয়ে গেছে এরি মধ্যে। দিলীপ কী-যে বলবে তাকে! সন্টার জালায় ভদ্রলোকের কাছে মুখ দেখানো তার হচ্ছে তার। আবার বইগুলোকে এলেমেলো ক'রলো কে? যাক গে। যা হবার হোক। শকুন্তলা এখন স্টেশনে চ'ললো। এতক্ষণও যখন দিলীপ এসে পৌঁছয়নি, তখন, ষোটরে এলোনা, ট্রেনেই আসবে।

শকুন্তলা স্টেশনে এসে উপস্থিত হ'লো। কিন্তু দিলীপ তো এলোনা। নিশ্চয়ি তার তবে অস্থখ বিস্থখ কিছু ক'রেছে। আজ তার আসা উচিত ছিলো। সে আশ্চর্য করতে চায় শকুন্তলাকে, হয়ত তবে কাল পরন্তু হঠাৎ এসে পড়বে! এলেই হ'লো, শকুন্তলা না হয় ইচ্ছে ক'রেই আশ্চর্য হবে। সে আশ্চর্য হ'লে যদি দিলীপেব ভালো লাগে, তবে আশ্চর্য হ'তে তার ক্ষতি কি?

কিন্তু এখন শকুন্তলার বাসায় ফিরে যেতে ইচ্ছে করলো না। তার কাছে বাসা সঞ্জিহীন প্রবাসের মতো মনে হ'লো। অনেকদিন থেকে সে ঘরে আবদ্ধ আছে, আজ একটু সে ঢালু পথে ঘুরে আসবে ব'লে ছোট ছোট পা ফেলে এগোতে লাগলো। ধুবিকোরা পেরিয়ে শকুন্তলার হঠাৎ কেন যেন কান্না পেলো। তার আর এগোতে ইচ্ছে হ'লো না, পিছোতেও ইচ্ছে হ'লো না। রাস্তার ধারে রেলিঙে ভর দিয়ে কিছুক্ষণ দাঁড়িয়ে রইলো।

পাছাবাড়ির রাস্তা ভাঙা-চোরা, অবশ্য সবটুকু নয়, স্টেশন থেকে নামার পথটুকু। নামতে নামতে শকুন্তলার হঠাৎ একী হ'লো? সে হোঁচট খেয়ে প'ড়ে গেলো।—ভয়ানক ভাবে সে পড়ে গেলো। এদিক ওদিক তাকিয়ে উঠতে চেষ্টা ক'রে দেখলো তার পা অবশ, পায়ে অসহ্য ব্যথা। মেয়ে মানুষ ব'লে কোনো পুরুষ এগিয়ে এসে ধরতে পারে না, না ধরলেও উপায় নেই। কোন রকমে আলগোছে ধরাধরি ক'রে তাকে বাসায় এনে ফেলা হ'লো। নিখিলবাবু চীৎকার ক'রে উঠলেন: একি? অ্যা! শাস্ত, শাস্ত! তোর হ'লো কি, মা?

শকুন্তলা অজ্ঞান হ'য়ে যায়নি তবে পা-টা ভেঙে গেছে, নড়ছে! সে তার বাবার মুখের দিকে কাতর চোখে তাকালো। দরজার

কাছে দাঁড়িয়ে মা অকারণে চোখ মুছছেন। শকুন্তলার এতো রাগ ধরছে মায়ের রকম দেখে, সে তার পায়ের অসহ যন্ত্রণা ভুলেও কাহিল গলায় রেগে উঠলো! : কান্নার কি হ'য়েছে, মা ? কাদছো কেন ?

বাহাদুর ব'ললো, দিলীপবাবু মর গিয়া !

মর গিয়া। শকুন্তলা উঠে ব'সতে গেলো। মা-বাবার মুখের দিকে তাকালো, তাঁরা স্থির নিশ্চল হ'য়ে দাঁড়িয়ে আছেন। শকুন্তলা মনে মনে আত্ননাদ ক'রে উঠলে, ভগবান। এ কথা মিথ্যা করো, নিন্দল করো।

জুলিয়েট যেন নাশ এর মুখে টাইবন্টএর মৃত্যু-সংবাদকে রোমিয়োর ভেবে চীৎকার ক'রে উঠছিলো, শকুন্তলাও তেমনি টেঁচিয়ে উঠলো মনে মনে : O, break, my heart! poor bankrupt, break at once! এবং মনে মনে বললো—এ সংবাদও, ভগবান করুন, মিথ্যা হোক! মিথ্যা হোক! মিথ্যা হোক!

শকুন্তলা হঠাৎ ঘুমিয়ে পড়লো। সে কি ? নিখিলবাবু তার মাথায় হাত দিয়ে কাঁপা গলায় ডাকলেন, শাস্ত! শাস্ত! সে কি ? অ্যা, সে কি ?

মা পাশে ব'সে কেঁদে উঠলেন। পাশের বাড়ির লাব-ডেপুটির বৌ কুমড়োর মতো শরীরটা দোলাতে দোলাতে ছুটে এলেন। বাহাদুর কি করবে ভেবে পেলোনা।

—চোখে মুখে জল দাও! নিখিলবাবু টেঁচাতে আরম্ভ করলেন : ডাক্তার ডাকো! শাস্ত, শাস্ত! বাহাদুর।

বাহাদুর এক বালতি জল দিয়ে ছুটে গেলো ডাক্তারের কাছে। নিখিলবাবু অনবরত চোখে জলের ঝাপটা দিতে লাগলেন।

সাব-ডেপুটির বৌ ছানাবড়ার মতো ছুটি চোখ পাকিয়ে শুক হ'য়ে দাঁড়িয়ে রইলেন।

ছুটতে ছুটতে ডাক্তার বাবু এসে দেখলেন—শকুন্তলা মিটমিট ক'রে তাকাচ্ছে। তার চোখের দৃষ্টি শুক।

নিখিলবাবু কাঁপতে কাঁপতে বললেন, পা ভেঙে গেছে ডাক্তার বাবু। একেবারে!

—কৈ, তা তো বললোনা, বললো অজ্ঞান হ'য়ে গেছে। ডাক্তার বাবু কাছে স'রে এলেন!—হ্যাঁ, তাইতো, একুনি ব্যাণ্ডেজ করতে হবে। আমি আসছি ঘুরে।

নিখিলবাবুও পেছন পেছন ছুটলেন, উৎপলকে একটা ফোন করতে হবে একুনি আসার জন্তে।

শকুন্তলা চুপে চুপে জিজ্ঞেস করলো, কে সংবাদ দিলো মা? দিলীপ মারা গেছে?

মা কিছুক্ষণ চুপ ক'রে থেকে ব'ললেন, কাগজে বেরিয়েছে।

—কাগজে বেরিয়েছে? কই, দেখি। শকুন্তলা উঠে ব'সতে গেলো : দাওনা কাগজটা!

—পরে দেখিস! পা-টা আগে বাঁধা হোক! মা স্নেহে ব'ললেন।

—বাঁধতে দেরি আছে, আমার পায়ে যন্ত্রণা নেই, বিশ্বাস করো! বাহাছর, কাগজটা দেতো! শকুন্তলা অম্পষ্ট গলায় ব'ললো।

সংবাদে লিখেছে—দিলীপেন্দু নন্দী নামক একজন যুবক সেই গাড়িতে ছিল। তার মৃত্যু ঘটেছে। তার দেহ সংকারের জন্ত তার পিতামাতার নিকট সংবাদ গেছে, তাঁরা কলকাতায় থাকেন। বহুর বিরুদ্ধিত্তে প্রকাশ, দিলীপেন্দু নাকি দ্বিতীয় শ্রেণীতেই আসিতেছিল, তাহার



বন্ধু ছিল ইন্টারে! প্রতাপগড় স্টেশনে ছুই বন্ধুতে দেখা হয়। দিলীপেন্দু তখন বন্ধুর গাড়িতে উঠিয়া এক সঙ্গেই যাইবে জানায়, কারণ বন্ধুটির সাথে বহু দিন বাদে দেখা। এতে বন্ধুটি তাকে নিষেধ করা ঠিক হইবে সে সেই গাড়িতে আসিয়া ওঠে। দিলীপেন্দু নাকি বাক্সের উপর শুইয়া শুইয়া বন্ধুটির সঙ্গে গল্প করিতেছিল, হঠাৎ কি হইল বন্ধুটি বুঝিতে পারিল না। কিন্তু যখন বুঝিল তখন দিলীপের মৃত্যু ঘটিয়াছে, সে-কামরার আরো তিনজন তখনই মারা গিয়াছে, কেউ কেউ গুরুতর আহত হইয়াছে। বন্ধুটি এখন হাসপাতালে, তাহার ম্যথায় খুব আঘাত লাগিয়াছে। জীবনের কোন আশঙ্কা নাই।...

শকুন্তলা আগাগোড়া সম্পূর্ণ সংবাদ প'ড়ে ফেললো।

ডাক্তারবাবু শকুন্তলার পা টিপে ধরলেন, শকুন্তলা ব'ললো, উঃ!

শকুন্তলা আর একটি কথাও বল'লো না। ডাক্তারবাবু ব্যাণ্ডেজ বেঁধে উঠে গেলেন। ব'ললেন, খুব সহগুণ ব'লতে হবে।

নিখিলবাবু ব'ললেন, হঁ। কোনো আশঙ্কা নেই তো?

—নাঃ, তবে আমার মনে হয় দুটো হাড়ই ভেঙ্গে গেছে। ডাক্তার বাবু একটু ভেবে ব'ললেন, এক্স-রে করানো হয়ত দরকার হবে।

নিখিলবাবু ব'ললেন, তাতে কি? না হয় করাবো!

ঠিক তারপরই উৎপলের মোটর এসে হাজির। নিখিলবাবু বারান্দার উপর ঝাঁড়িয়ে ছিলেন, তাড়াতাড়ি রাস্তায় নেমে এলেন।

উৎপল ব'ললো, কি ব্যাপার?

—প'ড়ে গিয়ে পা ভেঙেছে। একেবারে অজ্ঞান হ'য়ে ম'রে গিয়েছিলো, তারপর জলটল দিয়ে বাঁচাই। তাড়াতাড়ি এখান থেকে এক জনকে ডেকে আনলাম, তিনি পা বেঁধে দিয়ে গেছেন।

—বেঁধে দিয়েছেন, তবে আর কি ?

—না, আমার মশাই বিশ্বাস নেই ও-সব ডাক্তারের ওপর। আপনি রোগী হাতে নিন, যা করার করুন। যেন খোঁড়া না হয়, আর বেঁচে ওঠে।

উৎপল ধীরে ধীরে\* ঘরের মধ্যে এলো। শকুন্তলার চোখের কোণ দিয়ে জল পড়ছে। শকুন্তলার সমস্ত শরীর যেন কেমন করছে। শকুন্তলার নিঃশ্বাস নিতে ভয়ানক কষ্ট বোধ হ'চ্ছে। দিলীপ নেই? সত্যি নেই? তোমাদের কারো এ কথা বিশ্বাস হ'চ্ছে? শকুন্তলা তো কিছুতেই বিশ্বাস করতে পারছে না।

উৎপল জিজ্ঞাসা করলো, ব্যথা লাগে ?

শকুন্তলা একটি নিঃশ্বাস ফেলে ব'ললো, লাগে।

নিখিলবাবু ব'ললেন, এক্স-বে করানোর দরকার হবে ?

—কিছু না ! দরকার হ'লে ক'রে নেবো।

—কলকাতায় নিয়ে যেতে হবে ?

—কেন, আমার কাছেই আছে সব বন্দোবস্ত, ক'রে নেবো।

এঃ, ব্যাণ্ডেজটা একটু টিলে হ'য়েছে,—মহিম ! ও-গুলো নিয়ে এসো।

মহিম বাক্স নিয়ে এলো।

নিখিলবাবু ব'ললেন, ভাগিঙ্গ বলেছিলাম পা ভেঙে গেছে, তাই সঙ্গে নিয়ে আসতে পেরেছেন। নইলে যুক্তি হ'তো তো।

উৎপলের চিকিৎসার আশায়রূপ ফল ফলেছে এবং ফলেছেও। এক সপ্তাহের মধ্যেই শকুন্তলা উঠে ব'সতে পারলো। শকুন্তলার ভেতর নিশ্চয়ি একটা চার্ম আছে, নইলে যে তাকে দেখে সেই কেন তার সঙ্গ-লোভে অস্থির হয় ? এই যে উৎপল, যে এক যুগ্ম

সময় পায় না নিজের কাজ নিয়ে, সে নানাবিধ অভ্যুহাত নিয়ে প্রায়ই এখানে এসে হাজির হ'চ্ছে। সে অভ্যুহাত আর কিছু নয়, উৎপল বলে, পা-টা বাতে না একটু খাটো হ'য়ে যায় এদিকে তার মন দেওয়া বিশেষ দবকার। তাই বলে রোজ ফী নেবে? কি যে বলেন তার ঠিক নেই! এলেই কি টাকা? টাকা নিয়েই কী সম্বন্ধ? উৎপল বড় ঘনিষ্ঠ হ'চ্ছে মনে হ'চ্ছে।

শকুন্তলার বুকের কোথায় ক্ষত আছে উৎপল জানে না। বলে, আর কিছুদিন বাদেই আপনাকে লেখার অমুখতি দেবো, লিখতে না পেরে বড় অসুবিধা হচ্ছে, না? ইনস্পিরেশন একেবারে মাঠে মারা যাচ্ছে। তা, কি বলে গিয়ে, আপনি একটা বিয়ে করুন। বেশি দিন অনূত থাকলে বুকেব অসুখ, মাথার রোগ কিছুই সারবে না, বরং বাড়বে।

শকুন্তলা উৎপলকে ছুকিয়ে একটা নিশ্বাস ত্যাগ করলো। বিয়ে, যাকে সে বিয়ে করবে? দিলীপের অশরীরী আত্মা এখনো যে শকুন্তলার সমস্ত অবসর জুড়ে বিরাজ করছে। শকুন্তলার প্রেম যে কতটা বিযাক্ত সে খবর উৎপল রাখে না। যাকে সে ভালবেসেছে তাকে সে বাঁচিয়ে রাখতে পারে নি। চোখের জলে চোখ কুঞ্জী হয়, দিলীপ কুঞ্জী চোখ ভালোবাসে না, শকুন্তলা সেইজন্য কান্না দমন ক'রে নিজেই দিনে দিনে ক্ষয় করছে।

শকুন্তলা একটা নিশ্বাস ফেলে ব'ললো, আপনিও একটা বিয়ে করলে পারেন।

—বিয়ে? উৎপল কেসুএর ওপর সিগারেটের বাফি দিতে দিতে ব'ললে, পারি বটে, কিন্তু উপযুক্ত মেয়ের অভাব।

—কি রকম মেয়ে চান! শকুন্তলা উৎপলের চোখের দিকে একটু তাকিয়ে নিলো।

উৎপল ঠোঁটের পাশে সিগারেট লাগিয়ে দেশলাই জ্বালতে যাচ্ছিলো, সিগারেট নামিয়ে ব'ললো, যেমন মেয়ে আর কেউ চায় না। ধরুন, অন্ধ খঞ্জ বোবা কালা—যে কোনো এক রকমের। এক কথায় যার খুঁৎ আছে।

শকুন্তলা নিজের পায়ের দিকে একবার তাকালো। তার মুখে কে যেন এক মুঠো সিঁদুর ছুঁড়ে দিয়ে গেলো, আরজিম মুখে শকুন্তলা একটু বিব্রত হ'য়ে পড়লো, ব'ললো, চা খাবেন? কোকো?

উৎপল মাথা নীচু ক'রে ব'ললো, বিয়ে করতে তেমন ইচ্ছে করে না। কেন জানেন? যখন ডাক্তারি পাশ ক'রে ডিস্পেন্সরী দেওয়ার টাকার অভাবে ছ'বছর দারুণ হুশ্চিন্তা নিয়ে হুঃসহ বেকার জীবন বহন ক'রে ফ্যা ফ্যা করে ঘুরে বেড়লাম, তখন কোনো বেটা মেয়ে দিতে আসেনি। এখন, ভগবানের রূপায় একটু দাঁড়িয়েছি। রোজ ঘটক, রোজ মেয়ের বাপ, রোজ চিঠি—জ্বালাতন, জ্বালাতন। বিয়ের এখন কি দরকার বলুন। বেশ সুখে আছি, বিয়ের দরকার ছিল তখন, দরকারি ছিল একটি সঙ্গীর, যে তখনকার দিনে সাহায্য দিতো। এখন কী, এখন হুঃখ নাই, সঙ্গী চাই না। এখন সবার টনক ন'ড়েছে। মেয়ে সুখে থাকবে ব'লে আমার দ্বারস্থ হ'চ্ছে সুবাই। আমি পায়ের ঘাম মাথায় ফেলে (উৎপল নিজের রসিকতায় নিজেই হাসলো) টাকা আনবো, আর তিনি বাস্তবে টাকা পুরে পিঠের ওপর চাবি বাজিয়ে বাজিয়ে দোতলা তিনতলা করবেন। স্বার্থপর, ছুনিয়াটা স্বার্থপর! দুর্দিনে কোথায় ছিলে তোমবা, আজ আমার সুদিনে

বে পাতা পাড়তে এসেছো? স্বার্থপর! উৎপল মুখে সিগারেট দিয়ে আবার ব'ললো, তবে, যে মেয়ের বিয়ে হ'চ্ছে না, আমি তাকে বিয়ে করবো। ব্যাচিলারদের মোহ আমার নেই। চাই বই-কি, সঙ্গী একটা চাই! কিন্তু—

উৎপলের ওপর শকুন্তলার করুণা হল বটে, তবে দিলীপের কথা বার বারই মনে পড়তে লাগলো। দিলীপ ম'রে গেছে, আজো যেন শকুন্তলার বিশ্বাস হয় না। সে যদি স্বচক্ষে তার মৃতদেহ দেখতো—তবু হয়ত সে বিশ্বাস করতে পারতো না।

উৎপল ব'ললো, উঠি আজ, মনের দুঃখে অনেক কথা ব'লে গেলাম, কিছু মনে করবেন না। আর, একটু উঠতে ব'লেছি ব'লে যেন খুব বেশি নড়াচড়া ক'রবেন না। আবাব কিছু মু'ক্কেলে পড়তে হবে তাহ'লে।

হুসু শব্দ ক'বে উৎপলের মোটর ছেড়ে গেলো।

মোটরের শব্দ শুনে নিখিলবাবু ছুটে এলেন, ব'ললেন, উৎপল চলে গেল নাকি? সে কি? এখন যেতে দিলি কেন? তার জন্তে চা, জল-খাবার তৈরী! এ তো ভাল কথা নয়! তাকে যেতে দিলি তুই? ছি ছি ছি! নিখিলবাবু বাইরে বেরিয়ে এসে রাস্তায় উঁকি দিতেই, এই যে, তুমি?

কাবেরী তার কাকার সঙ্গে এসে উপস্থিত।

নিখিলবাবু ব'ললেন, ক'দিন কি হয়েছিলো? একেবারেই আসেন নি?

কাবেরীর কাকা ব'ললেন, মেয়েদের জালুায় কি আর আসার উপায় আছে? তারা শুধু এদিক-ওদিক ঘুরতে চায়, কারো বাসায়

যেতে চায় না। একটিকে কোনো রকমে পাকড়াও ক'রে নিয়ে এলাম, আর একটি গেছে সেন্টমেরুর গির্জায়।

নিখিলবাবু কাবেরীর পিঠে হাত বুলাতে বুলাতে ঘরে নিয়ে এলেন। এখানে কাবেরীর সঙ্গে তাঁর মেয়ে শকুন্তলার সাহিত্য নিয়ে নানা আলোচনা হ'লো। 'কাবেরী আবার একটু-আধটু কবিতা লেখে, কাবেরীর কার্কাই সেটা সহাস্তে প্রকাশ ক'রে দিলেন।

কাবেরী ব'ললে, আপনার অনেক লেখা নানা কাগজে প'ড়েছি। কিন্তু আপনার সঙ্গে পরিচিত হবার ভাগ্য ঘটবে তাবিনি। কাকার মুখে আপনার বিষয় অনেক কথা জিজ্ঞাসা ক'রেছি, কাকা শুধু আপনার ছেলেবেলাকার নানা ছুটুমির গল্পই করতেন। কিন্তু কাকের কোনো কথাই তাঁর কাছ থেকে পাইনি। আড়াল থেকে দিদি দিদিই ব'লেছি, কিন্তু আজ প্রথম আপনাকে সম্মুখে পেলাম। (একটু থেমে শকুন্তলার মুখের দিকে তাকিয়ে থেকে) আচ্ছা, অনেকদিন আপনার লেখা পাচ্ছি না কেন? অসুখ ক'রেছিলো বুঝি? এক 'সুখোদরে' কিছুদিন আগে এই কার্গিয়াও নিয়ে, মেঘের এলো-মেলো গান নিয়ে বেশ জমাট এক গল্প প'ড়েছি। আচ্ছা, দীপককে অমন ভাবে মেরে ফেললেন কেন?

শকুন্তলা কাবেরীর এতো কথার উত্তর দিলো না। কাবেরীর সমস্ত কথা শুনবার মতো মনের অবস্থাও তার নয়। তবে, দীপককে কেন মেরে ফেললো, এ-কথাটা তার বুকে আচমকা একটা আঘাত দিয়ে গেলো। মেরে ফেললো কে? সে কি শকুন্তলা? সে তো মেরে ফেলতে চায়নি, সে তো বাঁচিয়ে রাখার জন্যে আগ্রাণ চেষ্টা ক'রেছে, তবে তার সে দুর্বল প্রার্থনা কেউ মঞ্জুর করেনি।

কাবেরী ব'ললো, বডই ট্রাজিক্ হ'য়েছে। চোখে জল এসে যায়।

শকুন্তলা এতকণে বললো, সত্যি? আমার তাহ'লে লেখার দোষ ব'লতে হবে। কলম সংযত করার মতো শক্তি আমার তা হ'লে নেই। অতটা ট্রাজিক্ তো আমি করতে চাইনি। যাক্গে, এতকণ তো শুধু আমার কথাই ব'ললেন, নিজের কথা একটু বলুন—কবিতা-টবিটা ছ'একটা শোনান! কবিতা লেখার বড সখ, কিম্ব পেরে উঠি না।

—কেন, 'স্বর্ঘ্যোদয়'এ আপনার একটা চমৎকার কবিতা দেখেছি তো!

—চমৎকার? শকুন্তলা হাসলো : ও চমৎকার নয়, চমৎকার জিনিষটা আরো উঁচু দরের।

কাবেরী ব'ললো, নিজের লেখায় আপনার তবে মন ওঠে না?

—না, সত্যিই না। যে দিন মন উঠবে, সেই দিন থেকে হবে আমার সাহিত্যিক জীবনের অধোগতি। আমার লেখা, সত্যই ব'লছি, আমার ভালো লাগে না।

কাবেরী ব'ললো, আপনার লেখা আমার, শুধু আমার কেন, আমাদের সকলেরই চমৎকার লাগে।

—তা হ'লেই হ'লো। শকুন্তলা স্তিমিত হাসি হাসলো : তবে আমার নিজের ভালো লাগার তো কোনো দরকার দেখিনে!

শকুন্তলা আবার করুণ হাসি হাসলো। দিলীপ তার জীবনকে জ্যাতিহীন ক'রে দিয়ে গেছে। সেই জন্তই বলছিলাম শকুন্তলার জীবনে একটি ট্রাজেডি আছে।

## অচেনা বন্ধুর

উৎপলের সেবায়-যত্নে শকুন্তলা সুস্থ হ'য়েছে। কাবেরীর অনুযোগ শকুন্তলার মর্মে মর্মে আঘাত দিচ্ছে। সত্যি, অনেকদিন সে সাহিত্য-জীবন থেকে নির্বাসিত এবং সে-নির্বাসন সে গ্রহণ ক'রেছে স্বেচ্ছায়। স্বেচ্ছায়? না, স্বেচ্ছায় নয়। দিলীপ তাকে গ্রহণ করিয়েছে।

দিলীপ শকুন্তলার জীবনের ট্রাজেডি। শকুন্তলা খোলা জানালা ধবে দাঁড়িয়ে দাঁড়িয়ে চিন্তা করছে, চিন্তা করছে সে অজস্র। আচ্ছা, চিন্তাই কি মানুষের জীবনের প্রধান অবলম্বন? মানুষের জীবনধারণই চিন্তাব জন্তে, না, চিন্তাই জীবনধারণের জন্তে? শকুন্তলাব কাছে আপাততো শোনোক্তটাই যেন প্রযোজ্য হ'য়ে দাঁড়িয়েছে। অবশ্য প্রথমোক্তটাও তার জীবনে খাটে।

শকুন্তলার কত আশা ছিলো। কত ছিলো ভরসা এই দিলীপ। অকস্মাৎ ভগবানের এক মুহূর্তের খেলালে তার বর্তমান, তার ভবিষ্যৎ নিমেষের মধ্যে লোপাট হ'য়ে গেলো। সে ভেবেছিলো, দিলীপ বৈমানিক হ'য়ে ফিরে আসার পর শকুন্তলা তার সঙ্গে কত আনন্দে একদিন আকাশবিহাবে বেরবে! আকাশের অনেক উর্ধ্বে উঠে সে দিলীপের সঙ্গে কত কথা বলবে। কিন্তু সে সব গেলো কোথায়? যেদিন থেকে সে শুনেছে দিলীপ এভিয়েটর হ'তে দূর দেশে যাবে, সেই দিন থেকেই তার মন যেন তাতে সায় দিতে পারেনি। কেবলই তাঁর মনে হ'তো, এর থেকেই তার আব দিলীপের হবে বিচ্ছেদ। বলা যায় না। কতই তো বিপদ হামেশা ঘটছে। কিন্তু তা তো ঘটলোনা। দিলীপ কত বন্ধার সঙ্গে যুদ্ধ করলো। কত প্যারাসুট-লাফ দিলো। অবশেষে কিনা টেন?



ট্রেন-চুখটিনায় তার মৃত্যু ? ঘটনায় যা ঘটে গিয়েছে, বেদনায় তাকে বেঁধে রেখে লাভ নেই সত্য, কিন্তু শকুন্তলা এতো শিগুগির কী ক'রে ভুলে যাবে দিলীপকে ? মহাসমুদ্রের চুরস্তু তরঙ্গের সঙ্গে, মহানদের উচ্ছ্বাস শোভার সঙ্গে যুঝে এসে কিনা ঘাটের পাশাপাশি লেগে নৌকা হ'লো চুরমার ! শকুন্তলার কাছে এ সাযান্ত আক্ষেপের বিষয় নয় নিশ্চয় ।

জানালার কাছ থেকে ফিরে এসে শকুন্তলা সোফার ভেতর ঝুপ ক'রে ব'সে পড়লো । থাক । শকুন্তলা নিশ্বাস ফেললো । বুধা তার এ ছুশ্চিন্তা । যা হবার তা তো হ'য়ে গেছে, না না, শকুন্তলা ভুল ক'রছে, যা হবার নয় তাই হ'য়েছে । শকুন্তলা একটু শুদ্ধ হ'লো । হলদে রঙের বৈকালিক গোল রোদ্দুর দেয়ালে প'ড়ে আছে । শকুন্তলা সেই দিকে চোখ রাখলো । ক্রমশ সে-রোদ হ'লো গোলাপী, ফিকে গোলাপী, অবশেষে ধূসর, শেন-বেণ কালো । শকুন্তলা জানালার দিকে তাকালো, ওঃ ! সন্ধ্যা হ'য়ে গেছে । আজ থেকে, ই্যা, আজ রাত্রি থেকেই শকুন্তলা উপভাস লিখতে আরম্ভ করবে ! সাহিত্যই হোক তার জীবনের সাধনা ।

তৎক্ষণাৎ শকুন্তলাকে আর এক চিন্তা এসে চেপে ধরলো । উৎপলের কথা সে ভাবতে আরম্ভ করলো । উৎপলকে সে স্টাডি করতে চেষ্টা ক'রেছে, পারেনি । উৎপলের মতলবটা কি ? সে কী ব'লতে চায় ? হঠাৎ সেদিন অমন আচমকা বিয়ের কথা তুললো কেন ? তার বিয়ে নিয়ে উৎপলের এতো মাথা ব্যথার কি হ'য়েছে ? সে যদি বিয়ে না-ই করে, যদি কেন, বিয়ে তো সে করবেই না, তাতে উৎপলের কোন ক্ষতি আছে ? নাঃ, উৎপলের মতি-গতি

বিশেষ অবিধের নয়। তার সঙ্গে বেশি মেশা শকুন্তলার ঠিক হ'চ্ছে না। নিখুঁৎ মেয়ে উৎপল বিয়ে করতে চায়না, তবে কি ইসারায়-ইদ্রিতে শকুন্তলার দিকেই আঙুল দেখাচ্ছে? শকুন্তার পা ভেঙে গেছে, বুকের অস্থখ, মাথার যন্ত্রণা, আবার চোথেরো দরকার হ'চ্ছে চশমার। এইগুলোই কি উৎপলের আকর্ষণ? তাবতেও শকুন্তলার কান্না পায়। উৎপল তার ক্ষতের মধ্যে কেন এমন ক'রে খোঁচা দেয়? সে অনুচর থাকবে, নিজেকে লুকিয়ে রাখবে নিজের ভেতর। নিজেকে নিয়েই নিজে থাকবে বিব্রত।

বিয়ে? কি ক'রে সে বিয়ে করবে? যাকে বিয়ে করবে তাকে অধু দেহটি ছেড়ে দিয়ে চোখে ধুলো দেবে কেন? দিলীপ তো তার আন্তরিক যা কিছু সবই হরণ ক'রে সটান নিকরদেশের পথে পাড়ি দিয়েছে!

সেই রাত্রে সত্যি সত্যিই শকুন্তলা উপন্যাসে হাত দিলো। আশ্র-বিশ্বাস তার মোটেই নেই, কেবলি তার মনে হ'চ্ছে— তার এই প্রথম প্রচেষ্টা হয়ত সফল হবে না, হয়ত হবে সে একেবারেই ব্যর্থ। তবু হাল ছেড়ে দিয়ে ব'সে থেকে লাভ নেই, আপ্রাণ চেষ্টা ক'রে সে-রাত্রে সে পুরোপুরি একটি পাতা লিখে ফেললো। টেকনিকের দিক থেকে, সমালোচকদের মতে, শকুন্তলার ভবিষ্যৎ ভালো। অধু এইটুকু ভরসা নিয়ে সে আরম্ভ তো করলো, এখন মর্যাদা রাখতে পারলেই হ'লো। প্রত্যেক অক্ষরে সে ভুলে যেতে চেষ্টা করলো-যে সে নিজের জীবন-কথা লিখছে, লেখা থেকে নিজেকে সে বিচ্ছিন্ন রাখার চেষ্টা করলো। হঠাৎ যখন উচ্ছ্বাস এসে পড়ে, শকুন্তলা তৎক্ষণাৎ কাগজ থেকে

কলম তুলে নিয়ে নিজেকে সবল করতে আরম্ভ করে। কারণ, সে জানে, দৌর্বল্য থেকেই উচ্ছ্বাসের পরিপূর্ণতা।

পরদিন দুপুরবেলা হঠাৎ উৎপল এসে উপস্থিত। শকুন্তলা তখন বাইরের ঘরে বসে লিখছিলো, এই সময় সে নায়িকার কাছ থেকে নায়ককে বিদায় দিচ্ছে, হঠাৎ কিনা উৎপলের মোটরের হর্ন! শকুন্তলা তাড়াতাড়ি দেবাজের মধ্যে কাগজ লুকিয়ে ফেলতে গেলো। কিন্তু ততক্ষণে উৎপল দরজায় থাকা দিয়েছে।

শকুন্তলা বললো, খুলছি।

—খুলুন!

শকুন্তলা দরজা খুললো। উৎপল ঘরে ঢুকেই ব'ললো, A lonely life requires a mate, অসময়ে এসে পড়লাম। দার্জিলিঙটা যিঞ্জিসহর, কিন্তু একটাও সঙ্গী নেই। কেন বলুন তো?

শকুন্তলার মুখ আরক্ত হ'লো। ব'ললো, তাও আমাকেই ব'লতে হবে?

—নিশ্চয়! আপনারা সাহিত্যিক, সবার মনেরি হালচাল জানেন। উৎপল ভুরু টেনে হেসে ব'ললো।

শকুন্তলা খুট ক'রে দেবাজের চাবি ঘুরিয়ে দিলো, ব'ললো, অতটা শক্তি কি আছে?

—আলবৎ আছে, কেন থাকবে না? আপনার একটা ছোট্টো গল্প প'ড়েছিলাম মনে পড়ছে, কোন্ কাগজে মনে নেই যদিও, তাতে আপনি একটি মন-গোমরা মেয়ের মনের কথা এমন স্পষ্ট ক'রে ব'লেছেন, যে আপনার সম্বন্ধে আমার ধারণা একটু উঁচু ধরণের হ'য়ে গেছে। সামনে প্রশংসা আর পেছনে নিন্দা ছ'টোই যদিও অমার্জনীয়

অপরাধ, তবু সেইটুকু অপরাধ না ক'রে পারলাম না। পেছনে যদিও  
নিন্দা করি না। উৎপল চীৎকার ক'রে হেসে উঠলো।

শকুন্তলা ব'ললো, বন্ধন, দাঁড়িয়ে দাঁড়িয়ে—

—তাতে কি? উৎপল একটু পেছনে তাকিয়ে ধীরে ধীরে  
সোকার মধ্যে চেপে ব'সে পড়লো, একটু খেমে ব'ললো, ভয়ভা না  
করে পারছি না, আপনি লিখছিলেন বুঝি, এসে তন্নানক কতি  
করলাম তা'হলে।

শকুন্তলা ব'ললো, হ্যাঁ, লিখছিলাম বটে, তবে কতির কী আছে?  
আজকের দিনই তো লেখার একটিমাত্র দিন নয়! আরো দিন আছে,  
যতদিন আছে পরমায়ু। শকুন্তলা হাসলো।

উৎপল ব'ললো, কি লিখছিলেন?

—সেই যে বলেছিলাম, সেই উপজ্ঞাগটা। কালো মুখের ওপর  
শাদা একটু হাসি টেনে শকুন্তলা ব'ললো।

—ভালো! উৎপল একটু পা দোলালো: কবের মধ্যে  
শেষ হবে আশা করতে পারি? একমাস?—নিশ্চয়। অধৈর্য  
একটু হ'য়েছি বৈ-কি। শেষ হ'লে যে আপনি আমাকে পড়ে  
শোনাবেন।

শকুন্তলা বল'লো, প'ড়ে? কেন? যদি একেবারে ছাপা-বাধাই  
বই দি?

—ওঃ, তবে তো সোনার সোহাগা। প্রকাশক ঠিক হ'য়ে গেছে?  
উৎপল শকুন্তলার দিকে সোজাঅঙ্গি তাকিয়ে ব'ললো।

শকুন্তলা ব'ললো, 'মোটাই না, তবে লেখা হ'য়ে গেলে একবার  
কলকাতায় যাবো, তখনি প্রকাশক ঠিক ক'রে আসবো। অবশ্য

চিঠি-পত্র লিখে আগে থেকেই বন্দোবস্তের অর্ধেকটা ক'রে নেওয়ার ইচ্ছে আছে।

—কলকাতা যাবেন, কোথায় উঠবেন? আমাদের বাগায়—

শকুন্তলা ধীরে ধীরে ব'ললো, ওখানে অম্মার এক মাসীমা থাকেন, সেইখানেই—

—ওঃ, আমি ভেবেছিলাম হোটেল-ফোটেলে বুকি উঠবেন। আপনার মেশোমশাই করেন কি?

—ইনসিওরেন্স কোম্পানীর অর্গানাইজার, একটা কাগজের পরিচালক।

নিখিলবাবু দবজা দিয়ে উঁকি দিচ্ছিলেন, ঘরে ঢুকে বললেন, চমৎকার। ঠিক একুণি ভাবছিলাম, তুমি আসবে।

উৎপল পায়ের ওপর থেকে পা নামিয়ে ব'ললো, ই্যা, এসে পড়লাম। অনেক দিন বাদে আজ একটু ছুটি পেয়েছি। এ-কদিন তো প্রাণের ওপর উঠে খাটতে হ'য়েছে। হঠাৎ এতো রোগী এসে পড়েলা হাতে—

শকুন্তলা ব'ললো, প্রায় পনের দিন আসেননি।

—পনের? তা হবে বোধ'য়। উৎপল হিসাব করার ভাগ না ক'রেই ব'ললো।

নিখিলবাবু ব'ললেন, ব'সো। আবার পালিয়ে যেয়োনা যেন, পালাবার অভ্যাস তো আছে। একটু জলযোগ ক'রে, আরে মুন্সিল, কিছু না! সামান্য একটু মুর্গীর মাংস হ'য়েছে, দুটো লুচি ভেজে দিতে কতক্ষণ? ব'সো, সব সময়ই খাবানা খাবোনা, এ'তো ভালো কথা নয়! ব'সো।

জলযোগান্তে উৎপল উঠলো। না, আর দেবী করা তার পক্ষে অসম্ভব। দার্জিলিং পৌছতে পৌছতেই রাত্তির বেজে যাবে। সেই প্যারালিসিস্‌এর রুগীটার কাছে আজ একবারো যেতে পারেনি, রাত্রে একবার সেখানে তার যেতেই হবে। আর যাওয়া বললেই তো যাওয়া নয়। গেলে দুটি ঘণ্টার ধাক্কা। রুগীর সঙ্গে কথা ব'লে ব'লে তাকে সে স্নহ করার চেষ্টা করে। Cure by Suggestion ব'লে একটা রীতি আছে এ অন্ত্রের, উৎপল উপস্থিত সেই পথ অবলম্বন ক'রেছে। যে রকম রুগী সে হাতে পেয়েছিলো, এখন তো তাকে তার চেয়ে অনেক স্নহ ক'রেছে, এখন দেখা যাক্ !

উৎপলের বিদায় গ্রহণের পর শকুন্তলা দেবরাজ থেকে আসন্ন বিরহ বেদনায় ব্যথিত দুটি নায়ক নায়িকাকে টেনে বের করলো।

শকুন্তলা পড়লো :—

মিহির অনস্থ্যাকে ব'লছে, যদি আমি ফিরে না আসি।

অনস্থ্যা ভারি দু'টো চোখে মিহিরের মুখের দিকে তাকালো, ব'ললো, কেন আসবে না? প্রেম লোভাতুর আমি, আমি তোমায় টেনে আনবো।

পেছন থেকে একটা মোটর আসছিলে, মিহির অনস্থ্যাকে আকর্ষণ করলো। তাকে চুমো খেতে গেলো, কিন্তু বিবেকের নিষেধে মুখ নিলো সরিয়ে। ঠিক সেই সময় আকাশের ভেতর দিয়ে একটা উড়োজাহাজ উড়ে গেলো।

মিহির ব'ললো, ভ্যাগিস্ ! নির্জন রাস্তা পেয়ে তোমার মুখচূষন করতে গিয়েছিলাম, কিন্তু করিনি ভ্যাগিস। তাহলে ওপর থেকে ওরা তো দেখে ফেলতো।

—হাতি। অনস্থায়ী ব'ললো, হাতি! ওরা যেন আমাদের দিকেই তাকিয়ে আছে।

মিহির একটু স্তব্ধ থেকে অনস্থায়ী মুখের দিকে তাকিয়ে থেকে ক্রমশঃই তার মুখের কাছে তার মুখ নিয়ে যেতে—

শকুন্তলার এই পর্যন্ত লেখা ছিলো। কলম ধ'রে একটু ব'সে সে আবার আরম্ভ করলো। আজ রাত্রে মধ্য সে দুটো অধ্যায় শেষ করবেই। পঁচিশটি পরিচ্ছেদে তার এ গ্রন্থ শেষ হবে, শকুন্তলা আশা করে।

কিন্তু মাস দেড়েক পরে যখন শকুন্তলার লেখা শেষ হ'য়ে গেলো, তখন সে দেখলো, সে লিখেছে মাত্র পনেরটি দীর্ঘ অধ্যায়। আংগাগোড়া বার দুই প'ড়ে দেখলো, ছাঁটকাট ও অদলবদল দরকার। আর দিন দশ খাটলেই সে সব সমাধা কবে ফেলবে, কিন্তু এখন প্রকাশক?

দুপুর বেলা ব'সে ব'সে শকুন্তলা কয়েকটি চিঠি লিখলো। কম্পিরাইট সে বিক্রি করবে না, তবে রয়ালটি-বেসিস্‌এ যদি কেউ রাজি থাকে, তবে তাকে জানাতে পারে, সঙ্গে সঙ্গে তারা যেন তাদের টার্মস্‌ জানায়। জ্ঞায্য বোধ হ'লে শকুন্তলা তখনই রাজি হ'য়ে যাবে।

মাস তিনেক গত হ'য়েছে দিলীপের মৃত্যুর পর। অনেকদিন পরে শকুন্তলার আজ আবার দিলীপের কথা মনে পড়ছে। এতো দিন সে যদিও দিলীপকে নিয়েই লিখেছে, তবু তাতে শাস্তি ছাড়া কোনো আঘাত পায়নি। কিন্তু হাতের কাজ হুরিয়ে আসার সঙ্গে সঙ্গে দিলীপ তাকে পেয়ে বসলো।

কয়েকদিন পরে একটি প্রকাশক-অফিস থেকে তার নামে চিঠি এলো। তারা রাজি আছে, তবে একুনি তারা বই চায়। অর্থাৎ ফেরৎ ডাকে সে যেন তার লেখার বাঙালি পাঠিয়ে বাধিত করে, কারণ পুজোর আগেই তারা বই বের করতে চায়, পুজোর বাজারটা তারা ছেড়ে দিতে রাজি নয় নাকি।

শকুন্তলা একটু ভাবিত হ'লো। লেখার তো নকল নেই তার বিশ্বাস ক'রে সে পাঠিয়ে দেবে, কিন্তু যদি মারা যায়। শকুন্তলা কিছুই ঠিক করতে পারলো না। তার আর কোনো বিষয়ে অমত নেই, প্রকাশক সে মনোনীত ক'বেছে মনে মনে, কিন্তু—

কিন্তু আর কি, শকুন্তলা ভালো হ'য়ে ব'সলো। আজ সন্ধ্যায় গাড়ীতেই সে কলকাতায় চ'লে যাক না স্বয়ং। সব বন্দোবস্ত নিজেই ক'রে আসুক। ই্যা, ঠিক! এ বুদ্ধি মন্দ নয়। তবে এতো ভাড়াভাড়া গলে প্রকাশকেরা তার গরজ বুঝে ফেলবে। কয়েকদিন পরেই না-হয় সে যাবে। না, আজই সে যাবে, আজ সন্ধ্যায় গাড়ীতেই! কিন্তু প্রকাশকদের লিখে দিলো, কয়েকদিন পরে সে কলকাতা যাচ্ছে সেখানে গিয়েই সব বন্দোবস্ত করবে। এবং মেশোমশার বাসার ঠিকানা দিয়ে, সেইখানে এক সপ্তাহ বাদে তার সঙ্গে দেখা করতে লিখে দিলো।

নিখিলবাবুকে এ-সংবাদ দেওয়ায় তিনি আনন্দে আত্মহারা হ'লেন, কিন্তু এই অসুস্থ শরীর নিয়ে শকুন্তলাকে একা যেতে দিতে রাজি হলেন না।

শকুন্তলা বললো, শরীর তো আমার একেবারেই সেরে গেছে, বাবা। একা যেতে পারবো না কেন?



—না, না। একা একা যাওয়া যে ভাল কথা নয়। আমি নিজে মত দিতে পারবো না, কোন্‌এ উৎপলের মত্‌ নি আগে। নিখিলবাবু গম্ভীর হ'য়ে ব'ললেন।

—আবার উৎপলবাবু কেন? শকুন্তলা অধীর গলায় ব'ললো।

মা ব'ললেন, ওর শরীর কি ওর থেকে উৎপল বেশি বোঝে?

নিখিলবাবু তেতে ব'ললেন, না, তুমি বেশি বোঝ! যেতে হয়, যাক্‌, আমি নিবেধ করবোনা, তবে সাবধানের মার নেই! বলো তো, আমি না-হয় যাই সঙ্গে। তবে, ওই মেশোমশায় চলবে না, আমার সঙ্গে গেলে লোজা হোটোলে উঠতে হবে।

শকুন্তলা একটু দাঁড়ালো। বললো, তোমার গিয়ে কী দরকার? তার-চে—

নিখিলবাবু রাজি হ'তে বাধ্য হ'লেন। কিন্তু সেই সন্ধ্যাতে শকুন্তলার যাওয়া হ'লোনা। ঠিক হ'লো, আগামী মেল্‌এ সে যাবে। এতে শকুন্তলার রাজি না হওয়ার কোনো কথা নেই। ভালোই হ'লো, আজ রাত্রে সে উপজাসটা আগাগোড়া আর একবার দেখে নিতে পারবে।

পরদিন দুপুরে শকুন্তলা একটি স্ট্রকেণ আর ছোটো একটি হোল্ডল্‌এ বিছানা ও বালিশ এবং টুকিটাকি জিনিষ নিয়ে নিখিলবাবুর সঙ্গে স্টেশনে এসে হাজির হ'লো। বহুদিন আগে, কতদিন তা শকুন্তলা ভুলে যেতে চেষ্টা করক্‌, এমনিই সে এসেছিলো এখানে দিলীপকে ভুলে দেওয়ার জেঙ্গে,—কিন্তু ফিরিয়ে আনার জেঙ্গে তাকে আর আসতে হ'লোনা—আসতে হ'য়েছিলো, কিন্তু ফিরিয়ে নিতে হয়নি।

‘নিখিলবাবুর শুভাশীষ মাথায় বহন ক’রে শকুন্তলা ব’সলো গাড়ীতে। নিখিলবাবু ব’ললেন, বার্ষ রিজার্ভ করা তো হ’লনা।

—না হোক, কোন অসুবিধে হবে না।

শিলিগুড়িতে এসে শকুন্তলা একটু বিপদেই পড়লো। দ্বিতীয় শ্রেণীর সব কয়টা কামরা প্রায় ভর্তি। একটা-তে তো এক অ্যাংলো-পরিবার উঠে কিলকিল খিলখিল করছে। কুলীর সঙ্গে সঙ্গে যেতে যেতে শকুন্তলা ছোট্টো একটা কামরা পেলো। ও-দিকের জানলার ব’সে একটি মেম-সাহেব সিগারেট টানছে। এদিকে একটি সাহেবী পোষাকধারী পুরুষ, বাঙ্গালী ব’লেই তো মনে হ’চ্ছে—যা থাকে বরাত্তে, শকুন্তলা এইটেতেই বসে পড়লো।

ভদ্রলোকটি পায়ের উপর পা তুলে হেলান দিয়ে ব’সে একটা ইংরাজি ম্যাগাজিন পড়ছিলেন। শকুন্তলাকে উঠতে দেখেই পা নামিয়ে একটু ছোট হয়ে ব’সে জায়গা প্রশস্ত ক’রে দিলেন।

শকুন্তলা জিনিষপত্র তুলে নিয়ে কুলীর পরস্পা মিটিয়ে দিয়ে চুপচাপ ব’সলো। মেমসাহেবটি তার মুখের দিকে তাকাচ্ছে, আর পরম তৃপ্তির সঙ্গে সিগারেট টানছে। ভদ্রলোকটিও মাঝে মাঝে শকুন্তলার দিকে তাকাচ্ছেন বই কি। কিন্তু আমরা এখন সেদিকে না তাকালাম। শকুন্তলা চুপচাপ অবলম্বনহীন হ’য়ে খালি হাতে ব’সে থাকতে পারলোনা। সে স্লটকেশ খুলে কতকগুলো মাসিকপত্র টেনে বার করলো।

গাড়ি ছেড়ে দিয়েছে। তিনটি যাত্রী এ-গাড়ীতে, কেউই কারো সঙ্গে কথা বলে না। শকুন্তলা তার নিজের লেখা কতকগুলো পুরোণো গল্প উন্টে পাণ্টে দেখতে লাগলো।

গাঁডি জলপাইগুড়ি পার হ'য়ে চ'লেছে।

ভদ্রলোকটি অনেকক্ষণ থেকেই নিসপিস করছিলেন, এতক্ষণে শকুন্তলার দিকে তাকিয়ে বললেন, If you don't mind, আপনি যাবেন কঙ্গুর ?

শকুন্তলা মাসিকপত্রটি চোখ থেকে নামিয়ে, গলার স্বর একটু মোলায়েম ক'রে বললেন, কলকাতা।

একটু থেমে শকুন্তলা ব'ললো, আর আপনি ?

—আমি ? ভদ্রলোকটি একটু ভালো হ'য়ে ব'সে ব'ললেন : আমিও কলকাতায়ই। আপনি এই শিলিগুড়িতেই থাকেন বোধ'য় ?

—না, আমি কালিয়াঙে থাকি। শকুন্তলা আবার প্রতিপ্রশ্ন করলে : আপনি বুঝি শিলিগুড়িতে থাকেন।

—না, আমি কালিঙ্গ থেকে আসছি। ই্যা, এই বেড়াতেও গিয়েছিলাম, আবার অকটু কাজও ছিলো।

—যদি না কিছু মনে করেন, ভদ্রলোকটি একটু পরে আরম্ভ করলেন : আপনি কি করেন ? কলকাতায় কোনো ইক্সলে মিসট্রেস্ নাকি ?

শকুন্তলা কুণ্ঠিত গলায় ব'ললো, না মিসট্রেস্ নই। একটু-আধটু লিখি।

—লেখেন ? আব একটু অভদ্রতা তা'হলে না ক'রে পারছি না, আপনার নাম—

শকুন্তলা কাঁধের উপর কাপড়টা ভালো ক'রে দিয়ে একটু আড়ষ্ট গলায় বললো, শকুন্তলা সরকার।

ভদ্রলোকটির মুখে একচাপ বিশ্বয় নেমে এলো, চোখ দুটিকে অতিমাত্রায় অস্বাভাবিক ক'রে, সোজা হ'য়ে ব'সে বললেন—  
আপনি ? শকুন্তলা সরকার ? So glad to meet you !

শকুন্তলা আত্মপ্রসাদ যতটা লাভ করলো, তার চেয়ে বেশি হ'লো  
সঙ্কুচিত । আর কোনো উত্তরই সে দিতে পারলো না ।

—আপনার লেখা আমি কিছু কিছু প'ড়েছি, ভদ্রলোকটি ব'লতে  
আরম্ভ করলেন : কিন্তু নাম শুনেছি বেশি আমার বোনের কাছ  
থেকে । সে-ও আবার একটু-আধটু লেখে কি না ! কিন্তু গল্প সে  
লিখতে চেষ্টা করে, পারে না । লেখে শুধু কবিতা ।

—তার নাম কি ? শকুন্তলা অবশেষে জিজ্ঞেস করলো ।

—তরলিকা সোম । শুনেছেন নিশ্চয়ি তার নাম !

শকুন্তলা শোনেনি, ব'ললো, ই্যা, মনে পড়েছে বটে । বই-টাই  
আছে তাঁর ?

—ই্যা, একটা ছেপেছে কিছুদিন হ'লো, কি বলে গিয়ে, ই্যা, তার  
নাম দিয়েছে 'চলিত চম্পক' । আচ্ছা, আমার বোনও এ অম্লযোগ  
করে, আমারো মনে হয়—আপনি বই বের করছেন না কেন ?  
ভদ্রলোকটি গহদয় হুঁরে শকুন্তলাকে ব'ললেন : আপনি তো এ যুগের  
মহিলাসাহিত্যিকের অগ্রণী । বই বের করুন ।

—করবো ইচ্ছে আছে । শকুন্তলা আন্তে আন্তে ব'ললো, পুজোর  
মধ্যেই একটা বেরোবে হয়ত ।

—Is it ? বেশ, বেরোক । পড়ে দেখা যাবে । তরলিকাকে  
আপনার গল্প করবো । সব ব'লবো, উঃ, তার কি আনন্দ হবে যে  
বলবার নয় ।

শকুন্তলা বললো, আপনারা বুঝি কলকাতাতেই থাকেন ?

—না, বাইরে। আমরা হচ্ছি প্রবাসী। আর বলেন কেন !  
আপনি কবে কার্গিরাঙ ফিবছেন ?

—এই, দিন দশ পর।

কলকাতা নেমে তারা ছাড়াছাড়ি হ'লো, শকুন্তলা আব তত্ত্বলোকটি। ওষাঃ। শকুন্তলা তো খুব ভুল ক'রে ফেলেছে, তত্ত্বলোকটির নাম জিজ্ঞাসা করেনি। নাম বা ঠিকানা। এমন চমৎকাব তত্ত্বলোক, আলাপ কবতে আনন্দ লাগে। মুখের ওপব প্রজ্জাব একটা গভীর আভাস আছে। নাঃ, খুব ভুল ক'রেছে শকুন্তলা। এতো বেশি মাত্রায় সে আশ্চর্যপ্রিব হ'য়েছে-যে অস্ত্রের কথা তার মনে থাকে না। খুব অস্ত্রায় হ'য়েছে তার, খুব অস্ত্রায় হ'য়েছে ! তত্ত্বলোকটি কী-যে ভাবলেন তাকে। তবলিকা সোম, তবলিকা সোম, চলিত-চম্পক। শকুন্তলা মনে মনে আঙড়ালো, যাতে না ভুলে যায়।

কলকাতায় কিছু দিন কাটানোর পব সে ফিবে এলো কার্গিরাঙে। সব বন্দোবস্তই সে ক'রে এসেছে, আব তাকে ভাবতে হবে না। পূজোর দিন-পনর আগেই তার বই বেরিয়ে যাবে। মেশোমশাব ওপর সে সব তার দিয়ে এসেছে, কেবল ফাইনাল প্রফ্টা তার কাছে আসবে। বাক্, একটা বই বেব ক'রে অথাব হ'য়ে থাকা বন্দ না।

আবার দিলীপ। শকুন্তলা বড় মুস্থিলেই প'ড়েছে ! নাঃ, তার আর বরদাস্ত হয় না এ ভীষণ যজ্ঞা। \* রাজে স্বপ্নেব মাঝে দিলীপ তাকে তন্নানক বিব্রত. ক'রছে। জেগে বসে থেকেও তার

নিস্তার নাই। প্রতিটি মুহূর্তে দিলীপ! মাস চারেক গত হয়েছে দিলীপের মৃত্যুর পর। এতো দিনেও বিস্মৃতি একটা ভারি যবনিকা ফেলে দিলো না।

তার বাবা-মা দিলীপকে যত তাড়াতাড়ি ভুলে গেছে, সে যদি অত সহসা তাকে ভুলে যেতে পারতো তবে হয়ত সে নিজেকে সোজাগাবতী বলে ভেবে নিতে পারতো। কিন্তু শকুন্তলা এ ও ভেবে দেখেছে, ভুলে যেতে পারলে সে লাভান হ'তো না কখনই।

দিনের পর দিন শকুন্তলা এমনি ভাবেই তার পরমায়ু গুণছে। সেদিন আবার তার বাবার কাছে শুনেছে কাবেরীর দিদি করতোয়া নাকি এই প্রেম ব্যাপার নিয়ে মত্ত এক কেলেঙ্কারি ক'রেছে। সে-সব কথা নাকি অনেক দিন চাপা রাখার চেষ্টা ক'রেছিলেন করতোয়ার কাকা, কিন্তু চাপা কি আব থাকে? নিখিলবাবুর কানে কি না যায়!

এই সব মেয়েদের জবাই করতে ইচ্ছে করে শকুন্তলার। এর নাম তো প্রেম নয়, এ হ'লো ঘোর কামনা, কদর্য হীনতা।

গত রাত্র থেকে ভয়ানক বৃষ্টি হ'চ্ছে। ভাত্তরের মাঝামাঝি সময় কার্গিয়ারে এমন শীত অনেক দিনের মধ্যে পড়েনি। তার ওপর রাত্তর্যর যেখ এসে জড়ো হয়েছে, তাতে শীতটা ধারালো না হ'য়ে হ'য়েছে একটু সাংসেতে! শকুন্তলার ইচ্ছে করছিলো, আলমারী থেকে হীটার নামিয়ে প্রাণে লাগিয়ে দেয়। কিন্তু আবার অত হাঙ্গামা করতে তার ইচ্ছে হ'লো না। কিন্তু শীতও তার করছে ভয়ানক। জান্না দিয়ে ঝিরঝির ঝিরঝির ক'রে যেখ ঢুকছে ধরে। শকুন্তলা জান্না বন্ধ ক'রে দিলো। ভাকলো, বাহাদুর!

—জীউ! বাহাদুর এলো।

শকুন্তলা ব'ললো, বড় শীত করছে, একটু চা খাওয়া তো!—  
ন'লে শকুন্তলা উঠে ভেতরে গেলো। ওঃ, গ্র্যাণ্ড! বাহাদুর বুঝি  
এতোক্ষণ এই আগুন পোয়াছিলো! শকুন্তলা ছোট টুলটি টেনে  
নিষে আগুন পোয়াতে ব'সে গেলো। বাঃ, আগুনের আঁচটা তো  
মন লাগছে না। শকুন্তলা চুপচাপ ব'সে রইলো।

একটু পরে বাহাদুর তাব হাতে একটা খাম দিয়ে গেলো।  
শকুন্তলা ওপরের ঠিকানা পড়লো আগে, তাতে শুধু তার নাম ও  
কাসিয়াঙ লেখা। শকুন্তলা চিঠি খুললো, একি? একি বিস্ত্রী?  
তাব কাছে এ বিস্ত্রী চিঠি কেন? ভালোবাসা জানিয়ে তাকে  
চিঠি? শকুন্তলাব রাগ হলো। হাতের মুঠোয় চিঠি পাকিয়ে সে  
আগুনের মধ্যে ফেলে দিলো। ফেলার সঙ্গে সঙ্গে তার মনে  
হ'লো—কে লিখেছে, কোথেকে লিখেছে, কিছুই তো দেখা হ'লো  
না। তাড়াতাড়ি তুলতে যাবে, কিন্তু ততক্ষণ চিঠিটা জ'লে উঠেছে।

খামের ওপর পোস্টাফিসের ছাপ দেখার চেষ্টা করলো, পারলো  
না। তাও অস্পষ্ট। নাঃ, শকুন্তলা এক এক সময় এমন এক একটা  
কাণ্ড ক'রে বসে যার মাথাঝুঁ নাই! খুব ভালো ক'রে ছাপটি  
সে দেখতে চেষ্টা করলো। ঘরটা যেন অন্ধকার, আলো জ্বল্লে।  
ই্যা, একটু একটু সে বুঝতে পারছে। ছাপটি আছে পার্বতীপুরের।  
ই্যা, পার্বতীপুরই যেন। কে লিখলো তাকে পার্বতীপুর থেকে?  
কই, পার্বতীপুরের কারো সঙ্গে তো তার চেনা-জানা নেই। যাক্গে,  
বাজে জিনিষ ভেবে ভেবে সময় নষ্ট করার কোনো মানে নেই!  
ততক্ষণ ভগবান যে ভগবান, তাকে ভাবলেও কিছুটা লাভ আছে।

শকুন্তলা ভাববে না ভেবেও না ভেবে পারলো না। কে তাকে এমন ভাবে প্রেম-পত্র দিলো? আবার লিখেছে, উত্তর আশা করি। যদিও, উত্তর না পেলে ব্যথিত হবো না। জানি, হঠাৎ কেউ ভালোবাসি ব'ললেই তাতে সাড়া দিতে নেই।

হিঃ, ভাগ্যিস আর কারো হাতে পড়েনি, কী যে মনে করতো তা'হলে। তার কি এতোই অধঃপতন ঘটেছে-যে সে যেখানে সেখানে প্রেম ক'রে ক'রে বেড়াবে? তার নিজের কাছেই-বা তা'হলে সে কি ব'লে জবাব দেবে? এই সেদিন দিলীপ মারা গেলো, এরি মধ্যে দিলীপের স্মৃতির পর্দা ছিঁড়ে সে বাইরে বেরিয়ে আসুবে? এরি মধ্যে ব'লে কি কথা? কোনো দিনই কি সে তা পারবে? সে নিজে তো এ-কথা বিশ্বাস করে না, এখন সাধাবণে যদি বিশ্বাস করে, তার ওপর তার হাত নেই।

কী হীন! কী হীন এই পুরুষ মানুষেরা। জানা নাই, শোনা নাই, পরিচয় নাই, আছে শুধু প্রেম-পত্র। এ তো প্রেম নয়, এ অশ্লীলতা। এ পশুতা।

একটু পরে বাহাদুর শকুন্তলাকে চা দিয়ে গেলো। হোক দুপুর এগারোটা, এখন সে চা-ই খাবে, খাওয়া দাওয়া করতে বাজুক তার ছ'টো। কি হবে তার নিয়ম বেধে চলাফেরা ক'রে? মুখের কাছে কাপ ভুলে শকুন্তলা আবার ব'সলো চূপচাপ। আশ্চর্য, তাকে এ চিঠি দিলো কে? পার্বতীপুরে কে আছে? এখান থেকে পার্বতীপুর বেশি দূর নয় সত্যি, এই তো শিলিগুড়ির কয়েকটা রেল-স্টেশন পরে। সেখানকার কারো সঙ্গেই তো তার কোনোদিন পরিচয় হয়নি, ঘনিষ্ঠতার কথা সে না-হয় বাদই দিলো। যাক,



‘আর’ সে এ নিয়ে মাথা ঘামাবে না। শকুন্তলা ধীরে ধীরে চা খেয়ে নিলো।

পরদিন একগোছা প্রফ এসে পড়লো। ছাপার অক্ষরে নিম্নোক্ত লেখা দেখে উৎফুল্ল হবার দিন তার কেটে গেছে, তবু শকুন্তলার একটু আনন্দ হ’লো বই কি। মিহির আব অননুয়া। আচ্ছা, অননুয়া নামটা সে ব’ললে দেবে নাকি? লোকে তা না হ’লে তাকে ঠাট্টা কবতে পারে। শকুন্তলার নায়িকার নাম অননুয়া হওয়াটা পাঠকের কাছে হাস্যকর হ’বে না তো? হোক গে। শকুন্তলা কাটলো না, আগাগোড়া প্রফ দেখে সে তৃপ্ত হ’লো, ছাপাভুল প্রায় নেই ব’ললেই হয়। যা বা আছে তা ধর্তব্য নয়, তবু শকুন্তলা কেটে শুদ্ধ ক’রে দিলো। এবং বিকালের ডাকেই দিলো কলকাতা পাঠিয়ে। সব জুড়ে বই তার চৌদ্দ সাড়ে-চৌদ্দ ফর্ম্যা হবে, তার তিন ফর্ম্যা সে আজ দেখে পাঠিয়ে দিলো। বড় জোর আর এক মাসের মধ্যে তার বই বেরিয়ে যাবে। কভারের জল্পে অতি আধুনিক রুচি সম্ভবত একটা ডিজাইন দরকার, তা মেশোমশাই তাঁর পত্রিকার আর্টিস্টকে দিয়ে করিয়ে দেবেন ব’লেছেন। শকুন্তলা মেশোমশাইকে মনে মনে ধন্যবাদ না দিয়ে পারলো না।

কিন্তু কী আশ্চর্য। অনেকদিন থেকেই শকুন্তলা ভাবছে, তার কাছে আর প্রফ আসচে না কেন? কিন্তু আজ সশরীরে আনকোঁরা টাটকা একখানা ‘অবধারিত’ ডাকযোগে তার কাছে এসে হাজির হ’লো। শকুন্তলা তাড়াতাড়ি খুললো। উঃ, কি চমৎকার ছাপা। তার নামটা বেশ সুন্দর ছাপা হ’য়েছে কিন্তু। সত্যি, মেশোমশায় টাইপগুলো বেশ পছন্দ ক’রেছেন। আর ব্লক? ওঃ, চমৎকার।

বইয়ের মধ্যে বেশোমশায় একটা চিঠি দিয়েছেন। লিখেছেন পছন্দ হ'লো কি না জানাতে। তাঁর মতে গ্রেট-আপ্‌হাই ক্লাসের হ'য়েছে। আজই তিনি কয়েকটা পত্রিকায় সমালোচনার জন্তে পাঠাচ্ছেন কয়েকটা কপি। প্রকাশকদের মুখ চেয়ে ব'লে থাকলে চলবে না নাকি, নিজের কাজ নিজেরি করা কর্তব্য। আর আসচে কাল ভরুণদের কাণ্ডারী অধ্যাপক চক্রবর্তীর কাছে এক কপি পাঠিয়ে দেবেন সমালোচনার জন্ত। শকুন্তলার কিছু ভাবতে হবে না, নাকে সরষের তেল দিয়ে ঘুমাতে পারে ইত্যাদি।

নিখিলবাবু সমাচার শুনে আনন্দিত হ'লেন, এং ব'ললেন, পাঠাবে না! আলবৎ পাঠাবে। তার স্বার্থ নেই এতে! 'সুৰ্য্যোদয়ের'র জন্তে এবার লেখার তাগাদা দেবে। হ' হ', বড ঘুঘু লোক ও, তোমরা শু চিনলে না।

মা ব'ললেন, বাস্কা, আড়াই টাকা দাম করল।

—ক'রবে না? নিখিলবাবু সগর্বে ব'ললেন: বইয়ের দাম নেই? একি তালতলার উপগ্রাস? হু হু ক'রে কাটবে এ বই! শাস্ত আমার বেঁচে থাক! দে তো আমাকে বইটা, আমি বাজারের দিকেই যাচ্ছি, সবাইকে দেখিয়ে আসি, সন্টার আগে এল্-এম্-এফ্ ডাক্তারটাকে! উৎপলকে আনিয়েছি ব'লে সে দিন আমার মুখের ওপর লম্বা লম্বা কথা বলছিলো। দে!

—আর কেলেঙ্কারি ক'রো না বাবা তুমি! অসহায় কণ্ঠে বললো শকুন্তলা।

নিখিলবাবু দৃঢ় চোখে তাঁকালেন: কেলেঙ্কারি? এতে কেলেঙ্কারির কৈ আছে? এতোটুকু মেয়ে বই লিখতে পারে এ ধারণা তাদের

আছে? টুকু নয় তো? কি? একুশ না মোটে চ'লছে। ব'লবো, চোখের সাম্নে বই ধ'রে ব'লবো—দেখুন মশাই, শুখু গল্পই নয়, বইও সে লিখতে পারে। দে, শান্ত, দে বইটা আমাকে!

শকুন্তলা কিছুতেই দিলো না, তার ওপর মা-ও তার পক্ষ সমর্থন ক'রে নিখিলবাবুর ওপর তোম্বি চালালেন, তাতে নিখিলবাবু রেগে দোতলায় উঠে গেলেন।

দুপুরবেলা সূয়ে সূয়ে শকুন্তলা বইটা পড়লো আগাগোড়া। চমৎকার লিখেছে তো সে! সঙ্কোর অঙ্ককারে ব'সে সে তাবতে লাগলো, মিহিরকে নোকাডুবিতে মেরে ফেলার জায়গায় অতি ঘন হ'য়েছিলো নিশ্চয় তার মনোযোগিতা, বইয়ের সেই জায়গাটি বেশ উৎসেছে।

উৎপল বহুদিন থেকে আসছে না কেন? মাঝে একদিন মাত্র এসে শকুন্তলার বই বেরোচ্ছে শুনে আশ্চর্য প্রকাশ ক'রে সে চ'লে গেছে, তারপর তার আর পাত্তা নেই। আবার বুঝি রোগীর ভিড়ে সে বিব্রত হ'য়ে প'ড়েছে। এখন একবার এলেও তো পারে, 'অবধারিত'-খানা একবার দেখে যাবে না?

পুজোর আর বেশি দেরি নেই। মাত্র কয়েকখানা বড়ো বড়ো কাগজ ছাড়া শকুন্তলা পুজোর সময় আর কোনো কাগজে লেখা পাঠাতে পারেনি। ছোটো ছোটো কাগজের সম্পাদকদের জরুরী চিঠি পাওয়া সত্ত্বেও সে চুপচাপ ব'সে রইলো। গত পুজোর শকুন্তলা মোটেই লিখতে পারেনি, এবার তবু একটু লিখলো। এবার দিলীপ তাকে সম্পূর্ণ অবকাশ দিয়ে গেছে। তাকে নিয়ে আর দুশ্চিন্তা নেই, কেবল আছে একটু ব্যথিত অস্বস্তি।

শকুন্তলার ইচ্ছা ছিলো, পূজোর মধ্যে সে মেন-এ নাযবে। পূজোর আনন্দটুকু সে না-হয় কলকাতাতেই ক'রে আসবে, কিন্তু তার কেন যেন কাসিয়াও ছাড়তে ইচ্ছা করলো না আদৌ। কয়েকটা পত্রিকা তার কাছে এসেছে, কোনোটার কোনোটার আছে তার লেখা, কোনোটার সমালোচনা। অশ্রু, প্রত্যেকটা কাগজ তার বইয়ের যথেষ্ট প্রশংসা ক'রেছে। কিন্তু শকুন্তলা জানে না যে প্রথম প্রহে বেশির ভাগ লেখকই প্রশংসা অর্জন করে, কিন্তু তার দ্বিতীয় প্রহে আর ততটা প্রশংসা পায় না। যাই হোক, শকুন্তলা নিজের লেখা এবং নিজের সমালোচনা প'ড়েই সময় কাটাতে আরম্ভ করলো।

কয়েকদিন আগে উৎপল এসেছিলো। এসে শকুন্তলার বই দেখে গেছে, এবং প্রতিশ্রুতি নিয়ে গেছে, কলকাতা থেকে আরো বই এসে প'ড়লেই সে একখানা চায়! (একটু হেসে) আর যদি শকুন্তলা বলে, তবে সে এক কপি কিনেও নিতে পারে বই-কি!

পূজো কেটে গেলো। শকুন্তলার কাছে সেদিন একখানা চিঠি এলো। শকুন্তলা সেখানা তাড়াতাড়ি খুললো। এ যে তার বইয়ের সমালোচনা! এ কে ভদ্রলোক? ছাপানো প্যাড। তার ডান দিকে The University, Andhra লেখা, বাঁ-দিকে Apurba-krishna Shome! এ অপূর্ব আবার কে? মেশামশায় বুঝি এঁকেও এক কপি পাঠিয়েছেন তা'হলে। শকুন্তলা পড়লো, লিখেছেন :

“অবসারিত” প'ড়লুম। যখন তোমার মুখ থেকে শুনেছিলাম বই বেরোচ্ছে তখন বই সম্বন্ধে যতটা ধারণা ছিলো, তার চেয়ে ধারণা হ'লো আরো উঁচু। মিহিরের আর অনহরার চরিত্র

অতি সুন্দর কুটেছে, তবে নিবারণবার লোকটিকে অত হীন করা হয়ত স্তায়সঙ্গত হয়নি। মিহিরের ঝড় বাধার ক'রে নৌযাত্রা, সে দৃষ্টে তোমার কবি-চিত্তের উজ্জল আভাস পেরেছি। (শকুন্তলা কিছু আশ্চর্য হ'চ্ছে, সে ভেবে পাচ্ছে না এ সমালোচক কে)। কিন্তু তুমি বড়ো নির্ভর, অমন গল্পলা মিহিরকে ঘেরে কেলে তোমার লাভ হ'লো কি? সে বেঁচে থাকলে অননুসার চরিত্র-চিত্র কি অশষ্ট হ'তো? আমার তা মনে হয় না কিন্তু। তোমার লেখা বড় মিষ্টি, এতো মিষ্টি যে অতিরিক্ত মিষ্টি। তোমার ভাষা ও বলার ভঙ্গী তুমি মিষ্ট দিয়ে সুপার-স্ট্রাচুরেট ক'রেছো, ক'রে ভুল ক'রেছো। অত মিষ্টি হ'লে গলার কাছে একটু তেঁতো লাগে। কিন্তু আর একটা জিনিষ আমার আরো ভালো লেগেছে,—তোমার লেখার ব্যাকগ্রাউণ্ডে তুমি মেলাফলি টিউনে একটা কনসার্ট দিয়েছো। আবার ভুল ক'রেছো কোথায় জানো, সেই কনসার্টট মাঝে মাঝে স্টেজের ওপর টেনে এনেছো। যদি না আনতে তা'হলে আরো ভালো হ'তো! আমি সমালোচক নই, শুধু ছেলেদের পড়িয়ে আর তাদের ভুল ধ'রে ধ'রে, ভুল ধরার একটা বদ্-অভ্যাস হ'য়ে গেছে; কিছু মনে ক'রো না!

এবার বলো তো আমি কে? চিনতে পারছো না? অমন হাঁ ক'রে তাকাচ্ছে! সেই শিলিগুড়ি থেকে কলকাতা এক সঙ্গে এলাম মনে নেই? আমি তরলিকা সোমের দাদা। চিনতে পারছো? (শকুন্তলা নিঃশ্বাস ফেললো)।

হয়ত তুমি আমার ওপর চ'টবে। শুধু চ'টবে কেন, চ'টেই আছে! মাহুষের মুড কখন কেমন থাকে বলা কঠিন। আমি

কিছুদিন আগে পার্বতীপুরম্ থেকে তোমাকে একটা চিঠি দিয়েছি, পেয়েছ নিশ্চয়। আমি কিন্তু এবার তোমার চিঠি পাওয়ার সম্পূর্ণ আশা রাখবো। যদি উত্তর না দাও, তবে হুঃখিত হবো নিশ্চয়ি বুঝতে পারছে।

তোমাকে 'তুমি' সম্বোধন ক'রেছি ভুল ক'রে নয়, ইচ্ছে ক'রেই। রাগ ক'রলে কি ক'রবো বলো, স্বভাবই যে আমার অমনি! ভালোবাসা গ্রহণ ক'রো। উত্তর দিয়ে! ইতি—

শকুন্তলা নিশ্বাস ফেললো, এই? কিন্তু আর সে কিছুই ভাবতে পারলো না। বিছানায় শুয়ে প'ড়লো। অপূর্ব তার কাছে থেকে কী চায়? পার্বতীপুরম্, তবে পার্বতীপুর নয়।

তার প্রেমপত্রের খামটি শকুন্তলা সন্মুখে তুলে রেখেছিলো। খামের ওপর উপুড় হ'য়ে প'ড়ে দেখলো, ইয়া, ঠিক, পার্বতীপুরম্ শীল আছে। গাড়ীতে ব'সে এঁ'র সঙ্গে শকুন্তলার ভাব হ'য়েছিলো, 'চলিত-চম্পকে'র কবি তরলিকার দাদা ইনি। ভালো। হঠাৎ এঁকেও যে কবিতায় পেয়ে ব'সলো! প্রফেসারি করছেন, করুন। আবার প্রেম কেন? তা আবার এতো মেয়ে থাকতে শকুন্তলাকে নিয়ে কেন। বুদ্ধিমান লোক তিনি, তাঁর এ মতিভ্রম হওয়ার কারণ কি?

শকুন্তলা এমন ভাবে চিন্তা করছে, আপনারা লক্ষ্য করছেন নিশ্চয়ি, যেন বোকা ছাড়া কেউ প্রেম করে না। অর্থাৎ যে প্রেম করে, তার যেন বুদ্ধির দিক থেকে দোষ আছে। কিন্তু শকুন্তলা পাগল! একদা সে-ও প্রেম ক'রেছে, তার হুঃসহ জের এখনো তাকে টেনে চ'লতে হচ্ছে। তখন, তার সেই প্রেমময় পৃথিবীতে, সে নিশ্চয়ি নিজেকে বুদ্ধিমতী ব'লে চালিয়ে দিয়েছে। শুধু চালিয়েই দেয়নি,

সত্যি তখন বুজির দিক থেকে তার কোনো অনটনই ছিলো না।  
নিজের কাছে তো নয়ই, আপনার আমার কাছেও নয়।

দিলীপ! দিলীপ! দিলীপ! তিনবার শকুন্তলা দিলীপের কাছে  
মার্জনা ভিক্ষা করলো। দিলীপকে সে জীবন ভুলে যাবে না, ভুলে  
যেতে পারবে না,—কেমন ক'রেই বা ভুলবে? দিলীপ তো তার  
জীবনে গোটা গোটা হরফে লেখা হ'য়ে থাকলো। তার 'অবধারিত'-র  
প্রতিটি ছত্রে তো দিলীপ সশরীরে জীবিত হ'য়ে রইলো। যতদিন  
সে জীবিত থাকবে, শুধু সে কেন, যতদিন সাহিত্য জীবিত থাকবে,  
ততদিন দিলীপ মুছে যাবে না। সাশ্রুচোখে, কম্পিত অধরোষ্ঠে  
শকুন্তলা মিনতি ক'রে দিলীপের দয়া ভিক্ষা করছে, সে অমুমতি  
দিক, শুধু আজের জন্তে, আগামী দিনের জন্তে অগ্রিম যাচ'ঞা তার  
নেই, শুধু আজের জন্তে সে অমুমতি দিক অপূর্বকে একটি প্রত্যুত্তর  
দেবার।

শকুন্তলা ধীরে ধীরে লিখলো 'প্রিয়বরেষু,' কেটে দিলো।  
লিখলো 'মাজুবরেষু,' উপযুক্ত সম্বোধন হ'লো না। ধীরে ধীরে  
তা-ও দিলো কেটে। পরম শ্রদ্ধাভাজন? নাঃ, সে কি হয়?  
অনেককণ চিন্তার পর কিছু ঠিক করতে না পেরে, নিজের  
ওপরই ভয়ানক চ'টে গেলো, এবং মরিয়া হ'য়ে লিখলো :

প্রিয় অপূর্ব বাবু,

অপ্রত্যাশিত, পরম অপ্রত্যাশিত আপনার চিঠি, এই সমা-  
লোচনা! আপনার প্রথম চিঠিখানা আমার হস্তগত হওয়ার পর  
ভয়ানক চ'টেছিলাম, অবশ্য কে লিখেছে তা জানতে না পেরে।  
কিন্তু সে-রাগ আমার গেছে। আমার বই আপনি কোথায় পছন্দ

ক'রেছেন কোথায় করেন নি, জেনে বড়ই সন্তোষিত হ'য়েছি! আমার হাত অতিরিক্ত মিষ্টি, এ অলুযোগ আমাকে একাধিকবার একাধিক সমালোচকের কাছে গুনতে হ'য়েছে। কিন্তু একটু জল মিশিয়ে নি কি ক'রে, জানালে সুখী হবো। আমার লেখার পেছনে প্রথম থেকে শেষ পর্যন্ত একটা বেহালা করুণ সুরে ছড় টেনে গেছে, হুবহু এই কথাই অধ্যাপক চক্রবর্তী লিখেছেন 'পরিচয়' পত্রিকায়। বেহালাটার তার ছিঁড়ে ফেলা যায় না? অথবা ছড়টা ভাঙা? নইলে ও-যে কিছুতেই থামতে চায় না! কি করি বলুন তো?

—কি করবে? অল্প থেকে অপূর্ব লিখলো : বড় মুন্সিলের কথা এটা। তোমার জীবনে নিশ্চয় একটা ট্রাজেডি আছে।

সেকি! অপূর্ব কি ক'রে জানলো? সেকি তবে তার লেখার নিজেকে সংযত ক'রতে পারেনি? তাহ'লে এ-যে তার লেখার মস্ত বড় দোষ! নিজের জীবনের কোনো ঘটনাকে কেন্দ্র ক'রে ঘটনা ঘটবার সঙ্গে সঙ্গে লিখতে নেই! আগে গা-গওয়া ক'রে নিয়ে তবেই লেখা উচিত। শকুন্তলা জেনে পাঠালো অপূর্ব এ আবিষ্কার করলো কী করে? তার জীবনে তো কোনো ট্রাজেডি নেই!

—নেই? সে কি? আমার তো বিশ্বাস হয় না। ফেরৎ ডাকে অপূর্ব লিখে পাঠালো, আমার চোখে ধুলো দিতে চেষ্টা ক'রো না, শকুন্তলা! সাইকিক্যাল অ্যানালিসিস্ জীবনে অনেক ক'রেছি! প্রথম যে দিন টেনে তোমাকে দেখলুম, সেই দিনই আঁচ করলুম, তোমার আড়ালে নিশ্চয় কোনো ট্রাজেডি আছে।



এ অবধারিত সত্য। দেখো কাণ্ড, তোমার উপভাসের নামটি ব্যবহার করতে হ'লো দেখছি! বাই হোক, যদি সত্যিই কিছু না থাকে তবে জানবো এতদিন যে লেখা পড়ার বড়াই করেছি, সব মিথ্যা। ট্র্যাজেডি মানে যে স্নধু প্রেম সংক্রান্ত, তা নয়। ধরো, তোমার বাবা, তোমার মা কিংবা তোমার কোনো বন্ধু মারা গেছে কিংবা তোমাকে কোনো প্রকারে আঘাত দিয়েছে।

—তাই বলুন। সে রকম ট্র্যাজেডি নেই কে বললো? কিন্তু কি ক'রে খ'রলেন বলুন তো? শকুন্তলা লিখে পাঠালো।

—তবে? এতো ভুল হবার নয়! অনেক দূর থেকে অপূর্বর চিঠি এলো: সেই ট্রেনে, মাস তিনেক হ'তে চললো, নয়?—সেই ট্রেনে তোমার অতি বিবন্ধ মুখের ওপর কারুণ্যের একটা অস্বাভাবিক ছাপ দেখে হঠাৎ, অতি হঠাৎ আমি তোমাকে ভাবাবেসে ফেললুম। অস্তায় করেছি?

—অস্তায়, কি যে বলেন! যার নাই মাথা, নাই মুণ্ড। জড়িত হাতে শকুন্তলা লিখতে আরম্ভ করলো: ভালোবাসাতে অস্তায় কোথায় জানিনা। যে-সে কি ভালোবাসতে পারে? নিজেই ভেবে দেখুন না! লোকে বলে, যারা ভালোবাসে তাদের মন অতি নরম। আমি তো বলি, মন দৃঢ় না হ'লে ভালোবাসা মুশ্বিল। আপনি কি বলেন?

—ঠিক তাই! একটা কথা, ক্রিস্টমাসএ কলকাতা যাবো। মাসটা আবার পটুপ পড়ে গেল। যাগ গে। মনের মিলেই আয়ল কথা, সংস্কার মেনে আর চলা যায় না। কি বলো? আমি কলকাতার তোমাকে আশা করি? একেবারে হাওড়া স্টেশনে, সেখান থেকে

সটান্ হোটেল। আর চিঠি লিখে হাত ব্যথা করা খার না, একটু সান্নাঙ্গি ব'সে কথা বলার তয়ানক লোভ হ'চ্ছে। আর 'আপনি' যদি লিখবে, তবে তোমার সঙ্গে আর কথা বলবো না! মনে থাকে যেন! আজ শনিবার, আসচে বিহুদবার আমি কলকাতা যাবো', তুমিও নেমে আসচো ক্কা ?

—বেশ, তুমি। তুমি তুমি। হ'লো তো? শকুন্তলা মনে মনে হাসতে হাসতে লিখলো: আমিও কালই রওনা হবো। কার্গিয়ার্ডের ঠিকানায় আর চিঠি দি়ো না। বুঝলে? ভালোবাসা জেনো। ইতি,  
—শুঃ, ম্যাজেস্টিক্ হোটেলেই বন্দোবস্ত হবে।

বাহাদুরকে দিয়ে চিঠি ডাকে পাঠিয়ে দিয়ে শকুন্তলা নির্বাক ব'সে রইলো। একটু পরে ভেতর গিয়ে এ-ঘর ও-ঘর খুঁজলো, নিখিলবাবুকে পেলো না। তা'হলে ওপরে আছেন। কাঠের সিঁড়িতে লপেটার ফট ফট শব্দ করতে করতে শকুন্তলা ওপরে উঠে গেলো।

নিখিলবাবু শীতে জড়োসডো হয়ে সর্বদে র্যাগ জড়িয়ে চুরুট টানছিলেন। শকুন্তলা ভূমিকা না করেই ব'ললো, বাবা, কাল কলকাতা যাবো।

—হঠাৎ ?

—হ্যাঁ, বড্ড শীত প'ড়েছে! অনেকদিন যাইনি! এখানেও একা একা ভালু লাগে না! শকুন্তলা হীটারের হাঁ-মুখের দিকে এগিয়ে গেলো।

নিখিলবাবু একটু ভেবে ব'ললেন, তা-তে আমার আপত্তি কি? যা! তোর মেশোমশার ওখানেই তো উঠবি?

সমাচার শুনে মা বললেন, এখন গিয়ে দয়কার নেই। কয়েক-দিন পরে তো আমরাও যাবো! সাতোই মাঘ অন্নপূর্ণার বিয়ে। এক সঙ্গেই যাওয়া যাবে। তৌর ছোট মাসিমাও ভুয়ে ভুয়ে যেতে লিখেছে। একটি মাত্র মেয়ের বিয়ে, যেতেই হয়! তুই তো আর বিয়ে করবি না, তাদের নিমন্ত্রণ করার ভাগ্যিও আমাদের হবে না। থাক চিরজীবন আইবুড়ে।

—বেশ! শকুন্তলার বুক কেঁপে উঠলো, ব'ললো, বেশ করবো, আমি বাপু অতদিন দেৱী করতে পারবো না তোমাদের জন্তে, আমি কালকেই চলে যাবো!

অনেকদিন বাদে শকুন্তলা আজ একটু গান করছে। মনের ওপর গভীর একটা অবসাদ অনেকদিন থেকে ঘন হয়ে লেগে ছিলো, আজ যেন তা একটু অলগা হ'য়েছে। চাপাসুরে গান করতে করতে শকুন্তলা খাটের তলা থেকে অবস্বে রাখা বড়ো স্কটেকসটি টেনে বের করলো—ছুৎ, ধুলো-বালিতে যাচ্ছেতাই হ'য়েছে। শকুন্তলা তার চান করার তোয়ালে দিয়েই ঝাড়তে আরম্ভ করলো।

যাক্, বাঁচা গেছে। স্কটেকসটির পালিশ নষ্ট হয়ে যারনি। কয়েক-খানা ভালো শাড়ী, ভালো সায়রা, চমৎকার সেমিজ, পাউডার, পাক, স্নো, সেন্ট, চশমার কেস—শকুন্তলা চটপট স্কটেকসে পুরে ফেললো! হোল্ডঅল্ কোনটা নেবে? ছোটটাই ভালো। কবিতার খাতাটা? অ্যাটাচি কেসটা? ওঃ ইয়েস, প্যাড। সব শকুন্তলা বেধে নিলো। আজই তার চ'লে যেতে ইচ্ছে করছে! ভালো লাগছে না বাপু এই পাহাড়। এখনো পুরোপুরি ছাঞ্চিশিট ঝণ্টা দেৱি। তার ওপর ঝণ্টাগুলোও যেন একটু দীর্ঘায় বলে মনে হচ্ছে তার।

বাহার টাকা এনে দিলো। শকুন্তলা নোটগুলো গুণে মনে মনে একটু হিসাব করে নিলো। যাক্ যথেষ্ট কুলিয়ে যাবে। তার ওপর জাহ্নবারীর প্রথম গুণাহেই তো বইয়ের হিসাব পাওয়া যাবে।

পরদিন সকাল হ'লে নিখিলবাবু নীচে নেমে এলেন, আজই যাওয়া ঠিক? আমি তা হ'লে টিকিট কেটে আনি গিয়ে। দরকার কি দেয়ী করে? কাটতেই যখন হবে, আর বাজারের দিকেই যাচ্ছি, তখন আর কি, সেখান থেকে স্টেশন তো হু'মিনিটের রাস্তা।

শকুন্তলা বললো, কাটো তাহ'লে।

কার্সিয়াও থেকে বিকালের গাড়ীতে শকুন্তলা রওনা হ'লো। পরদিন ভোরে কলকাতায় নেবে সে একটু চিন্তা করলো, এখন সে মেশোমশাইয়ের ওখানে যাবে, না, সোজা ম্যাজেস্টিকে রওনা হবে! ভেবে দেখলো, মেশোমশাইর বাসায় ওঠাই ঠিক। বিকালের দিকেই না হয় হোটেলে গিয়ে উঠবে। কিন্তু মাসীমার আদরে আর অন্নপূর্ণার ছেলেমানুষীতে তার আর যাওয়া হ'লো না সেদিন বিকালে। তার ওপর বিষ্মদবারের বার বেলায় যাওয়াও ঠিক না। আসচে সকালে অগ্নীপূর্ণার সঙ্গে একত্রেই সে যাবে, ঠিক হ'লো! কিন্তু তার বেডিং ও স্লটকেস? যাই হোক, একটা বন্দোবস্ত হবেই।

অনেক রাত্র পর্যন্ত শকুন্তলা অন্নপূর্ণার সঙ্গে গল্প করলো। তার পর বিছানায় গেলো। কিন্তু রাত্রি চারটে বাজার সঙ্গে সঙ্গেই ঘুম ভেঙে গেলো। তাড়াতাড়ি উঠে কাপড়টি পরে চুলটি আঁচড়ে শকুন্তলা তৈরি হ'য়ে নিলো। অন্নপূর্ণা স্টোভ জ্বলে দিদিকে চা করে দিলো।

শীতকালের ভোর পাঁচটা বড়ই অন্ধকার! শকুন্তলা একটু দেরি করলো। বড় রাস্তার ট্রামের ঘণ্টা শোনা যেতেই সে বেরিয়ে পড়লো। নাঃ, আর দেরী করা ঠিক নয়। ট্রেনের সময়টাও সঠিক তার জানা নেই।

অন্নপূর্ণা শকুন্তলার সাহসে ভুজ্জিত হ'য়েছে। বাবা, সে তো জীবনে পারবে না এই অন্ধকার রাস্তায়ে একা একা কোথাও যেতে!

ঘুম থেকে উঠে মেশোমশাই তো আশ্চর্য! সে কি? অত ভোরে সে আবার গেল কোথায়? নাঃ, যা সব হ'য়েছে, ব'লে তো যেতে হয়! চা-ফা খেয়ে গেছে তো?

অধু নাকি চাই খেয়েছে, ফা তাব আব খাওয়া হয়নি। মাসিমা একটু রসিকতা করলেন।

কিন্তু শকুন্তলা অনেক বেলা পর্যন্ত এলোনা দেখে মেশোমশায় চিন্তা হ'লো। মাসিমার রসিকতা গেল শুকিয়ে। অন্নপূর্ণা কেবল দরজায় হেলান দিয়ে দাঁড়িয়ে তার বাবা ও মার মুখের দিকে তাকাতে লাগলো। সেও কোনো কথা ব'লতে পারলো না।

মেশোমশাই সোজা হ'য়ে বসে ছিলেন, ক্রমে ক্রমে মাথার হাত্ত দিলেন। অন্নপূর্ণা রাস্তার দিকের জানালায় গিয়ে দাঁড়ালো, মাসিমা ছুই হাঁটু এক সঙ্গে ক'রে দেওয়ালে ঠেস দিয়ে বসলেন।

মাসিমা ব'ললেন, একটু ধোঁজ তো করতে হয়! বেলা বারোটা বেজে গেলো।

—কোথায় ধোঁজ করবো বলো! মেশোমশায় নিরাশ গল্প বললেন।

—তবু বাড়ী থেকে তো বেরোতে হয়! কি বে হ'লো জানি না।

—রাখাল গেল কোথায়?

মাসিমা একটু থেমে বললেন, আজ বড়দিন, তার কলেজে কি কি বলে খেলাধুলা আছে, সেও সকাল বেলা বেরিয়েছে, বোটানিক গার্ডেনে যাবে—সেখানে কিস্ট হবে, আসতে তার সেই রাস্তার।

—ভালো। আমিই তা হলে বেরোই!

মেশোমশায় বেরিয়ে যাবার কিছু পরে কে যেন দরজার কড়া নাড়লো। ওপর থেকে মাসিমা চাকরকে ডেকে ব'ললেন, দেখতো রে, ভূষণ, কে ডাকে!

—শকুন্তলাদি না তো? অন্নপূর্ণা ধুপধাপ করে সিঁড়ি দিয়ে নেমে গেলো! নীচ থেকে চেষ্টিয়ে ব'ললো একটু পর: মা, এদিকে এসো।

—কাঁহা-সে আয়া? অন্নপূর্ণা হিন্দিতে আবস্ত করলো।

—রাইল হোটেল-সে। মাল লেনেকো ওয়াস্তে, মিসিবাবা ভেজা হয়।

অন্নপূর্ণা দেখলো, লোকটির বুকে লাল হুতো দিয়ে ইংরাজিতে রয়্যাল হোটেল লেখা। মাসিমাও এসে পড়লেন, যখন কিছুটা উপলব্ধি করলেন তখন লোকটিকে কিছুকণ অপেক্ষা করতে বললেন।

মেশোমশায় নিরাশ হ'য়ে ফিরে এলেন। কিন্তু বাগায় ফিরে শকুন্তলা মাল দিয়ে দিতে হোটেল থেকে লোক পাঠিয়েছে ও চিঠি দিয়েছে শুনে স্তম্ভিত হলেন। কেন, হোটলে ওঠার মানে? তিনি কি মরে গেছেন? তাঁর এখানে থাকতে শকুন্তলার আপত্তি কি?

একুণি তিনি যাবেন, এবং শকুন্তলাকে ফিরিয়ে আনবেন। বড় টাকা বেশি হ'য়েছে সব !

হোটেলের সিঁড়ি দিয়ে শব্দ করতে করতে তিনি উঠলেন। এবং কোন ঘর জিজ্ঞাসা ক'রে পর্দা তুলেই তিনি স্পাথর হ'য়ে গেলেন এবং তকুণি মাথা নীচু ক'রে যত জোরে উঠেছিলেন তার চেয়ে আন্তে আন্তে নেমে এলেন। বাসায় ফিরে কাউকে তিনি কিছু বললেন না। দারোয়ানটি তখনো বসে ছিলো, তাকে শকুন্তলার খুটকেস বেড়িং দিয়ে দিলেন।

তিনি একবার কাসিয়াঙ যাবেন। আজই। বাসায় কাউকে তিনি কিছুই ব'ললেন না। মাসিমার সহস্র অনুসন্ধিস্থায় তিনি কান করলেন না। কেবল অলস্টার, সোয়েটার, ট্রাউজার ইত্যাদি কয়েকটা শীতের পোষাক নিয়ে পাহাড়ে চ'লে এলেন।

নিখিলবাবু সহাস্তে এগিয়ে এলেন : হঠাৎ তুমি ?

—বেড়াতে। গম্ভীর উত্তর দিলেন মেশোমশায়।

—উহঁ ! নিশ্চয় গুচ রহস্য আছে। বলো তো ভায়া ! মেয়ের বিয়ে দিতে ব'লে বুঝি খুব গম্ভীর হ'চ্ছে, ভায়া !

মেশোমশায় এর কোনো উত্তর দিলেন না, ব'ললেন, শান্ত আমার ওখানে নেই। হোটেলের উঠেছে।

—হেতু !

—বলবেন না ! আমি গিয়ে দেখি, হ্যাঁ, হোটেলের তাকে ফিরিয়ে আনতে গিয়েছিলাম। গিয়ে দেখি—ব'লতেও সঙ্কোচ হয়। যাক্ গে, আমি তাকে আর একটা ছেলেকে দেখি, দেখি তারা দু'জন—যাই হোক আমি আর ব'লতে পারবো না। অধু

এই কথাটি বলার জন্তেই আমি এসেছি। মেসোমশায় মাথা নীচু ক'রে ব'সলেন।

নিখিলবাবু স্তম্ভিত হ'লেন, ব'সলেন, এ-সব কী? বলো ভায়া তুমি! তোমরা তো সমজদার লোক। এই জন্তেই আমি একা একা যেতে দিতে রাকী ছিলাম না। কতবার বারণ করলাম, বুঝলে ভায়া, কিন্তু আমার কথা কে শোনে! তোমরা বিচক্ষণ লোক, তোমরাই বলো।

মা ব'ললেন, তার মানে? আমিই না বারণ ক'রলাম, তুমিই না যেতে দিলে।

—বলো কি? আমি? এই নিখিল সরকার? চুল পেকে পাট হ'লো, ককখনো অমন ভুল করিনি। মেয়েদের আমি কখনোই বিশ্বাস করি না, হোক না সে মেয়ে নিজেরই! নাও, এখন ঠেলা সামলাও তুমি! কি কেলঙ্কারি যে হবে!

—হোক কেলঙ্কারি, আক্কেল হোক! মা দাঁতের ওপর দাঁত রাখলেন!

ঠিক সেই সময় এখান থেকে বহুদূরে হোটেলের ত্রিতলে ব'সে শকুন্তলা অপূর্বর হাতটি হাতের মধ্যে চেপে ধ'রে মনে মনে দিলীপের কাছে কমা চাইছে।



## তৃতীয় অধ্যায় দার্জিলিঙের লতা

উৎপল তার কুগীকে খেলা দিচ্ছে : এই তো, এই তো, এই তো আপনি ভাল হ'য়ে গেছেন। বাঁ-হাতে তাহ'লে জোর পাচ্ছেন ব'লতে হবে। আচ্ছা, এবার আনুন তো ওই অ্যালবামটি। হ্যাঁ, আনুন। ওকি ? শুধু ডান হাত দিয়ে কেন ? বাঁ হাতটাকেও সাহায্য করতে দিন্।

উৎপল ডাক্তার ভালো। দার্জিলিঙে তার প্রসার প্রতিপত্তি উত্তরোত্তর বৃদ্ধি পাচ্ছে। এই প্যারালিসিসের কুগীর পেছনে সে যে-পরিশ্রম ক'রেছে, সেটুকু অল্প পথে চালিত করলে সে এতদিনে এভারেস্টএ উঠে যেতে পারতো। দিনের অধিকাংশ সময় তাকে এখানেই কাটাতে হয়। আবার এমন দিনও গেছে, ভগবান করুন তেমন দিন যেন আর না ফিরে আসে, যখন উৎপলকে সমস্ত রাস্তির কুগীর পাশে ব'সে চুপচাপ কাটাতে হ'য়েছে। না, চুপচাপ ঠিক নয়, কথাও তাকে বলতে হ'য়েছে অল্পস্র। উঃ, সে একদিন গেছে। তখন তো উৎপল করুনাও করতে পারেনি-যে সে এ কুগীকে নিরাময়ের দিকে টেনে আনতে পারবে। সে কী ভীষণ বমি, আর সে কী ভীষণ হাত-পা ছোঁড়া।

কিন্তু আজ উৎপল মনে-মনে আনন্দ বোধ করছে, সে কুগীকে নিয়ে খেলা করছে, ব'লছে, চষমাটা খুলে ফেলুন তো। ওকি, বাঁ-হাতও

লাগান। হাত তো আপনার একটা নয়। আচ্ছা, দাঁড়িয়ে দাঁড়িয়ে এই বইটা এবার একটু পড়ুন তো। **Medicine—Bed-side Medicine**, হোকনা ডাক্তারি বই। ডাক্তারি বই ব'লেই ইংরাজি অক্ষর আপনার কাছে গ্রীক নয়। রিডিং দিতে পারবেন না? দিন।

লতা খিতিয়ে খিতিয়ে পড়তে আরম্ভ করলো। খানিকটা পড়ার পর উৎপল বাধা দিলো, ব'ললো, গ্যাণ্ড, এই তো বেশ পড়তে পারছেন। তবে চষমার আর কী দরকার? আর, বা হাতেও তো রীতিমতো জোর পাচ্ছেন। হঁ হঁ, ব'ললে শুনছি 'না, আর আপনার অন্থ মোটেই নেই। অত বড়ো বইটা বাহাতের ওপর রেখে কেমন করে প'ড়ে গেলেন বলুন তো!

লতার ছোট ভাই দুর্জয়, দুর্জয়ের বোঁ কাবেরী, আর লতাব বোন রেখা ঘরের এখানে ওখানে ছড়িয়ে ছিটিয়ে দাঁড়িয়ে ছিলো। তারা লতার শারীরিক উন্নতিতে মনে মনে অতিমাত্রায় তৃপ্ত হ'লো। দুর্জয় এগিয়ে এসে ব'ললো, আপনার ঝুগী তো প্রায় অলবাইট।

—প্রায় মানে? উৎপল দুর্জয়ের মুখে তাকিয়ে লতার দিবে ফিরলো, ব'ললো সম্পূর্ণ সেরে গেছেন উনি। এখন ঠুকে নিয়ে রাস্তায় রাস্তায় ঘোরা দরকার। বন্ধ-ঘরের বন্ধ-হাওয়ায় ন' থাকাই ভালো। আপনারা এর একটু বন্দোবস্ত করবেন পজিটিভলি।

উৎপল লতাকে ব'ললো, এবার আপনি বসুন, অনেকক্ষণ তে দাঁড়িয়ে আছেন। দিন, চষমাটা আমার হাতে দিন। পাওয়া কষিয়ে দিতে হবে। এখন একটু স্থিতি পাচ্ছেন কিনা, সত্যি কথটা বলুন তো। হঁ হঁ, যতই মাথা নীচু করে থাকুন, জানি,

পেতেই হবে। না হলে এতোদিন এতো খাটলাম তার কি কোনো পুরস্কার নেই? Remuneration নয়, সোজা বাঙলা ভাষায় বাক্য বলে reward।

উৎপলের কথায় রেখা ও কাবেরী দুর্জয়ের মুখের দিকে তাকিয়ে মুখে কাপড় দিয়ে হেসে উঠলো। দুর্জয়ও হাসলো।

উৎপল যেন কিছু বোঝেনি, এইভাবে চোখে কৃত্রিম বিশ্বয় রাখিয়ে ব'ললো, আপনারা হাসছেন?

দুর্জয় আর একটু হেসে ব'ললো, আপনার বাঙলা ভাষা শুনে।

উৎপল উচ্চৈশ্বরে হেসে উঠলো : এই! আচ্ছা, আসি আজ। (লতাকে) আপনি কি বলেন? আবার কাল আসবে', ক্রটিন-মাস্কিক সকাল সাড়ে আটটায়, এখন রাত্তির প্রায় (হাতের ঘড়ি দেখে) ওঃ, নিয়ালি টেনু?

তাড়াতাড়ি টেবিলের ওপর থেকে ফেণ্টহ্যাটটি তুলে নিয়ে মাথায় বসাতে বসাতে ব'ললো : গুড্ নাইট।

লতা স্থিত হাসলো। উৎপলের দিকে চোখ রাখলো, দৃষ্টির আড়ালে যাওয়ার সঙ্গে সঙ্গে লতা একটা দীর্ঘনিঃশ্বাস (স্বস্তিরই হয়ত) ত্যাগ করে পা টান ক'রে শুয়ে পড়লো।

কাবেরী লতার বিছানার কাছে এসে ব'সলো, কপালে হাত বুলিয়ে ব'ললো, এখন আরাম লাগছে,—না?

রেখা ব'ললো, বৌদির যত নাবোস্তা। আরাম না লাগার কী আছে?

কাবেরী একটু অপ্রস্তুত হয়েছিলেন, কিন্তু রেখার ইঙ্গিতপূর্ণ হাসি দেখে সেও হাসলো।

রাস্তায় শব্দ ক'রে উৎপলের মোটর ছেড়ে গেলো।

এখন উৎপলের মনের আনন্দের অস্ত নেই। যে সন্ধ্যা নিয়ে রুগীটি হাতে এসে পড়েছিলো, তা যে উৎপল কাটিয়ে উঠতে পারবে, সত্যি বলতে কি, এ-আশা উৎপলের ছিলো না ব'ললেই হয়। কিন্তু এখন সে আনন্দিত। লতাকে অনেকটা সুস্থ করতে পেরেছে, এতে সে আত্মতৃপ্তি অনুভব করে। এবং সে আত্মতৃপ্তি অনুভব যেন অস্বাভাবিক অতিরিক্ত। এর কারণ আছে।

যে দিন প্রথম উৎপলের ডাক পড়লো লতার 'চিকিৎসার অন্ত, সে দিন উৎপল গিয়ে দেখে রুগী বিছানার ওপর অতিমাত্রায় ছটফট করেছে। কামড়ে, টেনে বিছানা ছিঁড়ে ফেলার চেষ্টা করেছে বিস্তর। জ্ঞান প্রায় নেই ব'ললেই হয়, তবু অস্থিরতার বিরাম নেই। উৎপল ঘরে ঢুকে দেখলো, চার-পাঁচজনে মিলে লতাকে প্রবল বিক্রমে চেপে ধরে আছে। উৎপল বলেছিলো, দিন, আপনারা ছেড়ে দিন—একটু ছটফট করতে দিন না।

লতার বাবা অধীর গলায় ব'ললেন, কিন্তু খুবই যে ছটফট করেছ, ডাক্তারবাবু !

—তা'তে ক্ষতি হবে না, এ ঘরের ভীড় কাইগুলি একটু কমাবেন। মাত্র একজন দু'জন থাকতে পারেন।

বিছানায় লতা উন্টে পাণ্টে যাচ্ছেতাই করেছে, একটু গোঙরাচ্ছে, উৎপল সে দিকে মন দিলো না। সে লতার বাবা মুগাডবাবুর কাছ থেকে পূর্ব ইতিহাস শুনতে আরম্ভ ক'রে দিলো :

—বছর পাঁচ আগে দারুণ টাইফয়েড হয়। তার আগেই পরীক্ষাটা হ'রে গেছে—ইন্টারমিডিয়েট, ই্যা, সারেন পড়তো,

কলকাতায় পড়তো। পরীক্ষা দিয়ে এখানে ফিরে আসার পর একটু অর, তার পরই টাইফয়েড। ছ'তিনটে ক্রাইসিস্ পায় হ'য়ে পয়তাল্লিশ দিনের দিন অরপথ্য করে। পথ্যের পরেও যেন লক্ষ্য করা গেলো, পায়ে উপযুক্ত জোর পাচ্ছে না। শেষ-বেশ, যা আশঙ্কা করা গিয়েছিলো, তাই। বোঝা গেলো, বা অর একটু অবশ। ( লতা এখনও ছটফট করছে, তবে তেজটা একটু কমেছে )।

লতার দিকে তাকিয়ে মৃগাকবাবু ব'লে গেলেন, সুঝাম প্যারালিসিস। হাঁটতে ব'ললে বা-পাটা হেঁচড়ে টেনে নিয়ে যায়, বা-হাতটা ঝুলে থাকে, নড়নড় ক'রে নড়ে। কিন্তু মুখের স্রাব as usual, কোনো ব্যতিক্রম ঘটেনি। আর বলেন কেন দুঃখের কথা, ভেবেছিলাম পরীক্ষা পাশের সংবাদ পেয়েই বিয়েটা দিয়ে দেবো, কিন্তু আমার রুগ্ন মেয়েকে কে এখন বিয়ে করবে বলুন ?

উৎপল মনোযোগ দিয়েই শুনছিলো, বললো, তারপর ?

—তারপর ? মৃগাকবাবু বিছানার দিকে তাকালেন, লতা এখন শান্ত হ'য়েছে, তবে বিড়বিড় করে কি যেন ব'কছে। মৃগাকবাবু ব'ললেন, ওকি, ও অমন ক'রছে কেন ?

—ও কিছু নয়। উৎপল বললো।

লতার মা অর্ধ ঘোমটায় কপাল ঢেকে দরজার কাছে অপেক্ষা ক'রছিলেন, রেখা ছিলো বারান্দায়, আর দুর্জয় এদেশে নেই-ই তখন। মৃগাকবাবুর ব্যবসায় সংক্রান্ত কাজে কলকাতা গেছে, সেখান থেকে শিলিগুড়ি হ'য়ে আসবে কথা আছে, আসার দিনও কেটে গেছে, কিন্তু এখনও এসে পৌছলো না, এও কম চিন্তায় বিষয় নয়। যাই হোক, মৃগরী দেবী—লতার মা—লতার প্রাণ বহুনি শুনে বাঁধ

পায়ের বিছানার কাছে গিয়ে ব'সলেন এবং কপালে হাত দিয়ে ডাকলেন, লতা, লতা ।

উৎপল কুণ্ঠিত গলায় ব'ললো, থাক, ওতে ভয়ের কিছু নেই। এ অল্পখে অমন বকেই থাকে, ওকে ছেড়ে দিন। হ্যাঁ, তারপর ?

মৃগাক্ষবাবু বিছানার দিক থেকে চোখ ফেরালেন, উৎপলের দিকে তাকিয়ে ব'ললেন, তারপর হঠাৎ আজ এই উপসর্গ এসে জুটলো। কিছু ভয়ের নেই তো ?

—ভয় ? উৎপল নড়ে ব'ললো : নাঃ, ভাববেন না। এ কি, এখনো বিশেষ খারাপের দিকে যায়নি তো।

উৎপল উঠলো, লতার কাছে গেলো, লতার বাঁ হাতটি আঁশে টেনে নিয়ে নাড়ী দেখলো—দ্রুততা একটু বেড়ে গেছে যেন, ও বাড়বেই। উৎপল বাহত তো নয়-ই, মনে মনেও ঘাবড়ালো না। কিছুক্ষণ নাড়ী দেখার পর সে হাত ছেড়ে দিলো।

মৃগাক্ষবাবু বিপন্ন গলায় ব'ললেন, কেমন বুঝলেন ?

উৎপল স্টেথেস্কোপ কানে লাগাতে লাগাতে ব'ললো, কিছু নয়, ঠিক আছেন। একটু চিৎ করে শুইয়ে দিন এঁকে। বুকটা দেখবো।

মৃগ্ময়ী এগিয়ে এলেন, রেখাও আর বারান্দায় দাঁড়িয়ে থাকতে পারলো না। লতাকে চিৎ ক'রে শুইয়ে মৃগ্ময়ী দেবী কাপড় সরাজিলেন, উৎপল ব'ললো, দরকার হবে না, থাক না কাপড়। —ব'লে লঙ-চের্টপিস্ লাগিয়ে বুক থেকে নিজে থেকে অনেকটা দূরে রেখে পরীক্ষা শুরু করলো।

খুব দ্রুত একটা 'জুতোর শব্দ শুনে রেখা দরজার কাছ পর্যন্ত এগিয়ে গেলো, ব'ললো, দাদা এসেছে, মা।

দুর্জয় এসেছে। কলকাতার কাজ সেরে, শিলিগুড়ি হয়ে আসতে আসতে কার্গিয়ারাঙে সে আটক পড়ে যায়, যদিও সে-কথা সে গোপন রেখেছে। বিল্ডাট কম? প্রেমও একটা বিল্ডাটই বটে। কার্গিয়ারাঙে করতোয়াদের ওখানে কিছু দিন বাস ক'রে, তার সঙ্গে বন্ধুত্ব স্থাপন ক'রে তার শিকড় সেইখানেই গজিয়ে গিয়েছিলো প্রায়, কিন্তু হঠাৎ আজ তাকে এসে পড়তে হলো অকারণে, এসে তো দেখে এই ব্যাপার।

—বুক কেমন পদখলেন? মৃগাক্ষবাবু শঙ্কিত চোখে তাকিয়ে প্রশ্ন করলেন।

স্টেথেস্কোপ খুলতে খুলতে উৎপল বললো, না, বুক ঠিক আছে।

সবই যখন ঠিক আছে, তখন ভয়ের কিছু নেই হয়ত। মৃগাক্ষবাবু মনে মনে ভাবলেন। দুর্জয় তার বাবার পিছনে দাঁড়িয়ে স্তম্ভিত দুটো চোখ দিয়ে লতার দিকে তাকিয়ে আছে।

মৃগাক্ষবাবু জিজ্ঞেস করলেন, মেল্‌এ এলি?

—না, মোটরে। দুর্জয় লতার দিকে তাকিয়েই জবাব দিলো।

—হ্যাঁ, ডাক্তারবাবু! মৃগাক্ষবাবু এগিয়ে গেলেন : চোখেরও একটু ডিফেক্ট হ'য়েছে। প্রায় দেখতে পায় না বললেই হয়। না, এক চোখে, বা-টায়।

উৎপল দুটো আঙুল দিয়ে লতার চোখ টেনে ধরলো, একটু ডায়লেটেড হ'য়েছে দেখছি!

—তার মানে? অন্ধ হ'য়ে গেছে নাকি?

—কী যে বলেন? উৎপল হাসলো : চোখের মনিটা একটু বড়ো হ'য়ে গেছে! ভিশন রেসটোরড নিশ্চয়ই হবে।

—আশীর্বাদ করুন, আশীর্বাদ করুন ।

এই রকম গোলযোগের মধ্যে কয়েকদিন কেটে গেলো । দুর্ভর্য অল্প কয়েকদিনের কড়ার করে কার্গিলাও থেকে—করতোয়ার কাছ থেকে—এখানে এসে আর কোনো সংবাদই দিতে পারলো না, না বা নিতে ।

উৎপল ব'ললো, ব্লাড্‌প্রেশার বেড়েছে ।

লতা এখন উঠে ব'সছে । উৎপল তাকে একটা উঁচু চেয়ারে পা ঝুলিয়ে ব'সতে ব'ললো । সে এখন তার নী-জার্ক ও এলবো-জার্ক দেখবে । অনেকক্ষণ ধরে হাঁটু আর কছুই পিটে পিটে সে দেখলো, জার্ক একটু ব্রিস্‌ক্‌ই পাচ্ছে । আরো দেখলো, হাত ও পায়ের মাংসপেশী ক্ষয়িষ্ণু নয়, এ-ও ভরসার কথা, কিন্তু রীতিমতো হাইপারটোনিঙ্ । তার ওপর কাক মাংসল্‌এর হাইপারটোনিসিটি যেন একটু বেশি ।

উৎপল ব'ললো, আচ্ছা, হঠাৎ কোনো শক্ পেয়েছেন ইনি অল্পদিনের মধ্যে ?

মৃগাক্ষবাবু মৃগয়ী দেবীর দিকে তাকালেন, একটু ভেবে ব'ললেন— সে রকম শক্ তো কিছু নয়, তবে দিন পনের আগে ওর এক খুড়তুতো বোন মারা গেছে ।

—এখানে ?

—না, মৃসৌরীতে ।

—তার সঙ্গে এর খুবই ভাব ছিলো, নয় ?

—তা, মৃগাক্ষবাবু ব'ললেন, এক সঙ্গে যখন ছিলো, তখন তা একটু ছিলো বৈ কি ।



উৎপল ব'ললো, চিং হ'য়ে গুরে পড়ুন তো। আচ্ছা, বুকের ওপর ছোটো হাত রাখুন। বেশ, এবার ধীরে ধীরে উঠে বসতে চেষ্টা করুন তো। হ্যাঁ, ঐ অবস্থাতেই।

লতা উঠে বসতে চেষ্টা করলো। উৎপল লক্ষ্য করলো, লতার বা-  
পা-টি অসাড হ'য়ে প'ড়ে রইলো বিছানার ওপর। কিন্তু ডান-পা  
একটু ওপর দিকে উঠলো।

উৎপলের যত কিছু যন্ত্রপাতি আছে সবই নিয়ে এসেছে, কারণ  
ওষুধ দিয়েও যেমন রুগীকে সুস্থ করা যায়, যন্ত্রপাতি দেখিয়েও  
তা করা যায় বইকি। উৎপল চিন্তা কবে দেখেছে—রুগীর  
মনের ওপর এমন একটা ছাপ দেওয়া দরকার যাতে সে  
বুঝতে পারে, ডাক্তার তার জন্তে যথেষ্ট করছে। তার ওপর,  
এ-রোগের যখন কোনো ওষুধই নেই বলতে গেলে। কেবল  
স্ট্রিক্টকিনি আর ব্রোমাইড্ মিশিয়ে একটু একটু টনিকপোছের ওষুধ।  
রুগীকে বুঝতে দিতে হবে, যন্ত্রপাতি না দেখিয়ে সেইজন্তে উৎপলের উপায়  
নেই। সবগুলো যন্ত্র টেবিলের ওপর ঢেলে পর পর এক একটা সে  
লতার দেহের নানাস্থানে নানাবাবে সংযোগ করতে লাগলো।  
উৎপলের মনে হ'চ্ছে, অবশ্য জোর গলায় সে বলতে পারবে না,  
তার মনে হচ্ছে, এ যেন হিস্টেরিক্যাল প্যারালিসিস্। যদি সত্যিই  
তা হয়, তবে ভয় নেই মোটেই। ডাক্তারী শাস্ত্রে বলে,  
তেমন হবার হ'লে যেমন হঠাৎ আক্রান্ত হয় তেমনি হঠাৎই  
সেরে যায় এ অসুখ। কিন্তু শাস্ত্রের ওপর সব সময় বিশ্বাস করা  
চলে না, অন্ততঃ উৎপল তো করে না। শাস্ত্রকার বলেই  
যে তাঁর ভুল হবে না, এমন কী কথা আছে?

দিনের পর দিন অতিবাহিত হচ্ছে, কিন্তু উৎপল লতাকে সম্পূর্ণ আরোগ্য করতে এখনো পারেনি। একান্ত সে মর্মান্বিত। কিন্তু সে দেখছে, মাস্‌ল এর হাইপারটোনিসিটি কমছে এবং ইলেকট্রিক রি-অ্যাকশনও নরম্যান্‌। এতে সে মনে মনে আশাবি্ত, কিন্তু মনে মনে জ্ব্ব নয়। লতার ওপর তার আকর্ষণ বাড়ছে, লতার জন্তে তার দিনের অধিকাংশ কেটে যাচ্ছে চিন্তায় চিন্তায়। এর হেতু কি? তা উৎপলই সঠিক খবর রাখে না হয়ত'।

লতাকে হাতে নেওয়ার পর অনেকদিন গত হয়েছে। ইতিমধ্যে পৃথিবীর অদল-বদল হ'য়ে গেছে অনেক কিছু। সাহিত্যিক শকুন্তলা সরকারকে সে চিকিৎসা করেছে, সে-শকুন্তলা নাকি বিয়ে করে বসেছে অন্ধুপ্রবাসী কোন্‌ এক প্রফেসার সোমকে।

দুর্জয়ের জীবনেবো পরিবর্তন ঘটেছে ইতিমধ্যে। তার জীবনের রথচক্র ঘুরে অনেক কিছু হ'য়ে গেছে ওলট্‌-পালোট। যে-করতোয়াকে সে ভালোবেসেছিলো, একদিন অতি হঠাৎ দুর্জয় তাকে খুঁজতে গিয়ে তার কোন পাস্তাই পেলো না, শুনলো—সে সেই রাত্রেই কোথায় যে উধাও হয়ে গেছে কেউ সে খবর রাখে না। শেষ-বেশ, ভাবতেও দুর্জয়ের হাসি পায়, তাকে কিনা নিজের মনের সম্পূর্ণ সম্মতি-সহকারে করতোয়ার ছোট-বোন কাবেরীকে বিয়ে করতে হলো।

কিন্তু সে ইতিহাস পুরানো হ'য়ে গেছে। করতোয়াকে দুর্জয় ভুলে গেছে তার হীনতার জন্তে, আত্মিক দীনতার জন্তে। কিন্তু কাবেরী তার দিদিকে 'ভুলতে কেন যে-পারেনি তার কারণ অজ্ঞ। আপনারা সে বৃত্তান্ত আর নতুন ক'রে জানতে চাইবেন না।

পার্বতীর্জন ঘটেনি শুধু উৎপলের, শুধু লতার। পাশাপাশি হুঁটো শাখানদীর মতো তারা ছজন ধোঁলাধোঁসি ব'য়ে চ'লেছে।

উৎপল লতাকে উপদেশ দিচ্ছে, বলছে, সর্বদা কোনো একটা কাজ নিয়ে থাকতে, কখনই চুপচাপ ব'সে না থাকতে। যে কোনো একটা কাজ, যাতে দুটি হাত চালিত হওয়ার প্রয়োজন এবং দুটি পা।

উৎপল আর লতা ঘরে ব'সে কথা বলছে, রেখা কাবেরীর হ'য়ে ঘর থেকে চুর্জয়ের, সিগারেটের টিনটি নিয়ে গেলো। রেখার সব চেয়ে ছোট ভাই বাদল রেখাকে ব'লছে, আমার হাতে দাও, আমি দিয়ে আসি।

এই। উৎপলের মাথায় বুদ্ধি এসে গেলো, ব'ললো, রেখাদেবী একটু আসবেন তো এদিকে।

রেখা এলো। উৎপল ব'ললো, এক কাজ করুন। বাদলকে সর্বদা এই ঘরে রাখুন, আর খুব হরতপনা করতে দিন, আর লতাদেবীর ওপর তার দিন, ওকে সামলাবার। রাজি? কি বলেন, লতাদেবী? এই, এমনি করলেই আপনাব হাতের আর পায়ের কাজ করা হবে। বাদল, শোনো।

বাদল দরজার কাছে দাঁড়িয়ে ছিলো, কাছে এলো।

উৎপল ব'ললো তোমার এই দিদিটিকে কি দিদি বলে ডাকো? বড়দি? আচ্ছা, এই বড়দিকে খুব জ্বালাতন ক'রতে পারবে? সব সময় এটা ধরে টানবে, ওটা ধরে টানবে, মাঝে মাঝে যদি পারো তবে তোমার বড়দির চুলের মুঠি ধরেও।—ব'লে উৎপল হেসে উঠলো।

লতা মাথা নীচু ক'রে কঁকড়ে ব'ললো। রেখা বললো, যে ছরস্ক  
হেলে, বলে দিতে হবে না, তা ও খুঁই পারবে।

বাদল ব'ললো, বেশ, পারবোই তো।

—ইয়েস, এই তো চাই! উৎপল ব'ললো : কিন্তু তোমার  
মেজদিকে নয়, বড়দিকে।

লতা মাথা নীচু করে একটু হাসলো।

উৎপল ব'ললো, হাসি নয়! সিরিয়াসলি নিন্। দেখুন না, ক্রমে  
ক্রমে আমি আপনার ওপব নতুন নতুন কাজের ভার দিচ্ছি। ঘরের  
ঝুল ঝাড়ে কে?—মতিলাল? না, এ ঘব চাকর ঝাড়বে না, আপনার  
ঝাড়তে হবে। স্নুধু ঝাড়তে হবে না, সব সময় পরিষ্কার পরিচ্ছন্ন  
রাখতে হবে। বইয়ের সেল্ফ গোছাবেন, আর বাদল, তুমি সব  
অগোছালো ক'বে দেবে। পাববে?

বাদল ঘাড় অনেকটা কাৎ করে দিলো, বললো, আমিই তো করি—

—থ্যাঙ্ক্যু! উৎপল সজোবে হেসে উঠলো!—কে, দুর্জয় বাবু যে  
আসুন!

দুর্জয় এলো।

। আফিস থেকে ফিরলেন বুঝি এইমাত্র?

—না। দুর্জয় সিগারেট টান দিয়ে ব'ললো, একটু আগে  
ফিরেছি।

—কলকাতায় বদলি টদলি করবে নাকি লয়েডস্?

—ব্যাকের কথা, করলেই হ'লো। . কর্তাদের মজি। মাস দুই  
তো হলো ঢুকেছি, আরো চার মাস প্রবাসনার, তারপর তো।  
নিন্, সিগারেট খান। দুর্জয় টিন খুলে ব'ললো উৎপলের সামনে।

সিগারেট ধরাতে ধরাতে উৎপল বললো, বাদলকে তো খুব ছুরঙ্গপনা করতে বলে দিলাম।

—ছুরঙ্গপনার কথা বলে দিতে হবে না, নিজেই যথেষ্ট জানে।  
ছুরঙ্গ বাদলের দিকে তাকালো। বাদল নিরীহের মতো তাকালো  
উৎপলের মুখে।

উৎপল বললো, নাঃ, বাদল লম্বী ছেলে। তবে, একটু আধটু  
যা ছুঁছুম্বী ক'রে ফেলে হঠাৎ। না বাদল? ভালো কথা, লতা-  
দেবীকে একটু খোঁচা হাওয়ায় বেড়াতে নিয়ে যাওয়ার কথা  
বলেছিলাম, তার কি করলেন?

—রোজই ভাবছি আজ যাবো, কাল যাবো, কিন্তু অফিস থেকে  
কিরে আর যাওয়াই হয়ে উঠছে না। ছুরঙ্গ বললো।

—বেশ, সকাল বেলা, খুব ভোরের দিকে।

—তা বরং সম্ভব বটে। বড় কুড়ে হয়ে যাচ্ছি দিন দিন, এর  
কোনো প্রতিকার আছে আপনাদের শাস্ত্রে? সহাস্য মুখে বললো  
ছুরঙ্গ।

—আছে বৈ কি! উৎপল বললো, ভেতরে একটা প্রেরণা চাই।  
এই নিম্ন লতাদেবী আপনার চষমা। ছুরঙ্গ পকেট থেকে কেস  
বের করলো : কথায় কথায় দিতে ভুল হ'য়ে গেছে। পাওয়ার একটু  
বদলে দিলাম।

মৃগাকবাবু ঘরে এলেন : কি, ডাক্তারবাবু এসে গেছেন?

—অনেকক্ষণ তো! উৎপল ভালো হ'য়ে বললো।

ছুরঙ্গ ভাড়াভাড়ি সিগারেট মেঝের কোণে জুতো দিয়ে চেপে  
ব'য়ে উঠে দাঁড়ালো।

—কেমন দেখছেন বলুন! যুগাক্ষবাবু উৎপলের ঘনিষ্ঠ হয়ে দাঁড়ালেন।

উৎপল একটু ধেমে ব'ললো, আমি তো দেখছি স্রুতি চমৎকার! সেয়ে গেছেনই ব'লতে হবে। তবে একটু মর্নিং কিংবা ইন্ডিনিং ওয়াক্ দরকার। কোন্ড-বাথ রেগুলার চ'লছে নিশ্চয়ই? কিন্তু একটা কথা, এখন একটু যেন অনিয়ম না হয়, আবার রিল্যাপ্স ক'রে গেলেই যুঁজিল। কোন্ড-বাথ কন্টিনিউ করুন, তবে মাঝে মাঝে hot sitz bath দরকার। এগুলোর দিকে লক্ষ্য রাখবেন। চিন্তার তো আর কিছু নেই।

—তা ঠিক, সারিয়ে তো তুলেছেনই ব'লতে হবে! ভালো কথা, আপনার বিল্ তো আজো পেলুম না। যুগাক্ষবাবু যেন টাকা ট্যাঁকে গুঁজে তৈরী আছেন, এমনি ভাব দেখালেন।

উৎপল ব'ললো, এসে পড়বে নিশ্চয়ই। কারমিনেটিভ মিস্ত্রচার ঠিক মতো খাচ্ছেন তো, লতা দেবী? বাওয়েলের কোনো রকম গোলোযোগ নেই? শুভ্! এই তো, আর পনের দিন পরেই আপনি ছুটোছুটি করতে চাইবেন। বাদল, যা ব'ললাম মনে রেখো। এখন আমি উঠি।

যুগাক্ষবাবু বাদলের মাথায় হাত দিয়ে ব'ললেন, কি ব'লে গেলেন, ডাক্তারবাবু।

বাদল ছুঁজয়ের দিকে তাকালো। একটি মাত্র প্রাণী হচ্ছে ছুঁজর, যাকে দেখে বাদল ভয় করে। ছুঁজরের দিকে তাকিয়ে সে চুপ ক'রে রইলো।

উৎপল কিরে তাকিয়ে ব'ললো, খুব হরতপনা করতে ব'লে গেলাম।

—ভালো বুদ্ধি দিয়ে গেলেন। যুগাক্ষবাবু হাসলেন: এন্ডিরো-  
রেন্স ছুইমির যদি কম্পিটিশন হয়, তব্বে বাদল নির্বাং ফাস্ট।

হো-হো ক'রে হেসে উঠে উৎপল সিঁড়ি দিয়ে নামতে আরম্ভ  
করলো।

পরদিন ভোরে দুর্জয় লতাকে নিয়ে বেরুলো, রেখা ও কাকেরীও  
তাদের সহগামিনী হ'লো। মিউনিসিপ্যাল মার্কেটের গা ধ'রে  
ভারা ওপরে উঠে ম্যানের দিকে যাত্রা করলো। সকালে বাতাসটি  
মন্দ লাগছে না তাদের। তাদের আজ হঠাৎ খেয়াল হ'লো, তোয়ের  
বাতাস যদি এতো স্নান, তবে কেন তারা রোজ রোজ বেরোয় না, এমন  
বাতাসকে বাইরে ফেলে তারা ঘরে দরজা বন্ধ করে কেন? গভর্ণমেন্ট  
হাউসের পাশ দিয়ে খানিকটা এগিয়ে নামহীন কুল আর লতা-  
বিতানের তলা দিয়ে খুঁটানদের গোরস্থান বায়ে রেখে পেছনে  
ম্যান রেখে তারা ঢালু পথে যাত্রা করলো। চমৎকার আনন্দ  
লাগছে তাদের। হীল-কার্ট রোড এ প'ড়ে তারা পেছনে ঘুরলো,  
যত ভোরে তারা রওনা হয়েছিলো সে ভোর এখন বৃদ্ধ সর্দার  
পরিণত হ'য়েছে। এখান থেকে স্টেশন পর্যন্ত যেতে এখনো মিনিট  
কুড়ি।

দুর্জয় ব'ললো, লতা, হাঁটতে পারছিস্ ?

লতা ব'ললো, হ'।

—কষ্ট হ'লে বল, গাড়ী ডাকি ! দুর্জয় হাসলো।

—তোর ইচ্ছে হয় তুই নির্বিঘ্নে গাড়ী চেপে চ'লে যেতে পারিস্,  
অবশ্য বউকে সঙ্গী ক'রে। আমরা হ'বোন নইটে যেতে পারবো !  
লতা একটু থুঁড়িয়ে হাঁটতে হাঁটতে ব'ললো।

কাবেরী হাসতে গিয়েই স্নান চ'রে গেলো। এদের ছ'বোনে বতটা ভাব, কাবেরীদের ছ'বোনের ভাব কি তার চেয়ে কোন অংশে কম ছিলো? কিন্তু তার দিদি গেলো কোথায়? জলে ডুবেই কি সন্তি মরেছে? সে-খবরও কাবেরী সঠিক জানে না।

কার্ট রোডের রেলিঙে ভর দিয়ে তারা সানুভ্যানী চা-বাগান দেখতে আরম্ভ করলো। ওপর থেকে বাগানটিকে একটা সবুজ-মিনে-করা পেয়ালার মতো দেখায়। লতা ব'ললো, একদিন ওখানে নেমে গেলে হয়।

দুর্জয় হেসে ব'ললো, হ্যাঁ, খোঁড়া পা নিয়ে খুব যে বড়াই হচ্ছে।

লতা দুর্জয়ের চেয়ে বড় হ'লে কি হবে, দুর্জয় ছেলেবেলা থেকে কোনো দিনই তাকে দিদি সঙ্কোচন করলো না। তার মতে, মাত্র এক বছরের বড়ো হ'লেই দিদি হওয়া যায় না নাকি।

তারা সানুভ্যানী দেখছে, মধ্যসমুদ্র থেকে সুদূর দ্বীপের অরণ্য যেমন মনোরম এবং ঘন দেখায়, এবং সেই দ্বীপে পদার্পণ করার সঙ্গে সঙ্গে সে মোহ যায় কেটে, এ চা বাগানও তাই। ওই যে থোকা থোকা চা গাছ এক সঙ্গে চাপ বেঁধে আছে, কাছে গেলে সব হ'য়ে যাবে ছিন্ন ভিন্ন। সেই অগ্নিই লতার কথার সমর্থন আমরা করতে পাবি না। বাকে তুমি চিরকাল সুন্দর দেখতে চাও, তাকে আত্মীয়তায় বঁধা ভুল।

কিছুক্ষণ দাঁড়াবার পর তারা রওনা হ'লো। মিউনিসিপ্যাল মার্কেটের রাস্তা দিয়ে তারা যাচ্ছে, হঠাৎ একটি মোটর তাদের পাশে খুব জোরে ব্রেক ক'রে সশব্দে থামলো। সন্ধ্যাই চমকে উঠতেই উৎপল ব'ললো, অবশেষে! অ্যাটলাস্ট! আজ তা হ'লে আপনাবা



বেরিয়েছেন এবং বেড়িয়েছেন! ধন্তবাদ আপনাদের। ব'লেই সে  
ষোটর আবার চালাতে আরম্ভ করলো।

হুর্জর ব'ললো, কদুর বাচ্ছেন?

—ঘুম। এ-বেলা আপনাদের ওখানে আর যেতে পারবো না।  
উৎপল গতি কমিয়ে মুখ ঘের ক'রে ব'ললো: আসতে হুগুর বেছে  
যাবে। ঘুম থেকে আবার গোনাদহ যেতে হবে। সেখানে ডেরারী-  
ফার্ম-এর ম্যানেজার আবার মর-মর। লতাদেবী, অমন কুঁকড়ে  
যাচ্ছেন কেন আপনি? ব'লতে ব'লতে পেটুলের গন্ধপূর্ণ অঙ্গ  
খোঁয়া ছাড়তে ছাড়তে উৎপল ডানে স্টেশনের দিকে বেকে চ'লে  
গেল।

লতা একটি দীর্ঘ নিশ্বাস ত্যাগ করলো।

বাসায় ফিরে লতা বিছানা নিলো। সে ভয়ানক ক্লান্ত। সকালটা  
আজ তার ছুটি, আজ উৎপল আসবে না। কিন্তু কেন যে আসবে না,  
এ লতার ভাল লাগে না কিন্তু। রোজ আসতে পারে আর আজ  
ঘুমে না গেলেই চ'লতো না যেন। লতা চুপচাপ শুয়ে রইলো। এও শু  
দেখা গেল -

বাদল এসে তাকে সত্যি জ্বালাতন করতে আরম্ভ করে দিলো।  
লতা একটু শুয়ে আছে আর বাদল তাকে ঠেলছে, ব'লছে, কেন  
সকালবেলা আমাকে ডেকে তুললে না, কেন সঙ্গে বেড়াতে নিয়ে  
গেলে না। এই বড়-দি, বড়-দি! যে! কিস্তেই যদি কথা  
বলে! এই বড়-দি!

লতা ব'ললো, এখন না, পরে আসিস্ লক্ষ্মীটি!

কাষেরী এসে ব'ললো, দিদি, এই যে খাবার উঠুন।

বিকালে উৎপল এলো। ডেরারী ফার্মের ম্যানেজারটিকে খতক

করে সে কিরে এসেছে। এতদিনের রুগী। উৎপলের মনটাও এখন বিশেষ সুবিধের নয়। ব'ললো, সকালে কত দূব পর্বন্ত গিয়েছিলেন ?

—অনেক দূর। লতা একটু একটু ক'রে সবটুকু ব'ললো।

উৎপল ব'ললো, প্রায় দিনেই অতটা ঘোরা উচিত হয়নি। খুব বেশি যদি হাঁটেন তবে এক মাইল।

লতা ব'ললো, সাত দিনেবটা এক দিনে হেঁটেছি, আর তো এক সপ্তাহ যাওয়া হবে না।

—কেন ?

—দেখবেন।

মৃগাক্ষবাবু এলেন, বিনা ভূমিকায় তিনি আরম্ভ করলেন, রেখার বিয়ে তো ঠিক ক'রে ফেললাম, ডাক্তারবাবু।

উৎপল ঘুবে বসলো : বড় বোন থাকতে—

মৃগাক্ষবাবু ব'ললেন, লতা তো বিয়ে করতে চায় না। বয়সও পঁচিশ হ'য়ে গেলো ওর। যদি বিয়ে হবার হ'তো তবে পাঁচ বছর আগেই হ'তো, হঠাৎ অসুখ ক'বে ব'সতো না। মৃগাক্ষবাবু লতার দিকে তাকালেন।

লতা মাথা নিচু ক'রে ব'ললো।

একটু পরে মৃগাক্ষবাবু আবার ব'ললেন, এ ছেলেটাও ভালোই পেরে গেলাম, রুডকিতে পড়ছে, স্বাস্থ্যও—

উৎপল হেসে উঠলো, তা বটে, যতদিন ছাত্র থাকে। কিন্তু ভারপর ?

—পরের কথা কি ব'লবো বলুন। দেখে শুনে তো সুপাত্রই বিলাম, এখন মেয়ের বয়স।

—কবে ঠিক হ'লো ? এই শ্রাবণেই ? আন্তরিক গলার জিজ্ঞাসা করলো উৎপল ।

—হ্যাঁ । মৃগাক্ষবাবু বিভিন্নে বিভিন্নে আরম্ভ করলেন : তারা তো বিশেষ তারিখেই দিতে চায় । আমিও বলি, যত শিগ্গিরি শুভ কাজ মিটে যায়, ততই ভালো ।

—তা তো বটেই । উৎপল সায় দিয়ে গেলো ।

মৃগাক্ষবাবু এ-ঘর থেকে চ'লে যাওয়ার পর উৎপল সোজা-সুজি জিজ্ঞাসা করলো লতাকে, কেন, আপনি বিয়ে করতে চাননা কেন ?

লতা উত্তর দিলো না ।

দরজার দিকে তাকিয়ে চেয়ারটিকে কাৎ ক'রে নিয়ে উৎপল আবার জিজ্ঞাসা করলো, বলুন, কথা বলুন ।

লতা সংক্ষিপ্ত ভাষায় ব'ললো, এমনি !

—এমনি একটা ওজুহাতই নয় ! খুলে বলুন তো আমাকে । বিয়ে না করলে আপনার উপায় নেই, সত্যি কথা ব'লছি আপনাকে খুলে । উৎপল আবার দরজার দিকে তাকালো : অস্বস্তি তো আপনার সেরেই গেছে, আর বাধা কি ? বলুন, কথা বলুন ! বিয়ে করতে ইচ্ছে করে না ?

লতা চুপ ক'রে রইলো ।

—চুপ করে থাকবেন না । একটু গলা পরিষ্কার ক'রে উৎপল ব'ললো : আমি ডাক্তার, আমার কাছে লজ্জা ক'রে চুপচাপ ব'লে থাকলে ঠকবেন । সব যদি খুলে না বলেন তবে চিকিৎসা কি ক'রে করি বলুন তো ! বলুন, বিয়ে করতে ইচ্ছা হয়না ?

লতা দরজার দিকে তাকালো ।

উৎপল ব'ললো, কে? বাদল? এসো।

বাদলকে কাছে টেনে নিয়ে ব'ললো, আপনি কথা বলুন, লতা দেবী। ব'লবেন না? আচ্ছা, ভেবে ঠিক ক'রে রাখবেন, আমি এ-কথার উত্তর চাইই কিন্ত। বাদল, তোমার বাবা কি করছেন?

—মা-র সঙ্গে কথা ব'লছেন?

—তুমি ছুটুমি করেছো?

—হ্যাঁ—জ্যাঁ। বাদল ঘাড় অনেকটা কাৎ ক'রে দিলো।

—যাও, তোমার বাবাকে একবার ডেকে নিয়ে এসো। উৎপল বাদলকে ছেড়ে দিলো।

মৃগাক্ষবাবু এসে উৎপল লতার শরীর সংক্রান্ত নানা বিষয় আলোচনা করতে আরম্ভ ক'রে দিলো। রেখার বিয়ের কথাও প্রসঙ্গক্রমে উঠে পড়লো। রেখা হঠাৎ ঘরে এসে প'ড়েছিলো, তৎক্ষণাৎ বেরিয়ে গেলো। মৃগায়ী দেবীও এলেন, দরজা দিয়ে মুখ বাড়িয়ে ব'ললেন, রেখা, লক্ষ্যের বাতিটা জ্বলে আয় তো ওপরে।

উৎপল ব'ললো, আমি একদিন লতাদেবীকে নিয়ে বেড়িয়ে আসবো ভাবছি। অবশ্য হাতে কাজ একটু কম থাকলে।

লতার বুকের ভেতরটা হঠাৎ কেঁপে উঠলো, সে তার মা বাবা কিংবা উৎপল কারো মুখের দিকেই তাকাতে পারলো না।

মৃগাক্ষবাবু মৃগায়ীর মুখের দিকে তাকিয়ে ব'ললেন : নিশ্চয়, যাবনা নিয়ে একদিন। টাইগার হিলে যাবেন বুঝি?

—নাঃ! উৎপল ব'ললো : এই দার্কিলিঙএই! একটু রাস্তায়!

—ওঃ, তা যাবেন। মৃগাক্ষবাবু লতার মুখের দিকে তাকালেন, সে মুখ যতটা উজ্জ্বল তার চেয়ে বেশি পাংশু।

সেদিন উৎপলের বিদায়ের পর কয়েকদিন দেখতে দেখতে গভ হ'য়ে গেল। ক্রমশ বাড়ীতে 'লোক সমাগম হ'লো জুড়। আজ রেখার বিয়ে। বর এবং বরবাত্তী কলকাতা থেকে দার্জিলিঙ মেল'এ এসে শিলিগুড়ি থেকে মোটর নেবে কথা আছে, এবং তদন্তকারী বন্দোবস্তও যুগান্তকারী করিয়েছেন। কাশ্মীরী কাকা গত কাল এসে গেছেন, কাশ্মীরী কাকার সঙ্গে ওপরের ঘরে বসে কথা ব'লছে।

উৎপল কয়েকদিন আসছে না কেন? তার কোনো অসুখ-বিসুখ করেনি তো? ডাক্তার ব'লেই অসুখ করতে বাধা কি? লতা একা একা শুয়ে, বুকের ওপর একটা খোলা বই উপুড় ক'রে রেখে চুপচাপ পড়ে আছে। বিয়ে, উৎপল একটা উত্তর চায়ই, কিন্তু লতা কী উত্তর দেবে। যেটুকু সে উত্তর দিতে চায়, সেটুকু কথা তার কর্তনালী পর্যন্ত এসে বারে বারে সসঙ্কোচে ফিরে যাচ্ছে যে।

বাইরে মোটরের শব্দ হ'লো। এই, লতা তাড়াতাড়ি উঠে ব'সে চুল, কাপড় ঠিকঠাক ক'রে নিলো, উৎপল এসেছে নিশ্চয়। হাতের বইটা সে রেখে দিলো। এঃ, দেখেছো! ঘর এমন এলোমেলো হ'য়ে আছে। ইলেকট্রিকের তারটা অমন ঝুলে আছে কেন ওখানে? টেবিলের ওপর কলমগুলো অমন ক'রে ছড়িয়ে রাখলো কে? নাঃ, কয়েকদিন সে একটু টিল দিয়েছে আর অমনি। মতিলালটা কি এ-ঘরের কিছু করতে পারবে না? তাড়াতাড়িতে সে কী বা করবে, ততক্ষণে উৎপল ঘরে ঢুকে পড়বে নিশ্চয়।

কিন্তু উৎপল নয়, বরবাত্তীরা এসেছে। লতা ভেঙে পড়লো, তার শরীরটা আজ কিছুতেই ভালো লাগছে না।

বিকাল বেলা যখন বাড়ীতে লোক ধরে না, সবাই তাড়াহড়ো ক'রে ছুটাছুটি ক'রে দৌড়ে বেড়াচ্ছে, তখন হঠাৎ, অতি অপ্রত্যাশিত ভাবে উৎপল এসে উপস্থিত হ'লো।

লতা তার জন্তে প্রস্তুত ছিলো না। তাড়াতাড়ি উঠে ব'সে সে ভয়ানক ব্যস্ত হয়ে পড়লো।

ঘরে ঢুকেই উৎপল ব'ললো, চলুন, আজ বেড়াতে যাবো। হেঁটে যাবেন? আচ্ছা বেশ, তাই সই। গ্যারেজে মোটর চুকিয়ে রেখে ছুজনে—এই যে, আসুন। খুব বিয়ে লেগে গেছে দেখছি। আমরা একটু ঘুরে আসি গিয়ে। লতা দেবীকে নিয়ে যেতে চাই, কোনো অসুবিধে হবে না নিশ্চয়।

মৃগাক্ষবাবু বললেন, না, না, যান না। ওই, কে যেন আবাব ডাকছে। আমি চলি, আপনারা আসুন ঘুরে। লতা, যাও। মৃগাক্ষবাবুর কাঁধে তোয়ালে ছিলোই, শশব্যস্তে তিনি ছুট দিলেন।

লতা হাঁটু ভাঁজ ক'রে ধীরে ধীরে খাটের কিনারে এসে, আরো ধীরে ধীরে নামলো।

রামকৃষ্ণ মিশনের চক্রে তারা দুইজন ঘুরতে ঘুরতে এসে দাঁড়াল।

উৎপল ব'ললো, চলুন, এখন বাড়ীর পথেই পা বাড়াই।

কিন্তু অস্বস্ত উৎপলের ফেরার ইচ্ছে নেই আরো। কারণ, লতার কাছ থেকে যে উত্তর সে চেয়েছে, তা এখনো তার জিজ্ঞাসাই করা হয়নি।

উৎপল ব'ললো, আপনাকে কেন সঙ্গে ক'রে বেড়াতে নিয়ে এসেছি, বুঝতে পারছেন?

লতা উৎপলের মুখের দিকে তাকালো, ব'ললো, কেন?

—ইল্ লাক্! আমারই ছুতাপ্য শেটা। উৎপল একটু রান হেসে বললো, কই, সে প্রেরটির জবাব তো আজ্ঞা দিলেন না!

—কোন প্রের বলুন তো। লতা চব্বার পাশ দিয়ে উৎপলের দিকে তাকালো।

উৎপল ব'ললো, বলুন! বলছি, মেধা আপনার এতো দুর্বল?

কৌচার প্রাস্ত দিয়ে সিঁড়িটা ঝেড়ে তারা ব'সে পড়লো।

উৎপল ব'ললো, বলুন তো বিয়ে করতে ইচ্ছে করে কিনা। চূপ ক'রে থাকবেন না, আমাকে আপনার মন জানতে দিন। কেন বিয়ে করবেন না?

লতা সোজাখুজি ব'ললো, আমি যদি জানতে চাই আপনি কেন বিয়ে করেননি।

—তার উত্তর পরে দেব। আপনি আগে আমার কথার উত্তর দিন। হেতুটা জানতে পারি? উৎপল লতাকে ছুকিয়ে একটা নিশাস ফেললো।

—ইচ্ছে ক'রে না। লতা উৎপলের দিকে না তাকিয়েই ব'ললো।

—কেন? ইচ্ছে না করার কী আছে? বলুন, কথা বলুন।

লতা একটু থেমে ব'ললো, আমার মতো বুড়ো মেয়েকে কে বিয়ে করবে বলুন।

—যদি, উৎপল ন'ড়ে ব'ললো : যদি আমি বিয়ে করি?

লতা ব'ললো, এবার বাড়ী চলুন। উঠুন।

—উঠবো না। উৎপল দৃঢ় হ'য়ে ব'ললো : আগে আমার কথার উত্তর দিন।

লতার দেহের ভিতর দ্রুতবেগে ইঞ্জিন চ'লছে। তার প্রতি রোমকূপ কণ্টকিত হ'য়ে উঠছে। তার কেমন যেন অস্থির অস্থির লাগছে। এই কথা বলার ক্ষণেই কি উৎপল তাকে বাড়ী থেকে টেনে নিয়ে এলো? নাঃ, লতার ভালো লাগছে না, এখন তার ফিরে যেতে ইচ্ছে করছে।

লতা কিছুতেই উত্তর দিলো না দেখে, উৎপল ব'ললো, তবে চলুন।

বাড়ীতে এসে দেখে, বিয়ের হৈ চৈ ছাড়াও একটা বাড়তি হৈ চৈ আরম্ভ হ'য়েছে যেন। সে কি? তারা দুজন দ্রুত ঘরে ঢুকলো, অ্যা? বাদল? বাদল মোটর চাপা পড়েছে? চাপা নয়, ধাক্কা?

উৎপল লতাকে ছেড়ে বাদলের ওপর উপুড় হ'য়ে পড়লো। গায়ের কয়েকটি আরগার বিষম কেটে গেছে, উৎপলকে খুঁজে খুঁজে নাকি সকলে হয়রান। শেষ বেশ নন্দাবাবুকে আনতে হ'লো। তিনি গুরুপত্র দিয়ে গেছেন। অ্যান্টি-টিটেনিক্ ইন্জেকশন্ও দিয়ে গেছেন একটা। উৎপল দেখে শুনে ব'ললো, কিছু নয়। কেউ খাবড়াবেন না। কি বাদল? কেমন, ব্যাধা করছে?

উৎপলকে পেয়ে বাদলের মুখ প্রস্থন্ন হ'লো। বাদল ব'ললো, এমন বদমাইস জানেন, আমি দৌড়ে রাস্তার ওপারে যাচ্ছি, আর অমনি ধাক্কা মারলো। হন'দিতে জানে না।

লতা বাদলের কাছে ব'লে আন্তে আন্তে ব'ললো, কেমন লাগছে রে?

—কেমন আবার! আমি এবার উঠবো। বিয়ে আরম্ভ হয়ে গেছে? বাদল গায়ের চাদর ফেলে লাফিয়ে উঠে ব'ললো।



লতা না হেসে পারলো না, উৎপলও। ঘরে যত লোক ছিলো সকলেই হেসে উঠলো।

মৃগাকবাবু বললেন, তেমনি কি ছেলে? পাঁচডিগ্রি জ্বর নিয়েও ছুটোছুটি করে বেড়ায়। সাথে কি ওর নাম বাদল?

বিয়ে আরম্ভ হ'য়ে গেল সময় মতোই। বাদল তার মেজদির কাছে গিয়ে শান্ত ছেলেটির মতো ব'সে আছে। আত্মীয়্য অনাত্মীয়্য মেয়েদের সঙ্গে সঙ্গে লতাও বলমল পোবাক পরিহিতা হ'লো।

উৎপল দূর থেকে লতার দিকে তাকালো। রামকৃষ্ণ মিশনের সিঁড়ির ওপর ব'সে সে লতার মুখের যে-ভাব দেখছিলো, এখন সে-ভাব আব খুঁজে পাচ্ছে না। লতা একটু লতিয়ে লতিয়ে হেঁটে ভীড়ের মধ্যে অদৃষ্ট হ'য়ে গেলো।

অনেক রাত্রে খাওয়া দাওয়া সেয়ে উৎপল কিরে গেলো।

শেষ রাত্তিরে বাদলের গা ভ'রে পরিষ্কার জ্বর এসে গেলো। কিন্তু তাতে ব্যস্ত হবার কিছু নেই। বিয়ের পর বর-বউ এখন বাসরে। লতা বাদলের পাশে শুয়ে বাদলের বুকের ওপর হাত দিয়ে ভাবছে উৎপলের কথা। উৎপলের এতো অমুরোধ সত্ত্বেও সে কেন-যে কোনো উত্তর দিলো না! উৎপল নিশ্চয় তার ওপর ভয়ানক চ'টেছে। এবার এক দিন জিজ্ঞাসা করলে হয়, সে ঠিক তার উত্তর দেবে। উৎপল তাকে একটু নিলজ্জ ভাববে তো, তাবুক্।

পরদিন সকলের আশীর্বাদ বহন করতে করতে পাঁচটার গাড়ীতে বরপক্ষ কল্যাণহ রওনা হ'লেন। মঞ্চ গড়তে যে উৎসাহ দেখা যায়, ভাঙার সময় সে উৎসাহ আর থাকে না। বিয়ের হাজাম হুরাবার

পর উৎসব-শেষের প্রদীপের মতো লকলের উৎসাহ টিম টিম করে জ্বলছে।

কিন্তু বাদলের জ্বর যেন আরো বাড়ছে, সেই সঙ্গে গালে কপালে চাকা চাকা রক্ত জ্বার মতো দাগ দেখা যাচ্ছে যেন। তৎক্ষণাৎ উৎপলের ডাক পড়লো।

উৎপল এসে দেখে, বাদল একটু ছটফট করছে। উপুড় হ'য়ে ভালো ক'রে দেখলো, রক্তের চাকা মতো গালে কপালে লাল লাল দাগ। উৎপল বাদলের জ্বালা খুলে ফেললো, 'হঁ, যা ভেবেছে, গায়েও।

উৎপল ব'ললো, অ্যান্টি-টিটেনিক সিরাম দেওয়া হ'য়েছে, না? হুর্জয়বাবু, নন্দবাবুর কাছে যান্ তো শীগগির। তাঁকে জিজ্ঞেস ক'রে আসুন, কত ইউনিট তিনি ইন্জেক্ট করেছেন। বলবেন : উৎপলবাবু জানতে চেয়েছেন। শীগগীর ক'রে চলে যান্! উৎপল ঘন হ'য়ে বাদলের পাশে ব'সে তার নাড়ী ধরলো।

মৃগাক্ষবাবু ব'ললেন, কেমন দেখছেন?

পাংশু মুখে উৎপল ব'ললো, না, কিছু নয়।

চোখ বড় বড় ক'রে বাদল চারদিকে তাকাতে লাগলো। বালিশের সঙ্গে মাথা ঘষতে লাগলো, মৃগাক্ষী দেবী কাছে এসে ব'ললেন, বাদল, অমন করছ কেন?

হুর্জয় ফিরে আসতেই উৎপল উঠে গেলো বাইরে, জিজ্ঞেস করলো, কত ইউনিট?—অ্যা, সে কি? সে যে অ্যাডাল্ট ডোজ। মাত্রা বেশি হ'য়ে গেছে, আপনি আসুন আমার সঙ্গে।

উৎপল হুর্জয়কে নিয়ে বেরিয়ে গেলো। গুরুপত্র নিয়ে কেয়ার

আগেই বাদলের ঝাল উঠতে আরম্ভ হ'য়ে গেছে। অন্নিবেন, উৎপল আবার দুর্জয়কে অন্নিবেন আনতে পাঠালো।

ঘর এখন শুষ্ক, কেবল মৃদুগী দেবী কুঁপিয়ে কুঁপিয়ে কাঁদছেন। লতা কেবল তাকাচ্ছে এর-ওর মুখের দিকে। উৎপল বললো, কাঁদবেন না, কাঁদবেন না! আগে রুগী বাঁচানোর চেষ্টা করুন।

দুর্জয় এখনো আসছে না কেন! উৎপল বার-বার বাইরে তাকাচ্ছে এবং বাদলের দিকে তাকাচ্ছে! হঠাৎ বাদলকে ছেড়ে দিয়ে উৎপল উঠে কোনোদিকে না তাকিয়ে ঘর থেকে বেরিয়ে গেলো। তার পেছনে সমস্ত বাড়ী ততক্ষণে হাহাকার করে উঠেছে।

বাদলের মৃত্যুর পর কয়েকদিন গত হ'য়েছে। উৎপল আর ওদের ওখানে কোনো প্রকারেই যেতে পারছেন না। এতদিনের এতো প্রচেষ্টার একটি রুগীকে সে আরোগ্য করলো, কিন্তু তার সামান্য অসুস্থিতির সুযোগ নিয়ে এমন একটা সাংঘাতিক কাণ্ড হ'য়ে গেলো! নন্দবাবুর ওপর তার ভয়ানক রাগ হ'চ্ছে। কিন্তু দুর্বলের মতো রেগে লাভ নেই। দুর্বলের মতো বৃথা আশ্বাসনে কোনোই ফল হবে না। আবার 'হয়ত' এমনো হ'তে পারে, বাদল অ্যানাক্সিলাক্সিস্-এ মারা গেছে। নন্দবাবু ভুলক্রমে কনট্রোল টেস্টটি ক'রে নেননি। ভুল তো মানুষ মাত্রেই হয়।

উৎপল মনে মনে ঠিক ক'রে আছে, আর সে কিছুতেই বাবে না ওদের ওখানে। কিন্তু লতার আকর্ষণে মাঝে মাঝে সে তার অপ্রকাশিত প্রতিজ্ঞার বিপক্ষে না দাঁড়িয়ে পারে না।

অনেকদিন পর ছুর্জয় এসে উপস্থিত। উৎপল তখন তার ডিস্‌পেন্সারীতে চূপচাপ ব'লে ছিলো।

উৎপল ব'ললো, কি খবর, ছুর্জয়বাবু?

ছুর্জয় ব'ললো, আবার তো—

—আবার তো, কি? বলুন! উৎপল টেবিলের ওপর একটু ঝুঁকলো।

—লতার অসুখ আবার তো বাড়লো।

—কি রকম? উৎপল চোখ বড়ো বড়ো ক'রে তাকালো।

ছুর্জয় ব'ললো, ক্রমে ক্রমে সব লক্ষণগুলোই আবার দেখা দিচ্ছে। হাতে পায়ে জোর একেবারেই ক'মে গেছে।

—বিছানা থেকে উঠতে পারে না?

—উঁহঁ! ছুর্জয় টেবিলের ওপর আঙুল দিয়ে দাগ কাটতে লাগলো।

একটু থেমে উৎপল ব'ললো, আবার ঘুরে পড়লেন তবে। এ-আশঙ্কা আমিও ক'রেছিলাম, নতুন একটা শক্ পেলেন সম্প্রতি।

ছুর্জয় ব'ললো, শক্ ব'লে শক্! বাদলটা ছিলো যেমন ছরস্ক, তেমনি আদরের। অধু ওর অভাবেই বাড়ীটা এখন একেবারে ফাঁকা।

উৎপল ব'ললো, হঁ। কিন্তু এ-রুগী নিয়ে তো আবার বিপদ হলো।

ছুর্জয় ব'ললো, এখন যাবেন?

—চলুন। দেয়াজের চাবী খুরিয়ে উৎপল উঠে দাঁড়ালো : দেখি আবার কতদূর এগিয়ে আছে কেস্টা।

ঠিক, উৎপল যা ভেবেছে। তেমনি বমি, তেমনি ডিলিরিয়াম, সব সঙ্গণই সেই আগের মতোই। উৎপল লতার পাশে গিয়ে ব'সলো, লতার হাত নেড়ে-চেড়ে দেখলো। আবার তাকে প্রথম থেকে চিকিৎসা আরম্ভ করতে হবে। কিন্তু এবারে রক্তকাণ হবে কিনা ভগবানই জানেন। লতার এখন মোটেই \*জ্ঞান নাই, বুধা তাকে ভাকতে যাওয়া। বুধা এখানে ব'সে থাকা। উৎপল চলে গেল, ব'লে গেল, সে আবার আসবে।

মৃগাকবাবু ও মৃগায়ী দেবী বাদলের শোক ভুলতে পারেননি এখনো। তাঁর বাড়ী এখন একেবারে ফাঁকা। একে রেখা বিয়ে হবার পর আর ফেরেনি, সে বাদলের মৃত্যুসংবাদে কতটা আতঁনাদ ক'রেছে সে খবরও রাখেন না। তার ওপর দুর্জয়ের আবার কলকাতায় বদলি হবার কথা হ'চ্ছে। সকলে নিলেই তাঁরা না হয় কলকাতা চ'লে গেলেন। এদেশে থাকা তাঁদের অসম্ভব হ'য়ে উঠেছে।

উৎপল রোজই আসছে। তার যত শক্তি সবটুকুই সে লতার দিকে কাৎ ক'রে ধ'রেছে। কিন্তু উপকার কিছু পাচ্ছে ব'লে তো তার মনে হ'চ্ছে না।

কিন্তু এক দিনেই অমন উপকার পাওয়া যায় না! উৎপল ধৈর্য ধরলো। লতাকে ব'ললো, আপনি আপনার মন থেকে সব দুশ্চিন্তা দূর করে ফেলুন তো। কি হ'য়েছে, একবার যে-অসুখ সারে, সে-অসুখ ষ্টিয়বারও সারে। কেন সারবে না? আচ্ছা, চোখটাও একটু অসুবিধা দিচ্ছে?

লতা ঘাড় কাৎ ক'রলো। লতার অসুখ \*ছাড়াও একটু অস্বস্তি অনবরত মনের মধ্যে খোঁচা দিয়ে যায়, উৎপল তাকে যে-কথা

জিজ্ঞেস ক'রেছিলো, সে তো তার উত্তর দেয়নি। উৎপল সে জন্ত তার ওপর অভিমান করেছে নিশ্চয়ই। লতা তার কাছে কমা চাইবে। কিন্তু কমা চাওয়া লোভী কথা নয়, কমা চাইতেও মনের উপযুক্ত শক্তি দরকার।

উৎপল লতার সঙ্গে বিশেষ কথা ব'লছে না। চুপচাপ মাথা নীচু করে ব'সে কী যে ভাবছে, লতা তা জানেনা। উৎপল ভাবলো, এক কাজ করলে হয় না? আজই সে মৃগাঙ্কবাবুকে বলুক, মুখ বুজে ব'সে থেকে কোনো কাজই হয় না। কেনই-বা সে মনের মধ্যে তার আন্তরিক ইচ্ছাটাকে পোষণ করবে?

মৃগাঙ্কবাবু ঘরে আসতেই উৎপল মরিয়া হ'য়ে ব'লে ফেললো, আপনার সঙ্গে কয়টি কথা আছে।

—কি কথা বলুন। মৃগাঙ্কবাবু কান পেতে দিলেন।

একটু থেমে উৎপল ব'ললো, আমি এ রুগীকে কলকাতা নিয়ে যেতে চাই।

—কলকাতা? কেন বলুন তো? খুবই কি বেড়েছে অসুখ?

—না, তার জন্তে নয়। তবে সেখানে চিকিৎসার সুবিধে হবে।

মৃগাঙ্কবাবু ব'ললেন, হাসপাতালে রাখার বন্দোবস্ত করবেন বুঝি?

—তা, তা কেন? বাসায় থাকবে।

—বাসায়? ওখানে বাসা কেখায়? দুর্জয় আগে বদলি হোক। মৃগাঙ্কবাবু ব'ললেন।

উৎপল একটু ভেবে ব'ললো, কেন, আমাদের বাসায়! সেখানে যথেষ্ট ঘর আছে।

লতা বজ্রাহতের মত স্থির দৃষ্টিতে উৎপলের মুখের দিকে তাকিয়ে  
রইলো।

—তা কি হয়? মৃগাক্ষবাবু গাঁইগুঁই করতে করতে ব'ললেন।

উৎপল একটু খেমে জুতোর মাথা দিয়ে মেজে ঠুকতে ঠুকতে  
ব'ললো, কেন হবে না? ধরুন, যদি ওকে বিয়ে করি।

লতা নিম্পলক তাকিয়ে আছে উৎপলের দিকে।

মৃগাক্ষবাবু ব'ললেন, বিয়ে? সে কি? আমার কণ্ঠ মেয়েকে  
আপনি—

উৎপল জবাব দিল না।

## চতুর্থ অধ্যায়

### ছায়ানট

মানিহীন সুদীর্ঘ তিনটি বৎসর প্রবাসে কাটানোর পর অগূর্ব আর শকুন্তলা পূজোর বন্ধে কলকাতায় এসে পৌঁছলো। তাদের জীবনের কিংবা এই মহানগরীর কোনো পরিবর্তনই তাদের চোখে পড়লো না। তিন বৎসর আগে যেমন, আজ এই তিন বৎসর পরেও তেমন তাদের জীবন স্চাৰুভাবে কলকাতার সঙ্গে খাপ খেয়ে গেছে।

শকুন্তলা কিন্তু উৎপলের কথা একটুও ভুলে যায়নি। উৎপলকে সে অনিবার্য সত্যতায় জাগ্রত রেখেছে উৎসব সভার ঈষদুচ্ছল শব্দ মোমবাতির শিখার মতো। মুমূর্ষুর চোখেব চাউনির মতো তখন স্বতিকে সে ঘোলাটে ক'রে ফেলেনি।

কলকাতায় তারা এসেছে অনেক কারণে। এক, অনেকদিন এ-দেশ থেকে তারা নির্বাসিত; দুই, আত্মীয়-বন্ধুর সাথে দেখা-সাক্ষাৎ নেই অনেকদিন; এবং তৃতীয়ত ও প্রধানত, শকুন্তলা 'অবধারিত' উপন্যাসটি সম্প্রতি এক প্রয়োগ-শিল্পী চিত্র-কথন রূপান্তরিত ক'রেছেন। দেনা-পাওনা মেটানোও একটি কথা, তাও ওপর ছবিটা দেখারও আছে প্রবল আগ্রহ। আস্চে-কাল ছবিটা নাকি মুক্তিলাভ করবে। আনন্দের কথা বই-কি।

কলকাতায় এসে তারা নতুন নতুন সংবাদ শুনলো। শুনলো, উৎপল নাকি দার্জিলিংয়ের মায়া ছেড়ে এখানে এসে গেছে।



ল্যান্ডাউনে থাকে। বিয়ে করেছে নাকি একটি রথ ঘেরকে। কাবেরী, যার সঙ্গে শকুন্তলার দেখা হ'য়েছিলো কার্ণিমাণ্ডে, সে নাকি এক ভদ্রলোককে বিয়ে ক'রে দারুণ সংসারী হয়ে একটা বাসা নিয়েছে। আশ্চর্যের কথা, আর আশ্চর্যই বা কী, কাবেরীর নাকি ইতিমধ্যে দুটি ছেঁলেও হ'য়েছে।

অপূর্ব চিলে পায়জামা প'রে ঘরের মধ্যে পায়চারী করছিলো। পুরানো হোটেল, চেনা-জানা আছে সকলের সঙ্গেই, অস্থিধে আর কী, বলো! শকুন্তলা মস্ত স্মৃতিভেদে একেবারে চিংপাৎ ক'রে খুলে ফেলে টুকিটাকি জিনিষপত্র বেছে বেছে টেবিলের ওপর সাজিয়ে রাখছিলো, বললো, ডিরেক্টরীটা দেখো তো, উৎপল মিত্রর ফোন নম্বরটা কতো।

অ্যাশ-ট্রে হাতলে অর্ধদণ্ড ধুমানমান সিগারেটটি রেখে অপূর্ব ডিরেক্টরী গুললো। খুলে ব'ললো, মিটার না মিত্র?

—কি জানি, হু'টোই দেখো! ব'লে হাতের কাজ রেখে শকুন্তলাও অপূর্বর কাঁধের পাশ দিয়ে উঁকি দিলো, ব'ললো, ডাক্তার, এম বি, ডি টি এম্।

—উহ! অপূর্ব পাতা উন্টে গেলো : মিত্র নেই, মিটার দেখি।

শকুন্তলা ব'ললো : চমৎকার লোক, তোমার সঙ্গে আলাপ ক'রে দেবো!

—এই যে। পেরেছি। ল্যান্ডাউন তো? অপূর্ব আঙুল দিয়ে দেখালো।

শকুন্তলা উপুড় হ'য়ে দেখে ব'ললো, হ্যা! দেখি নম্বরটা। ঠাড়াও, ফোনটা ক'রেই ফেলি আগে!

অপূর্ব ইজিচেয়ারে শুয়ে পড়লো, পায়ের ওপর পা তুলে দিয়ে। পরম আরামে চোখ বুজে সিগারেট টানতে লাগলো।

শকুন্তলা ব'লছে, হ্যালো, ইয়েস। ল্যান্ডডাউন? Whom I am speaking with?—Doctor Mitter? ভালো আছেন? (শকুন্তলা হাসলো) কে ব'লুন তো? নিশ্চয় ভুলে গেছেন। কোথেকে কথা বলছি? রয়্যাল হোটেল থেকে। এখনো চিনতে পারলেন না? কাল সিনেমায় যাবেন? 'অববধারিত' দেখতে? সে কি, টিকিট কেটে ফেলেছেন? কেন? পাশেই যাওয়া যেতো একসঙ্গে। ই্যা, ই্যা, ই্যা! চিনেছেন তাহ'লে? আমি শকুন্তলা সরকার। (একটু হেসে) কিন্তু উপস্থিত সোম। (অপূর্বর দিকে তাকিয়ে, হেসে) এখন কাজ আছে? আমুন না তাহ'লে।

বহুদূর থেকে প্রেতের গলার স্বরের মতো উৎপলব কণ্ঠ ভেসে এলো : বাচ্ছি !

কোন ছেড়ে দিয়ে শকুন্তলা অপূর্বর পাশে এসে ব'সলো। ব'ললো : চুল-যে চোখে-মুখে পড়ছে, একটু আঁচড়ে নাও !

—অসত্যের মতো দেখাচ্ছে, না? অপূর্ব হাসলো।

শকুন্তলা ব'ললো, তা বলছিনে। তবে একটু ভদ্র হ'তে বলছি।

—তাহ'লে অভদ্রের মতো দেখাচ্ছে। অপূর্ব উঠে আয়নাব কাছে গেলো।

শকুন্তলা খবরের কাগজখানা পুরোপুরি খুলে ফেলে চিত্রগৃহের বিজ্ঞাপনে চোখ দিলো। কুমারী কৃষ্ণা চমৎকার দেখতে কিন্তু : সেই শকুন্তলার বইয়ের নায়িকার ভূমিকায় নামছে। অনন্যর চরিত্রকে সেই রূপায়িত করবে। কৃষ্ণাই তো আধুনিক চিত্র-জগতের সেরা

নটা। তার নাম দিকে দিকে রাষ্ট্র। যাত্র বছর দেড় হ'লো সে প্রয়োগ-শিল্পী দ্বারা আবিষ্কৃত হ'য়েছে। নেমেছে যাত্র তিনখানা বইতে, কিন্তু ইতিমধ্যেই যে-খ্যাতি সে বিস্তার করেছে দিকে দিকে, আশা করা যায়, অচির ভবিষ্যতে সে ভারতের মধ্যে শ্রেষ্ঠ লাভ করবে।

শকুন্তলা কাগজ থেকে চোখ তুলে বাইরে তাকিয়েই উঠে দাঁড়ালো, এবং বিনয়ে গ'লে যেতে যেতে, ভদ্রতায় ভেঙে পড়তে পড়তে ব'ললো, আশ্বন।

উৎপল ঘরে ঢুকে পড়লো। অপূর্ব অপরিসীত ভদ্রলোকটির আপাদমস্তক নিরীক্ষণ করতে করতে কাছে এলো এবং ব'ললো, বসুন!

উৎপল ব'ললো এবং অপূর্বর মুখে দিকে তাকালো। ইনিই বুঝি অন্ধ্র-প্রবাসী প্রফেসর সোম! যা হোক, ভদ্রলোকটির চোখ-মুখের ভাব দেখে তো মন্দ মনে হ'চ্ছেনা।

শকুন্তলা ব'ললো, দার্জিলিং তাহলে ছাড়লেন?

সকোচে আড়ষ্ট হ'য়ে উৎপল ব'ললো, কী আর করি, বলুন! ভাগ্যের ওপর নির্ভর ক'রেই তো বেঁচে আছি, যে দিকে যখন চানবে যেতেই হবে। আপনার সব ভাল আছেন মিস্টারি। উৎপল ঘরের সিলিঙে, দেয়ালে, মেঝেতে নিমিষের মধ্যে চোখ বুলিয়ে নিলো।

অপূর্ব এতক্ষণে ব'ললো, আপনার নাম শুনেছি, দেখিনি।

উৎপল মনে মনে ব'ললো, Ditto। মুখে ব'ললো, আপনাকে আজ প্রথম দেখলাম, নাম শুনেছি যদিও বছর বহু লোকের মুখে। অন্ধ্রতে আপনি কদিন আছেন?

—বছর পাঁচ। অপূর্ব বললো : আপনার ডাক্তারীখ্যাতি আমি মিসেস সোমের কাছে বছর গুনেছি। সত্যি, দার্জিলিং ছাড়লেন কেন? সেখানে পশার প্রতিপত্তি—খান্, সিগরেট খান্। অপূর্ব টিন এগিয়ে দিলো।

উৎপল পকেট থেকে প্যাকেট বার ক'রে ব'ললো, এই যে, সঙ্গেই আছে।

শকুন্তলা ব'ললো, কাল ম্যাটিনিতেই যাচ্ছেন নাকি?

উৎপল ব'ললো, না, সন্ধ্যার সময় যাবো! তখনকারই টিকিট কেটেছি।

—অত তাড়াতাড়ি কেটে ব'সলেন-যে বড়ো! শকুন্তলা স্নেহে প্লেষ দিলো।

উৎপল হাসলো, ব'ললো, আপনার বই সিনেমা কোম্পানী নিয়েছে জেনেই, মনে মনে সঙ্কল্প ছিলো প্রথম দিনই দেখবো। সত্যি অবধারিত বইখানার ওপর সন্সার নজর। কেন, তার পরেও তো আপনার তিন চারখানা বই বেরিয়ে গেলো, সেগুলো না নিয়ে নিলো প্রথমটাই।

শকুন্তলা হাসলো, ব'ললো, কি ক'রে বলি বলুন। তাদের কি অভিপ্রায়! (অপূর্বকে) আচ্ছা, কাবেরীর ঠিকানা কি ক'রে পাই বলো তো? বেচারীকে বড় দেখতে ইচ্ছে করছে। কবিতা যা লেখে, গ্র্যাণ্ড! তরলিকা আর ও দু-জনেই যদি হাল না চেড়ে দিতো, তা হ'লে দেখতে—

উৎপল ব'ললো, কাবেরী কে?

—আমার সঙ্গে বন্ধু হ'য়েছিলো একদিন কাগিরাঙে। তারা

দুই বোন, করতোয়া আর কাবেরী। করতোয়াকে দেখার সৌভাগ্য হয়নি কোনোদিন। চারদিকে শুষ্ক, সে নাকি দেশছাড়া হ'য়েছে, তবে কাবেরীকে—

শকুন্তলার মুখ থেকে কথা কেড়ে নিয়ে উৎপল ব'ললো, কাবেরী ? তাঁকে তো আমি চিনি। তিনি আবার কবিতা লেখেন, জানিনে তো। ই্যা, তাঁর বোন করতোয়া সম্বন্ধে একটু ক্যাণ্ডাল আছে বটে।

শকুন্তলা উৎপলের দিকে তাকালো : আপনি চিন্লেন কি ক'রে ?

—তার নন্দ যে আমার বো ! উৎপল চীৎকার ক'রে হেসে উঠলো : আর বলেন কেন ? তাঁর স্বামী এইখানে লয়েড্‌স্‌ ব্যাঙ্কএ কাজ করছেন, তিনি আমার ছোট সম্বন্ধী। উৎপল আর একবার হাসলো।

—ও হরি ! তাই নাকি ? শকুন্তলা উৎপলের মুখের দিকে তাকালো : ঠিকানা জানেন ?

—ঠিকানা ? নম্বরটা ঠিক মনে নেই, তবে বাড়িটা চিনি। উৎপল ব'ললো, এই তো স্কট লেন্‌এ, বঙ্গবাসী কলেজটা আছে না ? তারি ঠিক বা দিকের গলিটায়।

—সব চিনলাম। শকুন্তলা হাসলো : আপনি কি ভেবেছেন, আমি কলকাতার গলি-বুঁজি সব চিনি ! (অপূর্বর দিকে তাকিয়ে) কি, তুমি চিন্লে নাকি ?

অপূর্ব ব'ললো, কি, ব্যাপার কি ?

—বঙ্গবাসী কলেজ ?

—তা আর চিনিনে ? ওই কলেজ থেকেই পাশ কবলাম

ইন্টারমিডিয়েট। গেই দিয়ে. ঢুকেই তো সম্মুখে কেমিক্যাল  
ল্যাবরেটরি। বা দিকের ঘরের পাশেই স্ক্র সিঁড়ি—

শকুন্তলা হেসে উঠলো, উৎপলও না হেসে পারলো না! শকুন্তলা  
ব'ললো, অত কথা কে জিজ্ঞেস ক'রেছে?

—তবে? অপূর্ব মাথা তুলে ব'ললো, তবে জিজ্ঞেস ক'রছো কি?

—না কিছু নয়। শকুন্তলা উৎপলের দিকে ঘুরে ব'ললো : আপনি  
কিছু মনে করবেন না তো, যাবার সময় কাবেরীকে একটু সংবাদ  
দিয়ে যাবেন। ও গলিতে মোটর ঢোকে তো? তাহ'লে আপনার  
আব অশ্রুবিধে কি?

—আচ্ছা তাহ'লে উঠি! উৎপল সোজা হ'য়ে বসে চেয়ারের  
ছুই হাতলে ছুই হাতের ভর দিলো।

শকুন্তলা ব'ললো, সে কী? আচ্ছা মানুষ তো আপনি! (অপূর্বকে)  
ভূমিও তো বেশ! চা-ফা কিছু এলোনা এখনো?

উৎপল ব'ললো, না, না! চা ফা! কিন্তু আমি, বুঝলেন, এখন  
এই অসময়, আপনার মাথা খাবাপ, আমি উঠি। কাল আসবো  
আবার বিকেলে। উৎপল উঠে দাঁড়ালো।

অপূর্ব ব'ললো, বসুন। এতো তাড়াতাড়ি কি আছে? একটু  
চা না-ভয় খেয়েই গেলেন!

—গাপ্ করবেন! উৎপল প্রায় হাত জোড় ক'রলো : কালকে  
বিকলে আবার তো আসচি!

—বিকলে? শকুন্তলা ব'ললো : বিকেলে কেন? দুপুরবেলা  
চ'লে আসুন! ম্যাটিনিতেই সব একসঙ্গে বাবো। হোক্ গে আপনার  
টিকিট নষ্ট! আসার সময় কাবেরীকে সঙ্গে আনবেন অতি অবশ্য,

আর তার বরটিকেও। ধ'রে-বেঁধে আনা চাই-ই চাই। আপনিও সপরিবারে। ভুলবেন না তো ? আমার বই ব'লে না-হোক, কুমারী কৃষ্ণার অভিনয় দেখারো তো একটা লোভ আছে সকলেরি। কাবেরীকে আমার কথা ব'লবেন, অ্যা ?

উৎপল ব'ললো, নিশ্চয়, আমি একুনি যাচ্ছি ওদের ওখানে।

হারিসান্-রোড্ ক্রস্ ক'রে উৎপলের বাচ্চা-মোটর গাড়ী লোজা আমাহার্ট ধরে বোবাজারের দিকে গেলো। শকুন্তলা ওপরের জানুলা দিয়ে তাকিয়ে দেখছিলো।

শকুন্তলা ব'ললো, লোকটিকে কেমন মনে হ'লো।

—মনে হ'লো উনি ডাক্তারী করেন। অপূর্ব একটু হাসি-হাসি মুখে ব'ললো।

শকুন্তলা ব'ললো, সব কথাতেই তোমার ফাজলামো।

—মিথ্যা কথা বলেছি ? অপূর্ব ব'ললো : স্ব-চক্ষে তাঁর কোটের ইন্-সাইড্ পকেটে স্টেথেস্কোপ দেখলাম !

শকুন্তলা চুপ ক'রে গেলো।

সকল গলির মুখে মোটর দাঁড় করিয়ে উৎপল মোটরে ব'সে ব'সেই রাস্তায় পা দিয়ে আলুগোছে বেরিয়ে এলো, এবং সশব্দে তার পেছনে দরজা বন্ধ ক'রে দিয়ে বাঁধানো গলিতে জুতোর নিদারুণ শব্দ ক'রতে ক'রতে নিতান্ত সাহেবী মেজাজে এগিয়ে গেলো। দুর্জয় এখন অফিসে বেরিয়ে গেছে নির্ধাৎ। তবু কাবেরীর কাছে সে গিয়ে উপস্থিত হোক। আর এই দারুণ অসংবাদটি তাকে গিয়ে জানাক। স্বয়ং সাহিত্যিক

শকুন্তলা আজ তাকে তলব ক'রেছে। একসঙ্গে যাবে তারা সিনেমা দেখতে। এই উৎপলের সম্মুখে, ই্যা, সম্মুখে বলা চলে বই-কি, শকুন্তলা এই উপস্থাপনাটি লিখেছিলো কসিয়ান্ডের কাঠের বাড়িতে ব'সে। একেবারে উৎপলের চোখের সামনে ব'সেই বলা চলে।

দরজার কড়া নাড়তেই মৃগাক্ষবাবু বেরিয়ে এলেন : কে ? ওঃ, উৎপল ? এসো এসো, হঠাৎ কি মনে ক'রে ? লতা ভালো আছে ? তোমরা ভালো আছো ? তোমার বাবার ব্লাড্ প্রেশার ?

উৎপল সব উত্তরই দিলো এবং অন্তরে চ'লে এসে ব'ললো, 'দুর্জয়বাবু অফিসে গেছেন তো ?

কাবেরী ব'ললো, ই্যা। অনেকক্ষণ।

—ই্যা, কি বলে গিয়ে ! উৎপল ভুক টেনে আরম্ভ করলো : শকুন্তলা সরকারকে চেনেন তো ?

কাবেরী ব'ললো, কে, শকুন্তলাদি ?

—ই্যা, তাই !

—তিনি কি ? অনর্থক ভয়চকিত দৃষ্টিতে তাকালো কাবেরী।

উৎপল ব'ললো, তিনি এখানে এসেছেন। এই, রয়্যাল হোটেলে আছেন।

—তা-ও রকে ! কাবেরী ব'ললো : আমি আবার ভাবলাম—

—অত্যা নয়, মেয়ে মানুষদের নিরর্থক আতঙ্কটা ফ্যানান। তাঁর বই সিনেমায় দেখানো হবে জানেন নিশ্চয়ি। উৎপল ব'ললো।

কলতলায় একরাশ এঁটো বাসনের ওপর একপাল কাক উড়ে ব'সতেই কাবেরী ছই হাত উঁচু করে তাড়া ক'রে রারান্ধা থেকে নেমে পড়লো। ফিরে এসে ব'ললো, সত্যি নাকি ? জানিনে তো !



—জানেন না ? সেকি ? এ তো সহরময় রাষ্ট্র ! উৎপল বিস্মিত.  
ছ'টো চোখ মেলে ধ'রলো ।

—আর জানা জানি । কাবেরী অকারণ দীর্ঘ নিশ্বাসের শেষে  
ব'ললো : সাংসারই আমার বায়স্কোপ, এই দেখতে দেখতে আমার  
সময় যায়, আর কোনো দিকে তাকানোর সময় কোথায় ? ওই  
দেখুন—এই জাপান, ফের ভূমি নোঙরা করছো ? না, আর পারা-  
গেলো না !

উৎপল ব'ললো, চীনা কোথায় ?

—ভূমিয়ে আছে । এইমাত্র ঘুম পাড়লাম । যা দূরন্ত হ'য়েছে.  
সব । আর পারি নে । কাবেরী, পুত্র-কন্যাব ব্যাক্ততি করলো ।

উৎপল ব'ললো, শুভ্রন, যা ব'লতে এসেছি । আসচে কাল, মনে  
রাখবেন, দুপুর বেলা, তুলবেন না যেন, আমি অবশ্য এসে হাজির  
হবো । শকুন্তলা দেবীর সঙ্গে আমাদের সকলের যেতে হবে  
বায়স্কোপে ।

—দেখি, উনি যদি মত দেন ! কাবেরী বিষম মুখে ব'ললো ।

উৎপল হাসলো : উনি-র মত নেবো আমি, তাঁকেও যেতে হবে ।  
তাঁকে আমার হ'য়ে ব'লে দেবেন, যেন কালকে অফিসে না যান ।  
আমি আসবো বারোটা নাগাদ, অবশ্য লতাকে নিয়ে । শকুন্তলার  
বই, ব'লেছে : পাস-এ যেতে হবে সকলকে । কুমারী কৃষ্ণা নামছে  
নায়িকার ভূমিকায়, ভদ্র ঘরের মেয়ে ও ।

—হ্যাঁ, ভদ্রঘরের মেয়েদের আর কাজ নেই । কাবেরী নাক  
সিটকালো ।

—ফ্যাক্ট্ ! উৎপল জোর দিয়ে ব'ললো : সন্ধ্যাই জানে তা ।

কাবেরী ব'ললো, জাপান, পা-জামা নোঙরা হ'চ্ছে। ধুলোর মধ্যে ব'সো না। ওঠো। (উৎপলকে) রেখে দিন আপনি। আমি স্ব-চক্ষে দেখলেও বিশ্বাস ক'রবো না ভদ্রঘরের ব'লে।

—বিশ্বাস না করলে উপায় নেই। উৎপল হতাশ গলায় ব'ললো :  
কিন্তু আপনারা যাবেন। \*

—প্রভুর মজি ! তিনি যদি রাজি হন, যাবো। কাবেরী  
জাপানের দিকে তাকিয়ে ব'ললো।

উৎপল ব'ললো : প্রভুকে ব'লবেন তিনি যেন কাল অবশ্য বাসায় থাকেন। একদিন অফিস কামাই করলে কোনো ক্ষতি হবে না তাঁর। শ্রেষ্ঠ সাহিত্যিকের লেখা বই, আর শ্রেষ্ঠ নটীর অভিনীত। আমরাই-বা শ্রেষ্ঠ দর্শক হবো না কেন ? যেতে হবে, যেতে হবে ! না হ'লে শকুন্তলা দেবীর কাছে আমি মুখ দেখাতে পারবো না। বার-বার ক'রে তিনি আমাকে ব'লে দিয়েছেন, সকলকে এক সঙ্গে ধ'রে নিয়ে যেতে ! তাঁরও তো এ কম আনন্দের কথা নয়, বন্ধু-বান্ধবদের সঙ্গে নিয়ে নিজের বই দেখায় তৃপ্তি যে অসাধারণ। যেতে হবে, যেতে হবে। আব আমি সাধুতে পারবোনা বাপুঃ। আমি চললাম। ডিসপেন্সারী ফেলে অনেকক্ষণ আড্ডা হ'লো।

কাবেরী ব'ললো, সন্ধ্যার দিকে একবার আনুন না, এখন তো কিছুই খাওয়াতে পারলাম না। অপরাধ নিশ্চয়ই মার্জনা করবেন।

—যদি না করি। উৎপল ঘুরে দাঁড়ালো।

—কি আর করবো তা'হলে বলুন ! মার্জনা না করলে, অপরাধ স্বীকারও করবো না। কাবেরী হাসলো। এবং ব'ললো,

সন্ধ্যা-বেলা এলে নিজেরই ব'লে বাবেন, শেই ভালো। আর পরি-  
বারটিকেও একদিন আনলে তো পারেন!

হাস্তে হাস্তে উৎপল বেরিয়ে গেলো, ব'ললো, কাল বেলা  
ঠিক বারোটা, মনে থাকে যেন।

কাবেরী একটা দীর্ঘ-নিশ্বাস পাত ক'রে নিজের কাজে গেলো।  
বিস্তার মা-ও আজ আবার আসেনি, সব কাজ আজ কাবেরীকেই  
করতে হবে একা। বাগন মাজা থেকে বাটনা বাটা, সবই আজ  
তাকে এক হাতে করতে হচ্ছে।

সমস্ত কাজকর্ম সেরে, দু-টি খেয়ে নিয়ে কাবেরী ঘরে এলো।  
বেলা সাড়ে বারোটা বেজে গেছে। চীনা এখনো অকাতরে ঘুমছে।  
এবার তাকে একটু দুধ খাওয়াতে হয়। বাসুর পাশে জড়ানো  
বাঙিল থেকে খানিকটা জ্বাকড়ার ফালি ছিঁড়ে নিয়ে তেলের  
বাটির ভেতর জ্বাকড়া একটু ভিজিয়ে তাতে আশুন দিয়ে কাবেরী  
বাটির কাণা ধ'রে দুধ উষ্ণ করে নিলো। চীনাকে কোলে তুলে  
নিয়ে ঘুমন্ত মেয়ের মুখের ভেতর ঝিঙ্ক পুরে দিয়ে না গেলো  
পর্যন্ত ধরে থাকলো। চীনার ঘুম ভাঙতেই চোঁচিয়ে কাঁদতে আরম্ভ  
করলো।

ঝিঙ্ক দিয়ে বাটি বাজিয়ে, পা হুলিয়ে মেয়েকে শান্ত করার  
চেষ্টা করলো কাবেরী। কোনো গতিকে ছুঁটুকু খাইয়ে তাকে  
পাশে নিয়ে শুলো। নিজের বুক এগিয়ে দিলো চীনার মুখে,  
জাপানকে বারান্দা থেকে ডাকলো কাছে আসতে, কিন্তু সে নাকি  
তার ঠাকুরদার কাছে ঘুমাবে। তাই ভালো।

পরম আরামে চীনা কাবেরীর বুক চুষতে লাগলো। বন্ধ-রসের

সঙ্গে সঙ্গে কাবেরীর কাব্য-রসও শুবে নিয়েছে এরা। এই কাবেরীর জীবনের শ্রেষ্ঠ কবিতায় দাঁড়িয়েছে এখন।

কোথাও স্বামীর, কোথাও ছেলে-মেয়ের জীবনে কোনো হ্রস্বোপভন ঘটছে কিনা, সে দিকে তার নজর প'ড়ছে পলকহীন।

চীনার মুখের দিকে একদৃষ্টে তাকিয়ে আছে কাবেরী। চীনার মুখের ডোল, চোখের টানা রেখা, কপালের অপ্রশস্ততা অনেকটা করতোয়ার মতো হ'য়েছে যেন। এ-টা সে লক্ষ্য ক'রেছে অনেকদিন আগেই, কিন্তু কারো কাছে সে প্রকাশ করতে পারে নি আদৌ। কাবেরীর চোখে তার দিদির মূর্তি আজও জ্বলজ্বল ক'রে বেঁচে আছে। দুর্জয় কি করতোয়াকে ভুলে গেছে? কই, একদিনও তো দুর্জয় কাবেরীর সন্মুখে করতোয়ার নাম উচ্চারণ করেনি। হয়ত, হয়ত কেন নিশ্চয়, সে ভোলেনি। কাবেরী যেমন নিজের বুকের মধ্যে স্মৃতির ক্ষত লুকিয়ে রেখেছে, দুর্জয়ও তেমনি রেখেছে অনিবার্ণ! দুর্জয়-ই না করতোয়াকে ভালোবেসেছিলো, কিন্তু যে-দিন দুর্জয় করতোয়ার ওপর একাধিপত্য বিস্তার করতে ছুটে এলো, এসে দেখে করতোয়া নেই! কাবেরী জানে, করতোয়া কোথায়,— কিন্তু সে কথা সে প্রকাশ করতে পারেনি, নিজের জীবনের ওপর স্বেচ্ছায় বিভীষিকা কে টেনে আনতে চায়, বলো! কাবেরীকে পেছনে আসতে ব'লে করতোয়া পদ্মায় ডুবে মরতে বেরিয়ে গেলো! কাবেরী আর গেলোনা, তাই আজো রইলো বেঁচে। কিন্তু করতোয়া তো কবে ম'রে গেছে। পদ্মার ঘোলাটে জলের নিচে তার সমাধির বাগর রচিত হ'য়ে রইলো। কিন্তু লোকে তাকে জেনেছে অশ্রুরূপে।

কিন্তু সে-কথা আর ভেবে লাভ নেই, কাবেরী ঘুমিয়ে পড়লো।  
বিকালে ঘুম থেকে উঠে সাংসারিক টুকটাকি কাজকর্ম সেয়ে কাবেরী  
চুল বাঁধার জোগাড় করলো। জানলার গরাদে আমনা দাঁড় করিয়ে  
তার সম্মুখে দাঁড়িয়ে চুল আঁচড়ে নিলো, এবং চুল কাঁপিয়ে দিয়ে  
মাথার ওপর দিয়ে গামছা ঘুরিয়ে এনে গুলার কাছে নির্মম হাতে  
বেঁধে বিছুনি গাধতে আরম্ভ করলো। খোঁপা বেঁধে হাতের বাড়ি  
দিয়ে দিয়ে খোঁপাটি জুঁসই ক'রে সিঁথায় দিলো শুল্লার-ভূষণ,  
কপালে পরলো লাল টুকটুকে টিপ।

গলিতে জুতোর শব্দ শুনে গরাদে গাল বাধিয়ে দিয়ে যথাসাধ্য  
দূরে তাকিয়ে দেখলো দুর্জয় আসচে। দরজার কাছে ব'লে কাবেরী  
জাপানের মুখ মুছিয়ে দিতে লাগলো গামছা দিয়ে।

দুর্জয় ঘরে এলো। গম্ভীর মুখে গায়ের কোট খুললো, শার্ট খুললো,  
কাপড় পরলো ঢিল ক'রে। ডাকলো, জাপান, এদিকে এলো।

ওদিকে উৎপল লতাকে ব'ললো, তৈরি হ'য়ে নাও। দুর্জয়-  
বাবুদের ওখানে চলো একবার।

লতা ব'ললো, হঠাৎ আজ ?

—কেন, বাপের বাড়ি যেতে আবার পঞ্জিকা দেখতে হবে নাকি ?  
বে-সে দিন গেলেই হ'লো। প'রে নাও, প'রে নাও শিগুগির ! ছ-টা  
বেজে গেছে। যাবো, তারপর সাড়ে সাতটার মধ্যে যেমন-ক'রেই হোক  
ফিরতে হবে। ই্যা, কাজ আছে। উৎপল তাগাদা দিতে আরম্ভ করলো।

লতার বাঁ-চোখটা আর ভাল হ'লো না। চোখে চষমা দিয়ে,  
কাগজের মতো খসখসে একটা জংলা-শাড়ি প'রে লতা তৈরি হ'য়ে  
নিলো।

উৎপল ব'ললো, আমিও কাপড় প'য়েই বাই, কি বলো ? এই তো বেশ দেখাচ্ছে ।

—ভাই চলো ।

হুজুরের এখানে এসে দেখে, লোক বেশি না হ'লেও যেন রীতিমতো তিড় বেধে গেছে । সে কি ? শকুন্তলা আর অপূর্ববাবু এসে গেছেন দেখছি ।

লতার হাত ধ'রে সিঁড়িটুকু তুলে নিয়ে উৎপল ঘরে ঢুকলো : আপনারা এসে গেছেন ? বাড়ি ঠিক পেলেন কি ধ'রে ?

অপূর্ব ব'ললো, বড়ই আশ্চর্য, না ? গলিটা তো বলেই এসে-ছিলেন, তারপর খুঁজে নিলাম ।

হুজুর ব'ললো, এই যে, বন্ধন উৎপলবাবু । লতা, আর এদিকে আর । কাবেরী ভেতরে আছে, তুই বোস্ । সে আসচে ।

লতা ধীরে ধীরে ব'ললো ।'

শকুন্তলা লতার দিকে তাকালো । যেমন সে শুনেছিলো, এ ভেমন রূপ ব'লে মনে হ'চ্ছেনা । তবে স্বাভাবিকতা থেকে এক-আধ ভিগ্নী নিচু ব'লে ঠেকছে । চোখের চাউনিটা যেন একটু পাগলা-পাগলা গোছের ।

উৎপল ব'ললো, আলাপ করিয়ে দি । ইনি আমার স্ত্রী, আর ইনি শ্রীমতী শকুন্তলা । ( লতাকে ) সেই 'অবধারিত', 'পদ্ম-দীপির ইতিকথা', 'নানা ভাষা', 'মাদ্রাজী-প্রেম' সব এঁরই লেখা ।

লতা হাত তুলে নমস্কার করলো, শকুন্তলাও ।

—আর উনি, উনি শকুন্তলা দেবীর স্বামী অপূর্ববাবু, প্রফেসার ।

লভা অপূর্বকে অভিমান জানালো, অপূর্ব তৎক্ষণাৎ ফেরৎ নিয়ে দিলো, ব'ললো, চমৎকার আনন্দের দিন আজ। সবাই দিকে দিকে ছিলাম বিচ্ছিন্ন, আজ এক আয়গায় মিলিত হবার সুযোগ পেয়েছি। মেরুতে মেরুতে আজ একাকার।

সকলে মিত্র হাসলো।

কাবেরী একলা আলাদা প'ড়ে গেছে, ঠিক দিন বুকেই বিস্তর-মাও মেরেছে ডুব। দোকানের কেনা খাবার অপূর্ব খায়না। লুচি, আলুর-দম, সিদ্ধাড়া আর টা তাকে করতে হ'চ্ছে এক হাতে।

হুজুর ফাঁক বুকে দৌড়ে এসে তাকে সামান্ত সাহায্য ক'রে আবার ছুটে গিয়ে ওদের দলে ভিড়ে যাচ্ছে। ওরা জিজ্ঞেস করলে ব'লছে, জাপানটা আবার পালিয়েছিলো, ধ'রে নিয়ে এলাম।

শুভ।

হুজুর ব'ললো, এখন আর কোনো নতুন বই-টাই লিখছেন না, শকুন্তলা দেবী?

—বই? তা লিখতে হ'চ্ছে বই-কি? না লিখে আর উপায় আছে? এক, প্রকাশকের তাড়া, আর ইলপিওরেশন প্রকাশকের তাড়া। ছ-টোই সমান নির্ভর। শারীরিক ব্যাধি বোধে, মানসিক ক্লান্তি মানে। শকুন্তলা মাথা নিচু করলো।

উৎপল আন্তরিক গলায় আরম্ভ করলো : আপনার 'অবধারিত' লেখার সময় কী বিরক্তটাই ক'রেছি। ছপুস-বেলা মন ভালো লাগলোনা, সেই দার্জিলিং থেকে ছুটে এলাম কার্গিরাঙ।

অপূর্ব নড়ে চড়ে ব'ললো।

শকুন্তলা আড়-চোখে অপূর্বর দিকে তাকিয়ে ব'ললো, ই্যা, তা মনে পড়ে বই-কি ! কই, কাবেরী আসুক ।

উৎপল ব'ললো, সে একদিন গেছে । অতীত মুহূর্তগুলি বড়ো নির্ভর, একবার হাত থেকে পিছলে গেলে আর তো ফিরে আসেই না, ক্রমশ দূরে স'রে যাব' আর হ'য়ে ওঠে বেশি রমণীয়, কি বলেন ?

—নিশ্চয় । শকুন্তলা দীর্ঘনিশ্বাস ত্যাগ করলো ।

লতা নড়ে চড়ে ব'ললো ।

উৎপল আরো কী-সব ব'লতে যাচ্ছিলো, শকুন্তলা তাড়াতাড়ি আরম্ভ করলো : এই কাবেরীর কথা ধরুন । কবিতার হাত ছিলো অতি চমৎকার । কিন্তু তা অতীত । শকুন্তলা নিজের কথা ইঠাৎ সংক্ষিপ্ত ক'রে ফেললো ।

অপূর্ব সিগারেট জালিয়ে ব'ললো, আর তরলিকা, বেচারীব প্রতিভা একেবারে মাঠে মারা গেলো । ওহুন্ তার লেখা কয়েকটা লাইন, সতের বছর বয়সে লিখেছে, তার 'চলিত-চম্পক'-বই থেকে বলছি :

বাহিরে যে-রাতি জাগিয়া র'য়েছে একা,—

তার-বর্তিকা জালিয়া প্রতীকার,

যে-রাতি ঘুমায়নিকো

তার সাথে মিল আমার অভীশার ।

অ'ধার-খোমটা পবি'

বাহিরে জাগিছে মোর চিব-সহচরী ।

নিদারুণ ভোর চুরি করে তার বাতি,

ফু' দিয়ে নেভায় আলো,



ভরণ অরুণ-চুসনে ঘোর সাধী

যুচার তাহার কালো ।

বন্ধে আনার অলিল কত-যে শিখা

সব কিছু তার কাব্যে রহিল লিখা ।

অপূর্ব খামলো, ব'ললো : এমনি-সব নানা-রকম কবিতা সে  
লিখেছে ।

দুর্জয় ব'ললো, আর লেখেন না কেন ?

—হঁ। আরো লিখবে ! ছু-দিনের খেয়াল, জলের দাগের  
মতোই কণস্থায়ী ।

উৎপল বললো, কবিতাটা কিন্তু চমৎকার লাগলো । তিনি  
কোথায় ?

অপূর্ব ব'ললো, পৃথিবীতেই আছে ।

দুর্জয়ের কানে তখন কাবেরীর পুরানো কবিতাগুলি ঝঙ্কার  
দিচ্ছে ।

গম্ভীর পয়ার ছন্দের মধ্যে সহসা একটু হাল্কা চৌপদী বদি  
টুকিয়ে দেওয়া যায় তাহ'লে যেমন বেঙ্গুরো শোনায়, দুর্জয়ের কাছে  
তার নিজের জীবন হঠাৎ তেমনি বেঙ্গুরে বেজে উঠলো । ভোর  
বলা ভৈরবীর বদলে কে-যেন গেয়ে গেলো দাক্ষণ দীপক । কাবেরীকে  
গহনা সে তার বধূরূপে মনোনীত করেছিলো কেবলমাত্র কাবেরীর  
ফবিতার খাতিরে, করতোয়াকে অকস্মাৎ সে ক'রেছিলো বাতিল, কিন্তু  
সেই কবিতা এখন কোথায় ? উত্তপ্ত বায়ুকার ওপর সেই শীতল  
ঝঙ্কতোয়্য তার রেখাটুকু পর্ষস্ত হারিয়ে ফেলেছে । তার জন্ত দায়ী

দুর্জয়ই অবশ্য। একের পরে এক করে সে-ই তো কাবেরীর বুকের ওপর চাপিয়ে দিচ্ছে সাংসারিক বোঝা।

এই তো। কাবেরী রীতিমতো কোমরে কাপড় জড়িয়ে নিয়েছে, ছেলেবেলার কানামাছি খেলার কথা এখন তার মনে হওয়া উচিত ছিলো, কিন্তু সেটুকুই-বা অবসর কোথায়?

সকলের সম্মুখে একটি একটি ডিশ সাজিয়ে দিয়ে কাবেরী চ'লে গেলো।

অপূর্ব বললো, সে কী? উনি চ'লে গেলেন? আমরা এলাম যার কাছে, তাঁকে ফেলে—

দুর্জয় একবার অন্তরের দিকে তাকিয়ে ব'ললো, আসচে।

উৎপল ব'ললো, আমরা পরে খেলেও তো পারতাম। এতো তাড়াতাড়ি নেই আমাদের। উৎপল নিশ্চয় তার সাড়ে সাতটায ফিরে যাওয়ার কথা ভুলে গেছে।

অপূর্ব ব'ললো, সে কি হয়? সব এক সন্নেই থাকো। এ-তো উদর-পূর্তি নয়, এ যে উদার কুর্তি। নিজের ভাষার ঝঙ্কারে অপূর্ব নিজেই হেসে উঠলো।

শকুন্তলা স্বামীর মুখের দিকে অপাঙ্গে তাকালো। ব'ললো, ভাষা-জ্ঞান বেড়েছে।

অপূর্ব বললো, হঁ। বড় ছোঁয়াচে ওই ভাষা-যোগটি। গা ঘেঁসা-ঘেঁসি থাকলে আক্রমণ করবেই।

শকুন্তলা হাসলো, বললো, ঢের হ'য়েছে। (দরজার দিকে তাকিয়ে) কই, কাবেরী কোথায়?

দুর্জয় সলজভাবে ব'ললো, হয়ত কাপড়টা ছেড়ে আসচে।

অপূর্ব ব'ললো, বড় কষ্ট দিলাম আমরা। কেন-বে মিছামিছি.  
হালোমা আরম্ভ করলেন।

লতা ধীরে ধীরে উঠে ভেতরে গেলো। তার বাবা ভিতরের ঘরে  
ব'সে আপানকে লুচি খাওয়াচ্ছিলেন। লতা ব'ললো, বোঁ কই?

—ওই তো'রান্না ঘরে। তুই এলি কখন? বোস্।

লতা ব'ললো, তোমার যা কথা। ওদিকে সন্ধ্যাই ব'সে আছে!

রান্না ঘরে গিয়ে দেখে সেখানেও কাবেরী নাই, বাইরের ঘরে  
ফিরে এসে দেখে, কাবেরী সেখানে ব'সে।

জলযোগ শেষ হ'য়ে গেলে তারপর সকলে গাছোথান ক'রলো।

শকুন্তলা কাবেরীর কাছে এসে ব'ললো, তাহ'লে যাচ্ছো ভাই  
ভূমি। ঠিক ছু'টোর মধ্যে হোটলে গিয়ে পৌছনো চাই। দুর্জয়বাবু,  
আপনারা যাবেন। লতা দেবী, সঙ্গে যাবেন তো? উহঁ, ও-সব  
সুনছিনা, যেতেই হবে।

লতা ব'ললো, দেখি।

অপূর্ব ব'ললো, না, দেখাদেখি নাই। আপনি যাবেন। এখানে  
যেমন আজ আনন্দ ক'রে গেলাম, এমনি আনন্দ কাল হোটলেও  
হবে। কি বলেন? ওঃ, নিশ্চয়। যাবো বই-কি। আপনাদের  
ওখানেও যাবো একদিন। তবে কালকের দিনটি নির্বিবাদে কাটিয়ে  
দিন আপনারা।

শকুন্তলা কাবেরীর কাছে হাত দিচ্ছে ব'ললো; কিছু কথাবার্তা  
হ'লোনা ভাই আজ। আর একদিন একলাটি চূপ ক'রে চ'লে আসবো।  
কিন্তু এমন হৈ-হালোমা চ'লবেনা কিন্তু। আর হোটলেও তো আমার  
ঘুর নয় এখান থেকে, একদিন ছুপুরে চ'লে গেলেই পারো। বাবার

সময় তোমার কবিতার খাতাটি কিন্তু সঙ্গে নেবে তাই। কিন্তু কাল বেলা ছুঁটো, ঘনে থাকে যেন। উৎপলবাবু, বার-বার সাধতে পারবোনা কিন্তু, যাবেন।

উৎপল ব'ললো, সাধতে ব'লছে কে? আপনিই তো গায়ে প'ড়ে সাধছেন।

শকুন্তলা আর অর্পূর্ব রাস্তায় নেমে গেলো। তাদের বিদায় দিয়ে কাবেরী ঘরে এসে দুর্জয়ের সাথে এসে দাঁড়ালো, লতা আর উৎপল যাবো-যাবো করতে করতেও একটু ব'সলো।

মৃগাক্ষবাবু এসে ব'সলেন, উৎপল, লতা আজ থাক্ এখানে। কাল সিনেমা টিনেমা দেখে তারপর নিয়ে যেয়ো, কেমন?

উৎপল হাসলো, ব'ললো, তবে আমি আসি!

সিঁড়ি দিয়ে দ্রুত উঠে এলো জুতোর শব্দ। অর্ধেকুই আসছে তাহ'লে। কৃষ্ণা লতা ডিম্বাকৃতি আয়নার মধ্যে তার নিজের পরিপূর্ণ ছায়া ফেলে দাঁড়িয়ে রইলো। ছায়া-ছবিতে সে যতটা রূপসী বাস্তবিক ভাবে দেখতে-গেলে রূপসী সে আরো। সে খবর তার নিজের অজান্তে নয়।

আশির ভেতরে অর্ধেকুর ছায়া দেখে কৃষ্ণা ফিরে তাকালো, ব'ললো, Come in ! ব'সো । .

—এখনো ব'সবো ? হাতের ঘড়ি কৃষ্ণার সায়ে মেলে দিয়ে ব'ললো, আড়াইটে ।

—বাজুক ! • কৃষ্ণা তার দেহের প্রতিটি রথায় হৃদয় কম্পন জাগিয়ে ব'ললো : তাই ব'লে গড়্ সেজে যেতে তো পারবোনা । না-হয় দু-এক মিনিট দেরীই হবে । কারু আনোনি ?

—নিশ্চয় ! অর্ধেকুর লোকের মধ্যে ব'সতে ব'সতে ব'ললো ।

—তবে আবার কি ? কতক্ষণ আর লাগবে এখান থেকে যেতে ? বড়ো জোর বিশ মিনিট ! তিনটেয় তো আরম্ভ, তবু দশ মিনিট সময় পাবো হাতে । সিল্কের নীল এক টুকরো ফালি আঙুলে জড়িয়ে কৃষ্ণা আশির কাছে গিয়ে চোখের কোণ পরিষ্কার করতে আরম্ভ করলো ।

অর্ধেকুর ব'ললো, তোমার অ্যাকশান-গুলোই দেখবার ।

কৃষ্ণা মুখ ঘুরিয়ে সকোতুকে ব'ললো, আর তোমার গুলো শোনবার ।

—বিখ্যাস করছো না ? সত্যি বলছি, তোমার টানিংগুলো নেওড়া, তোমার মাথা-ঝাঁকি দিয়ে কথা বলা কিংবা চুপ ক'রে মিটি মিটি হাসা—সবগুলোর মধ্যেই হৃদয়ান্তিহৃদয় নির্ধুং আট আছে । অর্ধেকুর জুতি গাইলো ।

কৃষ্ণা কৃত্রিম-গর্বে বুক বিস্ফারিত ক'রে ব'ললো, না-হ'লে কি আর Garbo of the East হ'য়েছি মিথ্যাই ! মিথ্যাই কি লোকে বাহবা দিচ্ছে ?

অর্ধেন্দু বললো, তা সত্যি। কিন্তু কৃষ্ণা, তুমি তোমার প্রতিশ্রুতি আজো রাখলে না। আজো তুমি তোমার জীবনের ইতিহাস আমাকে বললেনা। রীতিমতো ক্যামেরার সায়ে দাঁড়িয়ে বলার মতো অর্ধেন্দু বলে গেলো।

এতে কৃষ্ণার গায়ে আঁচড় লাগার কিছু নেই। অর্ধেন্দুর এ-রকম কথায় সে অভ্যস্ত। অনেকদিন ধরেই তো এই অর্ধেন্দুর সঙ্গে তার পালা গাইতে হচ্ছে। যে ক'টা বই-তে কৃষ্ণা নেমেছে নারিকান্নপে, অর্ধেন্দু হ'য়েছে তারি নায়ক। কত রকম ভালোবাসার কথা, কত স্বপ্নার কথা, কত-রকম অল্লীল ইঙ্গিত অভিনয়ের মধ্যে তাকে গুন্তে হয়েছে, শুনে শুনে বাস্তব সংসারেরও কোনো ইলার। তাকে কাবু করতে পারছেন, আয়ত্ত্ব ক'রেছে সে এমনি দৃঢ়তা।

তার। হু'জুন মোটরে চুকলো। স্টার্ট দিয়ে অর্ধেন্দু বললো, 'অবধাবিত'-বইএর যেকি অ্যাক্সিডেন্ট না ক'রে আজ যদি সত্যিই অ্যাক্সিডেন্ট করে বসি।

—মরবো। অনায়াসে বললো কৃষ্ণা।

ভিডেব রাস্তা দিয়ে চালাতে চালাতে অর্ধেন্দু বললো, প্রথম দিন নিজেদেব অভিনয় একবারে দেখতে ইচ্ছে করে, না? নইলে কত-বার তো দেখেছি স্টুডিওতে।

—বই দেখতে তো ঠিক ইচ্ছে করেনা। কোন্ অভিনয়ে বেশি বাহবা পাওয়া যায় দেখতে ইচ্ছে করে সেইটুকু। কৃষ্ণা বললো।

অর্ধেন্দু বললো, এখন এক কাজ করলে হয় না? একটু বোটানিক গার্ডন্ থেকে বেড়িয়ে এলে?

—খুবই অস্বাস্থ্য হয়। কৃষ্ণা গভীর মুখে ব'ললো।

অর্ধেন্দু চকিত কটাক্ষে কৃষ্ণার মুখের দিকে তাকালো, একটা দীর্ঘনিঃশ্বাস ত্যাগ ক'রে ব'ললো : তোমার জীবনের কাহিনীটুকু শোনবার আমার ভয়ানক ইচ্ছে। তুমি আলাপ আলোচনা করো, ভালোবাসার ভাণ করো, এতো অভিনয় করো, তবু একটু ভালো-বাসতে পারোনা ? কেন, আমি কি ভালোবাসা পাবার যোগ্য নই ?

—কি ক'রে যোগ্য বলি, বলো ? তুমি সত্যি আমায় ভালোবাস ? যদি বলো ই্যা, জেনে নেবো স্বার্থের খাতিরে মিথ্যা ব'লছো। কৃষ্ণা অবিকৃত মুখে ব'লে গেলো।

—আমার স্বার্থ ? স্বার্থ আমার এমন কী থাকতে পারে, কৃষ্ণা ?

—স্বার্থ কি, তা-ও ব'লে দিতে হবে ? প্রত্যেক পুরুষের যে স্বার্থ প্রত্যেক মেয়েকে নিয়ে। আমাকে আর বিরক্ত ক'রোনা ও-কথা নিয়ে। মনে রেখো, আমি উরোধি নই, চম্ভা নই, গঙ্গাবাদী নই, আমি কুমারী কৃষ্ণা। দেখো, আর একটু হ'লেই চাপা দিয়েছিলে আর-কি।

অর্ধেন্দু ব'ললো, তবে এ-পথে এসেছো কেন ?

—এ-পথ কী পথ নয় ? অর্ধোপার্জন চাই, পরম মুখে বেঁচে থাকতে চাই, তাই এসেছি। তোমরা যদি বেশি জ্বালাতন করে ছেড়ে দিতে বাধ্য হবো। কৃষ্ণা ব'ললো।

—অর্ধোপার্জনের কি আর পথ নেই ?

—আছে, কিন্তু এইটেই আমার পরম প্রশস্ত পথ। অভিনয় জানি, অভিনয় বেচি, আর কিছু নয়। কৃষ্ণা বাইরে তাকালো।

—ভালো। কিন্তু এ-পথ নিরাপদ নয়, উপদ্রব সঙ্ঘ করতে হবে অজস্র, শেষ পর্যন্ত টিকে থাকা মুক্লিস। সুপুৰুষ্টিয়ারিং ডানদিকে ঘুরিয়ে দিলো।

—ভবিষ্যতের কথা ভাবিনে। হয়ত পতন হবে, জানি। কিন্তু যদি নিজেই লঞ্চে ঘোড়া যায়, ততদিনই পরম পরিতৃপ্তি।

দীর্ঘনিশ্বাস ফেলে অর্ধেন্দু ব'ললো, তা হ'লে কি বলতে চাও, কাউকে ধরা দেবেনা, কাউকে ভালোবাসবে না ?

—কেন বাসবো না ? ভালোবাসতে না জানুলে মাহুষ ম'বে যেতো। আমিও একজনকে ভালোবাসি ব'লেই আমি আজ অভিনেত্রী ? ভালোবেসেছিলাম ব'লেই—ওকি, ব্রেক করো। এসে গেছি যে আমরা।

শো আরম্ভ হবো-হবো হযেছে। প্রথমেই ছোট একটা কমিক বই এই মাত্র পদ'ায় লাফিয়ে পড়বে। তারা দু'জন রাস্তায় নামতেই এদিক ওদিক থেকে সকলে স্ত্রেন-দৃষ্টিতে তাদের দিকে তাকালো। জল্পনা না করে তাবা ওপবে চ'লে গেলো। প্রেক্ষাগৃহ গাট অন্ধকার। আলো থেকে অন্ধকারে এসে অন্ধকার গাটতরো মনে হলো। মেঝেতে পা ঘ'সে ঘ'সে ধীরে ধীরে তারা এগিয়ে গেলো। ওদিক থেকে একজন ছুটে এসে টর্চ জালিয়ে তাদের পথ দেখিয়ে নিয়ে গেলো।

প্রথমেই কমিক বইটায় হাসির খোরাক আছে অজস্র। অর্ধেন্দু আর কৃষ্ণার পেছনে একপাল পুরুষ-মেয়ে ভয়ানক হাসছে। তাদের মুখে একটু আলো পড়ায় আবছা দেখা যাচ্ছে বই কি।

কমিক বই শেষ হ'লো বিরাট হাসির মধ্যে দিয়ে।

ধীরে ধীরে ক্রীন্‌এর উপর ছায়া পড়লো বিরাট একটি এরোপ্লেনের।



## ছায়ানট

তার ওপরে আলোক-শিল্পী, শব্দ-যন্ত্রী, প্রযোজক, পরিচালক, অভিনেতা-অভিনেত্রী, ইত্যাদির নাম থেকে থেকে মিলিয়ে গেলো। অবশেষে নাম এলো লেখিকার, পেছনের সীট্‌এ ব'সে শকুন্তলার বুক স্কীত হ'লো। বই যখন আরম্ভ হ'লো তখন পর্দার ওপরে দেখা গেলো একটি পাহাড়ী রাস্তা, এঁকে বেঁকে বহুদূর চ'লে গেছে। এই সময় বহুদিন পরে দিলীপের কথা মনে পড়লো শকুন্তলার। ক্যামেরা মুখ ঘুরিয়ে বিরাট একটি অসমতল প্রান্তর দেখালো। ভারী চমৎকার লাগছে কাবেরীর, সে দুর্জয়ের হাত চেপে ধ'রলো। সেই কতদিন আগে সে গিয়েছিলো কার্গিলাঙে, তখন সে এমনি পাহাড় দেখেছে। ক্যামেরা আবার ঘুরলো, দেখালো খাদ। খাদের নিচে ঢালুপথ ধ'রে কয়েকটি পাহাড়ী মেয়ে স্তিমিত সুরে পাহাড়ী গান করতে করতে মিলিয়ে গেলো। উঃ, কাবেরীর যা আনন্দ লাগছে। দুর্জয়কে ধ'রে বেঁধে একবার সে পাহাড়ে বেড়াতে যাবেই যাবে। ক্যামেরাও ধীরে ধীরে রাস্তা দিয়ে নেমে গেলো। একটা ক্রেপটোমারিয়া গাছের গায়ের কাছে এসে ক্যামেরা থেমে গেলো। সেই গাছে হেলান দিয়ে পেছন ফিরে দাঁড়িয়ে আছে একটি মেয়ে। এই নিশ্চয় নায়িকা, নিশ্চয় এ শকুন্তলার বইয়ের অনস্রা।

ঠিক, যা ভেবেছে। পেছন থেকে কে যেন ডাকলো : অনস্রা।

মেয়েটি ফিক্‌ ক'রে হেসে মুখ ঘুরিয়ে তাকালো। এ কী, কাবেরীর বুকের মধ্যে হঠাৎ খচ্‌ ক'রে উঠলো কেন? তৎক্ষণাৎ মেয়েটিকে আড়াল দিয়ে দেখালো একটি ছেলেকে, সে-ও দূরে দাঁড়িয়ে হাসছে।

ধীরে ধীরে মেয়েটির কাছে এসে ছেলেটি ব'ললো, অনস্রা, আজ আমি যাবো।

—আজই ? অনন্থা ধীরে ধীরে ব'ললো : কেন, না গে.  
হয়না ?

হুর্জয়ের মুঠি দৃঢ় হ'লো, অ্যা এ যে, এ যে করতোয়া ।


কাবেরীর দেহের ভেতর দিয়ে ইঞ্জিন চলছিলো । সে কি, তার ি  
বেঁচে আছে ? পদ্মায় ডুবে সে আত্মহত্যা তাহলে করেনি ! কা  
'আর চূপচাপ থাকতে পারলো না, রীতিমতো চৌচিয়ে উঠলো : দি  
দিদি !

হুর্জয় ব'ললো অ'ফুটে : করতোয়া, ই্যা উৎপলবাবু, এ করতোয়া  
শায়ের সিটে ব'লে কৃষ্ণা চঞ্চল হ'য়ে উঠলো । পেছন ি  
তাকালো ।

উৎপল ব'ললো, হুর্জয়বাবু, চূপ করুন ! কাবেরী দেবী, ধাবুন ।

শ্রোত্রাগৃহের সকলে তখন চীৎকার আরম্ভ করেছে : ওপরে গোদ  
মাল হচ্ছে বড় । অর্ডার প্লিজ ।

কৃষ্ণা আর চূপ করে থাকতে পারলেনা, অর্ধেকুর হাত ছা'ি  
উঠে এলো. ফিকে অন্ধকারের মধ্যে দাঁড়িয়ে ডাকলো, কাবী ।



## আমাদের প্রকাশিত অজ্ঞাত বাঙালি বই

ডাঃ সুবোধ চন্দ্র সেনগুপ্তের

ত্রিবিজয়নাথ সরকার প্রণীত

রবীন্দ্রনাথ (২য় সং) ৪৯০ কৈদার বদরী কুমাওন ১৮

বঙ্কিমচন্দ্র (২য় সং) ৩১০ (উত্তরাধিকার ব্যাপসহ)

ভ্রমণ-কাহিনী। ভারতের প্রসিদ্ধ  
দুর্গম তীর্থক্ষেত্রের প্রত্যেক পরিচয়।

প্রভাতকুমার গোস্বামীর

১। স্ত্রীনাথ বনাম হাই হিল

ছোটদেব বই

অভিনব কৌতুকপ্রদ গ্রন্থ। ভরুণ-

হেমন্তকুমার রায়ের

তরুণীর প্রেম ও অহুসার নিয়ে

পদ্মরাগ বুদ্ধ

১৯০

রচিত।

সুকুমার দে সরকারের

২। নাগপাশ (উপন্যাস)

২। দুঃস্বপ্নের পথে

ত্রিসত্যেন্দ্রনাথ মজুমদার প্রণীত

শিবরাম চক্রবর্তীর

১। বাঁশী (গল্প সংগ্রহ)

১৯০ দেশ বিদেশের হাসির

কপিলপ্রসাদ ভট্টাচার্য্যর

গল্প

১। ভিন্ন পেন্স হইল

এস্ সি সরকার অ্যান্ড সন্স লিমিটেড

১সি, কলেজ স্কোয়ার, কলিকাতা।